

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org


Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

p 14019

॥ श्री चंद पञ्चत्ति सूत्रम् ॥



પૂ. આચાર્યદેવ શ્રી આનંદસાગરસૂરીશ્વરજી મ.સા.ના ચરણે શત્ શત્ વંદન...



देवसूरतपागच्छसमाचारीसंरक्षक-सुविहितसिद्धांतपालक
 बहुश्रुतोपासक-गीतार्थ-चारित्रचूडामणि-आगमोद्धारक पूज्यपादआचार्यदेवेश
 श्रीआनंदसागरसूरीश्वरजीमहाराजा संशोधित-संपादित ४५आगमेषु

॥ श्री चन्द्रप्रज्ञप्त्युपाङ्गम् ॥

♦ आलेखन कार्य - प्रेरक - वाहक: ♦

प्रवचन प्रभावक पू. आ. श्री हेमचन्द्रसागरसूरिजी म.सा. शिष्यरत्न पू. गणिवर्य श्री पूर्णचन्द्रसागरजी म.सा.

♦ आलेखन कार्य वाहक संस्था ♦

पूज्यपाद सागरजी महाराजा संस्थापित जैानंद पुस्तकालय - सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અમ્હારિસા પાણી દુષમા-દોષ દુષિયા, હા; અણાહા કહં હૂન્તા...! ન હૂન્તો જહ્ જિણાગમો ॥

દુષ્મકાળે જિનાગમ-જિન પ્રતિમા ભવિચણ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થકર પ્રભુ મહાવીર દેવની ત્રિપદીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરૂ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગે પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરૂ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુમુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીર નિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાચનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાચના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાચના થઈ.

પાંચમ વાચના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાચનાઓ કરી ભવિષ્યમાં માથુરી અને વલભીવાચનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાચના કરી.

ષષ્ઠી વાચના :- તેજ ભાવનાઓ અનુસાર માથુરી વાચનાના વારસદાર આ. શ્રી દેવર્દિગણી ક્ષમાશ્રમણે તથા વલભીવાચનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યોદિઓએ મળી વલભીપુર(વળા સૌરાષ્ટ્ર)માં

॥ પ્રાક્-કથન ॥

૩

સંપાદક શ્રી

પુસ્તકા૩૬ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકા૩૬ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરૂ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરૂદેવ શ્રી ઝવેરસાગરજી મ.ની આગમોની પારદંશ્વતાના વારસાને તે ગુરૂદેવશ્રીના અન્તિમ સમયના “ આગમો કા અધ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ- બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિહિત ગીતાર્થ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરુદેવને કોટી-કોટી વંદના...

॥ श्री चन्द्रप्रज्ञप्त्युपाङ्गम् ॥

णमो अरिहंताणो । 'जयइ नवणालिणकुवलयविगसियसयवत्तपत्तलदलच्छो । वीसे गइंदमयगलसललियगयविक्रमो भयवं ॥१॥
 णमिऊण असुरसुरगरुलभुयगपरिवंदिए गयकिलेसे । अरिहे सिद्धायरियउवज्झाए सव्वसाहू य ॥२॥ फुडवियडपायडत्थं वुच्छं
 पुव्वसुयसारणीसंदं । सुहुमं गणिणोवइदुं जोइसगणरायपन्नत्तिं ॥३॥ णामेण इंदभूइत्ति गोयमो वंदिऊण तिविहेणं । पुच्छइ जिणवरवसहं
 जोइसरायस्स पण्णत्तिं ॥४॥ कइ मंडलाइं वच्चइ तिरिच्छा किं च गच्छइ । ओभासइ केवइयं, सेयाइ किं ते संतिई ॥५॥ कहिं
 पडिहया लेसा, कहं ते ओयसंतिई । किं सूरियं वरयते, कहं ते उदयसंतिई ॥६॥ कइकट्ठा पोरिसीच्छाया, जोएत्ति किं ते आहिए
 ॥१०॥ के ते संवच्छराणादी, कइ संवच्छराइ य ॥७॥ कहं चंदमसो वुडढी, कया ते दोसिणा बहू । के सिग्घगई वुत्ते, किं ते
 दोसिणलक्खणं ॥८॥ चयणोववाय उच्चत्ते, सूरिया कइ आहिया । अणुभावे केरिसे वुत्ते २०, एवमेयाइं वीसई ॥९॥१॥ वडढोवडढी
 मुहुत्ताणमद्धमंडलसंतिई । के ते चित्रं परियरइ अंतरं किं चरंति य ॥१०॥ ओगाहइ केवइयं, केवतियं च विकंपइ । मंडलाण य
 संताणे, विक्खंभो अट्ठ पाहुडा ॥११॥२॥ छप्पंच य सत्तेव य अट्ठ तिन्नि य हवंति पडिवत्ती । पढमस्स पाहुडस्स उ एयाउ हवंति

॥ श्री चन्द्रप्रज्ञप्त्युपाङ्गम् ॥

१

पू. सागरजी म. संशोधित

पडिवत्ती ॥१२॥३॥ पडिवत्तीओ उदए, अदुव अत्थमणेसु यो भेयघाए कण्णकला, मुहुत्ताण गतीति य ॥१३॥ निक्खममाणे
 सिग्घगई, पविसंते मंदगईइ यो चुलसीइसयं पुरिसाणं, तेसिं च पडिवत्तीओ ॥१४॥ उदयम्मि अट्ठ भणिया भेदग्घाए दुवे य पडिवत्ती।
 चत्तारि मुहुत्तगईए हुंति तइयंमि पडिवत्ती ॥१५॥४॥ आवलिय मुहुत्तग्गे, एवंभागा य जोगसा। कुलाइं पुन्नमासी य, सन्निवाए य
 संठिई ॥१६॥ तारगगं च नेता य, चंदमग्गत्ति यावरे। देवताण य अज्झयणे, मुहुत्ताणं नामया इय ॥१७॥ दिवसा राई वुत्ता य,
 तिहि गोत्ता भोयण्णणि यो आइच्चवार मासा य, एवं संवच्छरा इय ॥१८॥ जोइसस्स य दाराइं, नक्खत्तविजयेऽविय। दसमे पाहुडे
 एए, बावीसं पाहुडपाहुडा ॥१९॥५॥

तेणं कालेणं तेणं समएणं मिहिलानामं नगरी होत्था, रिद्धि० वण्णओ, तीसे मिहिलाए नयरीए बहिया उत्तरपुरच्छिमे दिसिभाए
 एत्थ णं माणिभदे णाणं चेइए होत्था, चिराइए वण्णओ, तीसे णं मिहिलाए णगरीए जियसत्तू राया धारिणी देवी वण्णओ, तेणं
 कालेणं० तंमि माणिभदे चेइए सामी समोसढे परिसा णिग्गया धम्मो कहिओ परिसा पडिगया ॥६॥ तेणं कालेणं० समणस्स भगवओ
 महावीरस्स जेढे अंतेवासी इंदभूइनामं अणगारे गोयमगोत्तेणं सत्तूस्सेहे जाव पज्जुवासमाणे एवं वयासी ॥७॥ ता कहं ते वद्धोवद्धो
 मुहुत्ताणं आहितेति वदेज्जा?, ता अट्ठ एकूणवीसे मुहुत्तसते सत्तावीसं च सत्तट्ठिभागे मुहुत्तस्स आहितेति वदेज्जा ॥८॥ ता जया णं
 सूरिए सव्वब्भंतरातो मंडलातो सव्वबाहिरं मंडलं उवसंकमित्ता चारं चरति सव्वबाहिरातो मंडलातो सव्वब्भंतरं मंडलं उवसंकमित्ता

चारं चरति एस णं अद्धा केवतियं रातित्तिदियग्गेणं आहि०?, ता तिण्णि छावट्ठे रातित्तिदियसए रातित्तिदियग्गेणं आहि० १९। ता एताए णं अद्धाए सूरिए कति मंडलाइं चरति?, ता चुलसीयं मंडलसतं चरति, बासीतिमंडलसतं दुक्खुत्तो चरति, तं०-णिक्खममाणे चेव पवेसमाणे चेव, दुवे य खलु मंडलाइं सइं चरति तं०-सव्वब्भंतरं चेव मंडलं सव्वबाहिरं चेव १९०। जइ खलु तस्सेव आदिच्चस्स संवच्छरस्स सइं अट्टारसमुहुत्ते दिवसे भवति सइं अट्टारसमुहुत्ता राती भवति सइं दुवालसमुहुत्ते दिवसे भवति सइं दुवालसमुहुत्ता राती भवति, ता पढमे छम्मासे अत्थि अट्टारसमुहुत्ता राती णत्थि अट्टारसमुहुत्ते दिवसे अत्थि दुवालसमुहुत्ते दिवसे णत्थि दुवालसमुहुत्ता राती भवति, दोच्चे छम्मासे अत्थि अट्टारसमुहुत्ते दिवसे णत्थि अट्टारसमुहुत्ता राती अत्थि दुवालसमुहुत्ता राती णत्थि दुवालसमुहुत्ते दिवसे भवति, पढमे वा दोच्चे वा छम्मासे नत्थि पण्णरसमुहुत्ते दिवसे णत्थि पण्णरसमुहुत्ता राती भवति, जं णं पढमे वा छम्मासे दोच्चे वा छम्मासे णत्थि पण्णरसमुहुत्ते दिवसे भवति णत्थि पण्णरसमुहुत्ता राती भवति तत्थ णं कं हेतुं वदेज्जा?, ता अयण्णं जंबुदीवे सव्वदीवसमुद्दाणं सव्वब्भंतराए जाव परिक्खेवेणं पं०, ता जता णं सूरिए सव्वब्भंतरमंडलं उवसंकमिन्ता चारं चरति तदा णं उत्तमकट्ठपत्ते उक्को० अट्टारसमुहुत्ते दिवसे भवति जहण्णिणा दुवालसमुहुत्ता राती भवति, से निक्खममाणे सूरिए नवं संवच्छरं अयमाणे पढमंसि अहोरत्तंसि अब्भित्तराणंतं मंडलं उवसंकमिन्ता चारं चरति, ता जया णं सूरिए अब्भित्तराणंतं मंडलं उवसंकमिन्ता चारं चरति तदा णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं एगट्ठिभागमुहुत्तेहिं अधिया, से

॥ श्री चन्द्रप्रज्ञप्त्युपाङ्गम् ॥

३

पू. सागरजी म. संशोधित

णिक्खममाणे सूरिए दोच्चंसि अहोरत्तंसि अब्भंतरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तदा णं अट्टारसमुहुत्ते दिवसे भवति चउहिं एगट्ठिभागमुहुत्तेहिं ऊणे दुवालसमुहुत्ता राती भवति चउहिं एगट्ठिभागमुहुत्तेहिं अहिया, एवं खलु एएणं उवाएणं णिक्खममाणे सूरिए तदाणंतराओ तयाणंतरं मंडलातो मंडलं संकममाणे २ दो दो एगट्ठीभागे मुहुत्ते एगमेगे मंडले दिवसखेत्तस्स णिवुड्ढेमाणे रतणिक्खेत्तस्स अभिवुड्ढेमाणे २ सव्वबाहिरमंडलं उवसंकमित्ता चारं चरति, ता जया णं सूरिए सव्वब्भंतरातो मंडलाओ सव्वबाहिरं मंडलं उवसंकमित्ता चारं चरति तता णं सव्वब्भंतरमंडलं पणिधाय एगेणं तेसीतेणं राइंदियसतेणं तिणिण छावट्ठे एगट्ठिभागमुहुत्तसते दिवसखेत्तस्स णिवुड्ढित्ता रतणिक्खेत्तस्स अभिवुड्ढित्ता चारं चरति तदा णं उत्तमकट्टपत्ता उक्कोसिया अट्टारसमुहुत्ता राती भवति जहण्णाए बारसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमीणे (आयमाणे) पढमंसि अहोरत्तंसि बाहिराणंतरं मंडलं उवसंकमेत्ता चारं चरति, ता जया णं सूरिए बाहिराणंतरं मंडलं उवसंकमित्ता चारं चरति तदा णं अट्टारसमुहुत्ता राती भवति दोहिं एगट्ठिभागमुहुत्तेहिं ऊणा दुवालसमुहुत्ते दिवसे भवति दोहिं एगट्ठिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तदा णं अट्टारसमुहुत्ता राती भवति चउहिं एगट्ठिभागमुहुत्तेहिं ऊणा दुवालसमुहुत्ते दिवसे भवति चउहिं एगट्ठिभागमुहुत्तेहिं अहिए, एवं खलु एतेणुवाएणं पविसमाणे

॥ श्री चन्द्रप्रज्ञप्त्युपाङ्गम् ॥

४

पू. सागरजी म. संशोधित

सूरिए तदाणंतरातो मंडलातो तयाणंतरं मंडलं संकममाणे दो दो एगट्टिभागमुहुत्ते एगमेगे मंडले रतणिखेत्तस्स णिवुड्ढेमाणे २ दिवसखेत्तस्स अभिवुड्ढेमाणे २ सव्वब्भंतरं मंडलं उवसंकमित्ता चारं चरति, ता जया णं सूरिए सव्वबाहिराओ मंडलाओ सव्वब्भंतरं मंडलं उवसंकमित्ता चारं चरति तदा णं सव्वबाहिरं मंडलं पणिधाय एगेणं तेसीएणं राइंदियसतेणं तिन्नि छावट्ठे एगट्टिभागमुहुत्तसते रयणिखेत्तस्स निवुड्ढित्ता दिवसखेत्तस्स अभिवड्ढित्ता चारं चरति तया णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राती भवति, एस णं दोच्चे छम्मासे एस णं दुच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे, इति खलु तस्सेवं आदिच्चस्स संवच्छरस्स सइं अट्टारसमुहुत्ते दिवसे भवति सइं अट्टारसमुहुत्ता राती भवति सइं दुवालसमुहुत्ते दिवसे भवति सइं दुवालसमुहुत्ता राती भवति, पढमे छम्मासे अत्थि अट्टारसमुहुत्ता राई नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राई, दोच्चे छम्मासे अत्थि अट्टारसमुहुत्ते दिवसे भवति णत्थि अट्टारसमुहुत्ता राई अत्थि दुवालसमुहुत्ता राई नत्थि दुवालसमुहुत्ते दिवसे भवति, पढमे वा छम्मासे दोच्चे वा छम्मासे णत्थि पण्णरसमुहुत्ते दिवसे भवति णत्थि पण्णरसमुहुत्ता राई भवति, नन्तत्थ रातिंदियाणं वड्ढोवड्ढीए मुहुत्ताण वा चयोवचएणं, णण्णत्थ वा अणुवायगईए, 'पुव्वेण दुन्नि भागा० पाहुडियगाधाओ भाणितव्वाओ ॥११॥ पढमस्स पाहुडस्स पढमं पाहुडपाहुडं १-१॥

ता कहं ते अब्भमंडलसंठिती आहि०?, तत्थ खलु इमा दुविहा अब्भमंडलसंठिती पं० तं०-दाहिणा चेव उत्तरा चेव, ता कहं

॥ श्री चन्द्रप्रज्ञप्त्युपाङ्गम् ॥

५

पू. सागरजी म. संशोधित

ते दाहिणअद्धमंडलसंठिति आहि०?, ता अयण्णं जंबुद्वीवे दीवे सव्वदीवसमुद्दाणं जाव परिक्खेवेणं, ता जया णं सूरिए सव्वब्भंतरं दाहिणं अद्धमंडलसंठितिं उवसंकमिन्ता चारं चरति तदा णं उत्तमकट्ठपत्ते उक्को० अट्टारसमुहुत्ते दिवसे भवति जहण्णिणया दुवालसमुहुत्ता राती भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि दाहिणाए अंतराए भागाते तस्सादिपदेसाते अब्भितराणंतं उत्तरं अद्धमंडलसंठितिं उवसंकमिन्ता चारं चरति तदा णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं एगट्ठिभागमुहुत्तेहिं अधिया, से णिक्खममाणे सूरिए दोच्चंसि अहोरत्तंसि उत्तराए अंतराए भागाते तस्सादिपदेसाए अब्भितरं तच्चं दाहिणं अद्धमंडलसंठितिं उवसंकमिन्ता चारं चरति तदा णं अट्टारसमुहुत्ते दिवसे भवति चउहिं एगट्ठिभागमुहुत्तेहिं ऊणे दुवालसमुहुत्ता राई भवति चउहिं एगट्ठिभागमुहुत्तेहिं अधिया, एवं खलु एएणं उवाएणं णिक्खममाणे सूरिए तदणंतरातोऽणंतरं तंसि २ देसंसि तं तं अद्धमंडलसंठितिं संकममाणे २ दाहिणाए अंतराए भागाते तस्सादिपदेसाते सव्वबाहिरं उत्तरं अद्धमंडलसंठितिं उवसंकमिन्ता चारं चरति, ता जया णं सूरिए सव्वबाहिरं उत्तरं अद्धमंडलसंठितिं उवसंकमिन्ता चारं चरति तदा णं उत्तमकट्ठपत्ता उक्कोसिया अट्टारसमुहुत्ता राई भवति जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स, छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि उत्तराते जाव पदेसाते बाहिराणंतं दाहिणं अद्धमंडलसंठितिं उवसंकमिन्ता चारं चरति, ता जया णं सूरिए बाहिराणंतं दाहिणं अद्धमंडलसंठितिं उवसंकमिन्ता

॥ श्री चन्द्रप्रज्ञप्त्युपाङ्गम् ॥

६

पू. सागरजी म. संशोधित

चारं चरति तदा राइदिवसपमाणं तं चेव भाणियव्वं, एवं खलु एतेणं उवाएणं पविसमाणे सूरिए तदाणंतराओ तदाणंतरं तंसि २ देसंसि तं तं अद्धमंडलसंठितिं संकममाणे उत्तराए जाव पदेसाए सव्वब्भंतरं दाहिणं अद्धमंडलसंठितिं उवसंकमित्ता चारं चरति, ता जया णं सूरिए सव्वब्भंतरं दाहिणं अद्धमंडलसंठितिं उवसंकमित्ता चारं चरति तदा णं उत्तमकट्टपत्ते उक्कोसए जाव दिवसे भवति जहणिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे । १२। ता कहं ते उत्तरा अद्धमंडलसंठिती आहि०?, ता जता णं सूरिए सव्वब्भंतरे उत्तरं अद्धमंडलसंठितिं उवसंकमित्ता चारं चरति तदा णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि उत्तराए जाव पएसाए अब्भंतरं दाहिणं अद्धमंडलसंठितिं उवसंकमित्ता चारं चरति, ततो जया णं सूरिए अब्भितराणंतरं दाहिणं जाव चारं चरति तथा णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं एगट्ठिभागमुहुत्तेहिं अहिया, से णिक्खममाणे सूरिए दोच्चंसि अहोरत्तंसि दाहिणाए जाव पदेसाए अब्भितरं तच्चं उत्तरं अद्धमंडलसंठितिं उवसंकमित्ता चारं चरति, ततो जया णं अब्भितरं तच्चं उत्तरं जाव चारं चरति तता णं दिवसराइपमाणं तं चेव भाणियव्वं, एवं खलु एएणं उवाएणं णिक्खममाणे सूरिए तताणंतराओ तदाणंतरं मंडलाओ मंडलं संकममाणे तंसि २ देसंसि तं तं अद्धमंडलसंठितिं जाव चारं चरति, ता जया णं सूरिए सव्वबाहिरं

॥ श्री चन्द्रप्रज्ञप्त्युपाङ्गम् ॥

७

पू. सागरजी म. संशोधित

दाहिणं अद्धमंडल जाव चारं चरति तदा णं उत्तमकट्टपत्ता उक्कोसिया अट्टारसमुहुत्ता राई भवति जहण्णाए दुवालस जाव दिवसे भवइ, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि दाहिणाए जाव पदेसाए बाहिराणंतं उत्तरं अद्धमंडलसंठितिं उवसंकमिन्ना चारं चरति, ततो जदा णं सूरिए बाहिराणंतं अद्धमंडल जाव चारं चरति तता णं अट्टारसमुहुत्ता राती भवति दोहिं एगट्ठिभागमुहुत्तेहिं ऊणा दुवालसमुहुत्ते दिवसे भवति दोहिं एगट्ठिभागमुहुत्तेहिं अहिये, से पविसमाणे सूरिए दोच्चंसि अहोरत्तंसि उत्तराए जाव पदेसाए बाहिरं तच्चं दाहिणं अद्धमंडलसंठितिं उव जाव चारं चरति, ता जया णं सूरिए बाहिरं तच्चं दाहिणं जाव चारं चरति तता णं अट्टारसमुहुत्ता राती भवति चउहिं एगट्ठिभागमुहुत्तेहिं ऊणा दुवालसमुहुत्ते दिवसे भवति चउहिं एगट्ठिभागमुहुत्तेहिं अहिए, एवं खलु एएणं उवाएणं पविसमाणे सूरिए तथाणंतराओ तताणंतरं० तंसि २ देसंसि तं तं अद्धमंडलसंठितिं संकममाणे दाहिणाए जाव पाएसाए सव्वब्भंतरं उत्तरं अद्धमंडलसंठितिं उवसंकमिन्ना चारं चरति, जेता णं सूरिए सव्वब्भंतरं उत्तरं अद्धमंडलसंठितिं जाव चारं चरति तदा णं उत्तमकट्टपत्ते उक्कोसाए अट्टारसमुहुत्ते दिवसे भवति जहण्णिणाया दुवालसमुहुत्ता राती भवति, (राई, सूर्य० जहा दाहिणा तहा चेव णवरं उत्तरट्ठिओ अब्भितराणंतं दाहिणं उवसंकमइ, दाहिणातो अब्भितरं तच्चं उत्तरं उवसंकमति, एवं खलु एएणं उवाएणं जाव सव्वबाहिरं दाहिणं उवसंकमति, (सव्वबाहिरातो) बाहिराणंतं उत्तरं उवसंकमति उत्तरातो बाहिरं तच्चं दाहिणं तच्चातो दाहिणातो संकममाणे २ जाव

॥ श्री चन्द्रप्रज्ञप्युपाङ्गम् ॥

८

पू. सागरजी म. संशोधित

सव्वब्भंतरं उवसंकमति तहेव) एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे, गाहाओ । १३। १-२॥

ता के ते चित्रं पडिचरंति आहि०?, तत्थ खलु इमे दुवे सूरिया पं० तं०-भारहे चेव सूरिए एरवए चेव सूरिए, ता एते णं दुवे सूरिया पत्तेयं २ तीसाए २ मुहुत्तेहिं एगमेगं अब्भमंडलं चरंति, सट्ठीए २ मुहुत्तेहिं एगमेगं मंडलं संघातंति, ता णिक्खममाणा खलु एते दुवे सूरिया णो अण्णमण्णस्स चिण्णं पडि चरंति, पविसमाणा खलु एते दुवे सूरिया अण्णमण्णस्स चिण्णं पडिचरंति, तं सतमेगं चोतालं, तत्थ कं हेउं वदेज्जा ?, ता अयण्णं जंबुद्वीवे दीवे जाव परिक्खेवेणं, तत्थ णं अयं भारहए चेव सूरिए जंबुद्वीवस्स पाईणपडीणायतउदीणदाहिणायताए जीवाए मंडलं चउवीसएणं सतेणं छेत्ता दाहिणपुरत्थिमिल्लंसि चउभागमंडलंसि बाणउतियसूरियगताइं जाइं सूरिए अप्पणा चेव चिण्णाइं पडिचरति उत्तरपच्चत्थिमिल्लंसि चउभागमंडलंसि एक्काणउतिं सूरियगताइं जाइं सूरिए अप्पणा चेव चिण्णाइं पडिचरति, तत्थ अयं भारहे सूरिए एरवतस्स सूरियस्स जंबुद्वीवस्स पाईणपडीणायताए उदीणदाहिणायताए जीवाए मंडलं चउवीसएणं सतेणं छेत्ता उत्तरपुरच्छिमिल्लंसि चउभागमंडलंसि बाणउतिं सूरियगताइं जाइं सूरिए परस्स चिण्णाइं पडिचरति दाहिणपच्चच्छिमिल्लंसि चउभागमंडलंसि एक्काणउतिं सूरियगताइं जाइं सूरिए परस्स चेव चिण्णाइं पडिचरति, तत्थ अयं एरवए सूरिए जंबुद्वीवस्स पाईणपडीणायताए उदीणदाहिणायताए जीवाए मंडलं चउवीसएणं सतेणं छेत्ता उत्तरपुरत्थिमिल्लंसि चउभागमंडलंसि

॥ श्री चन्द्रप्रज्ञप्त्युपाङ्गम् ॥

९

पू. सागरजी म. संशोधित

बाणउत्तिं सूरियगताइं जाइं सूरिए अप्पणा चिण्णाइं पडियरति दाहिण पुरत्थिमिल्लंसि चउभागमंडलंसि एक्काणउत्तिसूरियगताइं जाइं सूरिए अप्पणा चेव चिण्णाइं पडिचरति, तत्थ णं एयं एरवतिए सूरिए भारहस्स सूरियस्स जंबुद्दीवस्स पाईणपडीणायताए उदीणदाहिणायताए जीवाए मंडलं चउवीसएणं सतेणं छित्ता दाहिणपच्चत्थिमिल्लंसि चउभागमंडलंसि बाणउत्तिं सूरियगताइं जाइं सूरिए परस्स चिण्णाइं पडिचरति उत्तरपुरत्थिमिल्लंसि चउभागमंडलंसि एक्काणउत्तिं सूरियगताइं जाइं सूरिए परस्स चेव चिण्णाइं पडिचरति, ता निक्खममाणे खलु एते दुवे सूरिया णो अण्णमण्णस्स चिण्णं पडिचरंति, पविसमाणा खलु एते दुवे सूरिया अण्णमण्णस्स चिण्णं पडिचरंति, तं०-सतमेगं चोतालं० गाहाओ । १४॥ १-३॥

ता केवइयं एए दुवे सूरिया अण्णमण्णस्स अंतरं कट्टु चारं चरंति आहि०?, तत्थ खलु इमातो छ पडिवत्तीओ पं०, तत्थ एगे एव०-ता एगं जोयणसहस्सं एगं च तेत्तीसं जोयणसत्तं अण्णमण्णस्स अंतरं कट्टु सूरिया चारं चरंति आहि० एगे एव०, एगे पुण०-ता एगं जोयणसहस्सं एगं चउतीसं जोयणसयं अन्नमन्नस्स अंतरं कट्टु सूरिया चारं चरंति आहि० एगे एव०, एगे पुण०-ता एगं जोयणसहस्सं एगं च पणतीसं जोयणसयं अण्णमण्णस्स अंतरं कट्टु सूरिया चारं चरंति आहि० एगे एव०, एवं एगं दीवं एगं समुद्दं अण्णमण्णस्स अंतरं कट्टु०, एगे० दो दीवे दो समुद्दे०, एगे० तिण्णि दीवे तिण्णि समुद्दे०, वयं पुण एवं वयामो-ता पंच २ जोयणाइं पणतीसं च एगट्ठिभागे जोयणस्स एगमेगे मण्डले अण्णमण्णस्स अंतरं अभिवड्ढेमाणा वा निवड्ढेमाणा

॥ श्री चन्द्रप्रज्ञप्त्युपाङ्गम् ॥

१०

पू. सागरजी म. संशोधित

या सूरिया चारं चरंति०, तथ्य णं को हेऊ आहि०?, ता अयण्णं जंबुद्वीवे जाव परिक्खेवेणं, ता जया णं एते दुवे सूरिया सव्वब्भंतं
मंडलं उवसंकमिता चारं चरंति तदा णं णवणउतिजोयणसहस्साइं छच्च चत्ताले जोयणसते अण्णमण्णस्स अंतरं कट्टु चारं चरंति
आहि० तता णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिण्या दुवालसमुहुत्ता राई भवति, ते निक्खममाणा सूरिया
णवं संवच्छरं अयमाणा पढमंसि अहोरत्तंसि अब्भितराणंतरं मंडलं उवसंकमिता चारं चरंति, ता जता णं एते दुवे सूरिया जाव
चारं चरंति तदा णं नवनवतिं जोयणसहस्साइं छच्च पणताले जोयणसते पणतीसं च एगट्ठिभागे जोयणस्स अण्णमण्णस्स अंतरं
कट्टु चारं चरंति आहि०, तता णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं
एगट्ठिभागमुहुत्तेहिं अधिया, ते णिक्खममाणा सूरिया दोच्चंसि अहोरत्तंसि अब्भितरं तच्चं मंडलं उवसंकमिता चारं चरंति, ता जता
एते दुवे सूरिया अब्भितरं तच्चं मंडलं जाव चारं चरंति तथा णं नवनवई जोयणसहस्साइं छच्च इक्कावण्णे जोयणसए नव य
एगट्ठिभागे जोयणस्स अण्णमण्णस्स अंतरं कट्टु चारं चरंति० तदा णं अट्टारसमुहुत्ते दिवसे भवइ चउहिं एगट्ठिभागमुहुत्तेहिं ऊणे
दुवालसमुहुत्ता राई भवइ चउहिं एगट्ठिभागमुहुत्तेहिं अधिया, एवं खलु एतेणुवाएणं णिक्खममाणा एते दुवे सूरिया तताणंतरातो
तदाणंतरं मंडलाओ मंडलं संकममाणा २ पंच जोयणाइं पणतीसं च एगट्ठिभागे जोयणस्स एगमेगे मंडले अण्णमण्णस्स अंतरं
अभिवद्धेमाणा २ सव्वबाहिरं मंडलं उवसंकमिता चारं चरंति, ता जया णं एते दुवे सूरिया सव्वबाहिरं मंडलं उवसंकमिता चारं

॥ श्री चन्द्रप्रज्ञप्त्युपाङ्गम् ॥

११

पू. सागरजी म. संशोधित

चरंति तता णं एगं जोयणसतसहस्सं छच्च सट्ठे जोयणसते अण्णमण्णस्स अंतरं कट्ठु चारं चरंति तता णं उत्तमकट्ठपत्ता जाव राई भवइ जहण्णए दुवाल जाव दिवसे भवति, एस णं पढमे छम्भासे एस णं पढमस्स छम्भासस्स पज्जवसाणे, ते पविसमाणा सूरिया दोच्चं छम्भासं अयमाणा पढमंसि अहोरत्तंसि बाहिराणंतं मंडलं उवसंकमिता चारं चरंति, ता जया णं एते दुवे सूरिया बाहिराणंतं मंडलं उवसंकमिता चारं चरंति तदा णं एगं जोयणसयसहस्सं छच्च चउप्पण्णे जोयणसते छव्वीसं च एगट्ठिभागे जोयणस्स अण्णमण्णस्स अंतरं कट्ठु चारं चरंति तदा णं अट्ठारसमुहुत्ता राई भवई दोहिं एगट्ठिभागमुहुत्तेहिं ऊणा दुवालसमुहुत्ते दिवसे भवति दोहिं एगट्ठिभागमुहुत्तेहिं अहिए, ते पविसमाणा सूरिया दोच्चंसि अहोरत्तंसि बाहिरं तच्चं मंडलं उवसंकमिता चारं चरंति, ता जता णं एते दुवे सूरिया बाहिरं तच्चं मंडलं उवसंकमिता चारं चरंति तता णं एगं जोयणसयसहस्सं छच्च अडयाले जोयणसते बावण्णं च एगट्ठिभागे जोयणस्स अण्णमण्णस्स अंतरं कट्ठु चारं चरंति तता णं अट्ठारसमुहुत्ता राई भवइ चउहिं एग जाव ऊणा दुवालसमुहुत्ते दिवसे भवति चउहिं जाव अहिए, एवं खलु एतेणुवाएणं पविसमाणा एते दुवे सूरिया ततोऽणंतं तदाणंतं मंडलाओ मंडलं संकममाणा पंच जोयणाइं पणतीसं च एगट्ठिभागे जोयणस्स एगमेगे मंडले अण्णमण्णस्संतं णिवुइढेमाणा २ सव्वब्भंतं मंडलं उवसंकमिता चारं चरंति, जया णं एते दुवे सूरिया सव्वब्भंतं मंडलं उवसंकमिता चारं चरंति तता णं णवणउतिं जोयणसहस्साइं छच्च चत्ताले जोयणसते अण्णमण्णस्स अंतरं कट्ठु चारं चरंति तता णं उत्तमकट्ठपत्ते जाव

दिवसे भवति जहणिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आइच्चे संवच्छरे एस णं आइच्चस्स संवच्छरस्स पज्जवसाणे । १५॥ १-४॥

ता केवतियं ते दीवं वा समुदं वा ओगाहिता सूरिए चारं चरति आहि०?, तत्थ खलु इमाओ पंच पडिवत्तीओ पं०, एगे एव०-ता एगं जोयणसहस्सं एगं च तेत्तीसं जोयणसतं दीवं वा समुदं वा ओगाहिता सूरिए चारं चरति एगे एव०, एगे पुण०-ता एगं जोयणसहस्सं एगं च चउत्तीसं जोयणसयं दीवं वा समुदं वा ओगाहिता सूरिए चारं चरति एगे एव०, एगे पुण०-ता एगं जोयणसहस्सं एगं च पणत्तीसं जोयणसतं दीवं वा समुदं वा ओगाहिता सूरिए चारं चरति एगे एव०, एगे पुण०-ता अवड्ढं दीवं वा समुदं वा ओगाहिता सूरिए चारं चरति एगे एव०, एगे पुण०-ता नो किंचि दीवं वा समुदं वा ओगाहिता सूरिए चारं चरति, तत्थ जे ते एवमाहंसु-ता एगं जोयणसहस्सं एगं च तेत्तीसं जोयणसतं दीवं वा समुदं वा ओगाहिता सूरिए चारं चरति ते एवमाहंसु-जता णं सूरिए सव्वब्भंतरं मंडलं उवसंकमिता चारं चरति तथा णं जंबुदीवं एगं जोयणसहस्सं एगं च तेत्तीसं जोयणसतं ओगाहिता सूरिए चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवई, ता जया णं सूरिए सव्वबाहिरं मंडलं उवसंकमिता चारं चरइ तथा णं लवणसमुदं एगं जोयणसहस्सं एगं च तेत्तीस जोयणसयं ओगाहिता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राई भवति जहणिए दुवालसमुहुत्ते दिवसे भवइ, एवं

॥ श्री चन्द्रप्रज्ञप्त्युपाङ्गम् ॥

१३

पू. सागरजी म. संशोधित

चोत्तीसेऽवि, पणतीसेऽवि एवं चेव भाणियव्वं, तत्थ जे ते एव० ता अवड्ढं दीवं वा समुदं वा ओगाहिता सूरिए चारं चरति ते एवमा०-जता णं सूरिए सव्वब्भंतरं मंडलं उवसंकमित्ता चारं चरति तता णं अवड्ढं जंबुदीवं० ओगाहिता चारं चरति, तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, एवं सव्वबाहिरएवि, णवरं अवड्ढं लवणसमुदं, तता णं राइंदियं तहेव, तत्थ जे ते एव०-ता णो किञ्चि दीवं वा समुदं वा ओगाहिता सूरिए चारं चरति ते एव०-ता जता णं सूरिए सव्वब्भंतरं मंडलं उवसंकमित्ता चारं चरति तता णो किंचि दीवं वा समुदं वा ओगाहिता सूरिए चारं चरति तता णं उत्तमकट्ठपत्ते उक्कोसए अट्टारसमुहुत्ते दिवसे भवति तहेव, एवं सव्वबाहिरए मंडले, णवरं णो किंचि लवणसमुदं ओगाहिता चारं चरति, रातिंदियं तहेव एगे एव० १६। वयं पुण एवं वदामो-ता जया णं सूरिए सव्वब्भंतरं मंडलं उवसंकमित्ता चारं चरति तता णं जंबुदीवं असीतं जोयणसतं ओगाहिता चारं चरति, तदा णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, एवं सव्वबाहिरेवि, णवरं लवणसमुदं तिणिण तीसे जोयणसते ओगाहिता चारं चरति तता णं उत्तमकट्ठपत्ता उक्कोसिया अट्टारसमुहुत्ता राई भवइ जहण्णए दुवालसमुहुत्ते दिवसे भवति तता णं उत्तमकट्ठपत्ता उक्कोसिया अट्टारसमुहुत्ता राई भवइ जहण्णए दुवालसमुहुत्ते दिवसे भवति, गाथाओ भाणितव्वाओ १७॥१-५॥

ता केवतियं ते एगमेगेणं रातिंदिएणं विक्कपइत्ता २ सूरिए चारं चरति आहि०?, तत्थ खलु इमाओ सत्त पडिवत्तीओ पं०,

॥ श्री चन्द्रप्रज्ञप्त्युपाङ्गम् ॥

१४

पू. सागरजी म. संशोधित

तत्थेगे एव०-ता दो जोयणाइं अद्धदुचत्तालीसं तेसीतसयभागे जोयणस्स एगमेगेणं रातिंदिएणं विकंपइत्ता २ सूरिए चारं चरति एगे एव०, एगे पुण०-ता अइढातिज्जाइं जोयणाइं एगमेगेणं राइंदिएणं विकंपइत्ता २ सूरिए चारं चरति एगे एव०, एगे पुण०-ता तिभागूणाइं तिन्नि जोयणाइं एगमेगेणं राइंदिएणं विकंपइत्ता २ सूरिए चारं चरति एगे एव०, एगे पुण०-ता तिणिण जोयणाइं अद्धसीतालीसं च तेसीतसयभागे जोयणस्स एगमेगेणं राइंदिएणं विकंपइत्ता २ सूरिए चारं चरति एगे एव०, एगे पुण०-ता अदधुट्ठाइं जोयणाइं एगमेगेणं राइंदिएणं विकंपइत्ता सूरिए चारं चरति एगे एव०, एगे०-ता चउब्भागूणाइं चत्तारिजोयणाइं एगमेगेणं राइंदिएणं विकंपइत्ता सूरिए चारं चरति एगे एव०, एगे पुण०-ता चत्तारि जोयणाइं अद्ध-बावण्णं च तेसीतिसतभागे जोयणस्स एगमेगेणं राइंदिएणं विकंपइत्ता सूरिए चारं चरति एगे०, वयं पुण एवं वदामो-ता दो जोयणाइं अडतालीसं च एगट्ठिभागे जोयणस्स एगमेगेणं मंडलं एधमेगेणं राइंदिएणं विकंपइत्ता सूरिए चारं चरति, तत्थ णं को हेतू इति वदेज्जा ?, ता अयण्णं जंबुदीवे जाव परिक्खेवेणं, ता जता णं सूरिए सव्वब्भंतरं मंडलं उवसंकमित्ता चारं चरति तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवइ, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तदा णं दो जोयणाइं अडयालीसं च एगट्ठिभागे जोयणस्स एगेणं राइंदिएणं विकंपइत्ता सूरिए चारं चरति तता णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे

दुवालसमुहुत्ता राई भवति दोहिं एगट्टिभागमुहुत्तेहिं अहिया, से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तता णं पंच जोयणाइं पणतीसं च एगट्टिभागे जोयणस्स दोहिं राइंदिएहिं विकंपइत्ता चारं चरति, तता णं अट्ठारसमुहुत्ते दिवसे भवति चउहिं एगट्टिभागमुहुत्तेहिं ऊणे दुवालसमुहुत्ता राई भवति चउहिं एगट्टिभागमुहुत्तेहिं अधिया, एवं खलु एतेणं उवाएणं णिक्खममाणे सूरिए तताणंतराओ मंडलातो तदाणंतरं मंडलं संकममाणे दो २ जोयणाइं अडतालीसं च एगट्टिठभागे जोयणस्स एगमेगं मंडलं एगमेगेणं राइंदिएणं विकम्पमाणे २ सव्वबाहिरं मंडलं उवसंकमित्ता चारं चरति ता जया णं सूरिए सव्वब्भंतरातो मंडलातो सव्वबाहिरं मंडलं उवसंकमित्ता चारं चरति तथा णं सव्वब्भंतरं मंडलं पणिहाय एगेणं तेसीतेणं राइंदियसतेणं पंच दसुत्तरजोयणसते विकंपइत्ता चारं चरति, तता णं उत्तमकट्ठपत्ता उक्कोसिया अट्ठारसमुहुत्ता राई भवइ जहण्णाए दुवालसमुहुत्ते दिवसे भवति, एस णं पढमे छम्मासे एस, णं पढमस्स छम्मासस्स पज्जवसाणे, से य पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति, ता जता णं सूरिए बाहिराणंतरं मंडलं उवसंकमित्ता चारं चरति तथा णं दो दो जोयणाइं अडयालीसं च एगट्टिठभागे जोयणस्स एगेणं राइंदिएणं विकम्पइत्ता चारं चरति तता णं अट्ठारसमुहुत्ता राई भवति दोहिं एगट्टिठभागमुहुत्तेहिं ऊणा दुवालसमुहुत्ते दिवसे भवति दोहिं एगट्टिभागमुहुत्तेहिं अहिए, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं

॥ श्री चन्द्रप्रज्ञाप्याङ्गम् ॥

१६

पू. सागरजी म. संशोधित

चरति, ता जया णं सूरिए बाहिरे तच्चं मंडलं उवसंकमिता चारं चरति तथा णं पंच २ जोयणाइं पणतीसं च एगट्ठिभागे जोयणस्स दोहिं राइंदिएहिं विकंपइता चारं चरति, राइंदिए तहेव, एवं खलू एतेणुवाएणं पविसमाणे सूरिए तताऽणंतरातो तथाणंतरं मंडलाओ मंडलं संकममाणे २ दो २ जोयणाइं अडयालीसं च एगट्ठिभागे जोयणस्स एगमेगेणं राइंदिएणं विकंपमाणे २ सव्वब्भंतरं मंडलं उवसंकमिता चारं चरति, ता जया णं सूरिए सव्वबाहिरातो मंडलातो सव्वब्भंतरं मंडलं उवसंकमिता चारं चरति तता णं सव्वबाहिरं मंडलं पणिधाय एगेणं तेसीएणं राइंदियसतेणं पंचदसुत्तरे जोयणसते विकंपइता चारं चरति तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहण्णिगया दुवालसमुहुत्ता राई भवइ, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे ॥१८॥१-६॥

ता कहं ते मंडलसंठिती आहि०?, तत्थ खलु इमातो अट्ठ पडिवत्तीओ पं०, तत्थेगे एव०-ता सव्वावि मंडलवता समचउरंससंठाणसंठिता पं० एगे एव०, एगे पुण०-ता सव्वावि णं मंडलवता विसमचउरंससंठाणसंठिया पं० एगे एव०, एगे पुण०-सव्वावि णं मंडलवया समचदुक्कोणसंठिता पं० एगे ए०, एगे पुण०-सव्वावि मंडलवता विसमचउक्कोणसंठिया पं० एगे एव०, एगे पुण०-ता सव्वावि मंडलवया समचक्कवालसंठिया पं० एगे एव०, एगे पुण०-ता सव्वावि मंडलवता विसमचक्कवालसंठिया पं० एगे एव०, एगे पुण०-ता सव्वावि मंडलवता चक्कद्धचक्कवालसंठिया पं०, एगे पुण०-ता सव्वावि

॥ श्री चन्द्रप्रज्ञप्युपाङ्गम् ॥

१७

पू. सागरजी म. संशोधित

મંડલવતા છત્તાગારસંઠિયા પં૦ એગે એવ૦, તત્થ જે તે એવમાહંસુ-તા સવ્વાવિ મંડલવતા છત્તાકારસંઠિતા પં૦ એતેણં ણાણં ણાયવ્વં, ણો ચેવ ણં ઇતરેહિં, પાહુડગાહાઓ ભાણિયવ્વાઓ ૧૧૧૧-૭૧

તા સવ્વાવિ ણં મંડલવયા કેવતિયં બાહલ્લેણં કેવતિયં આયામવિક્ખંભેણં કેવતિયં પરિક્ખેવેણં આહિ૦?, તત્થ યલુ ઇમા તિણિણ પઢિવત્તીઓ પં, તત્થેગે એવ૦-તા સવ્વાવિ ણં મંડલવતા જોયણં બાહલ્લેણં એગં જોયણસહસ્સં એગં તેત્તીસં ચ જોયણસતં આયામવિક્ખંભેણં તિણિણ જોયણસહસ્સાઈ તિણિણ ય નવણઉએ જોયણસતે પરિક્ખેવેણં પં૦ એગે એવ૦, એગે પુણ૦-તા સવ્વાવિ ણં મંડલવતા જોયણં બાહલ્લેણં એગં જોયણસહસ્સં એગં ચ ચઉત્તીસં જોયણસયં આયામવિક્ખંભેણં તિણિણ જોયણસહસ્સાઈ ચત્તારિ બિઉત્તરે જોયણસતે પરિક્ખેવેણં પં૦ એગે એવ૦, એગે પુણ૦-તા જોયણં બાહલ્લેણં એગં જોયણસહસ્સં એગં ચ પળતીસં જોયણસતં આયામવિક્ખંભેણં તિણિણ જોયણસહસ્સાઈ ચત્તારિ પંચુત્તરે જોયણસતે પરિક્ખેવેણં પં૦ એગે એવ૦, વયં પુણ૦-તા સવ્વાવિ મંડલવતા અડતાલીસં એગટ્ટિભાગે જોયણસસ બાહલ્લેણં અણિયતા આયામવિક્ખંભેણં પરિક્ખેવેણં ચ આહિ૦, તત્થ ણં કો હેઊત્તિ વ્હેજ્જા?, તા અયણં જંબુદ્દીવે જાવ પરિક્ખેવેણં, તા જયા ણં સૂરિએ સવ્વબ્ભંતરં મંડલં ઉવસંકમિત્તા ચારં ચરતિ તયા ણં સા મંડલવતા અડતાલીસં એગટ્ટિભાગે જોયણસસ બાહલ્લેણં ણવણઉઈ જોયણસહસ્સાઈ છચ્ચ ચત્તાલે જોયણસતે આયામવિક્ખંભેણં તિણિણ જોયણસતસહસ્સાઈ પળ્લરસ જોયણસહસ્સાઈ એગૂળણઉત્તી જોયણાઈં કિંચિવિસેસાહિએ પરિક્ખેવેણં તતા ણં ઉત્તમકટ્ટપત્તે ઉક્કોસે

॥ શ્રી ચન્દ્રપ્રજ્ઞપ્યુષાઙ્ગમ્ ॥

૧૮

પૂ. સાગરજી મ. સંશોધિત

अट्टारसमुहुत्ते दिवसे भवति जहणिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणांतरं मंडलं उवसंकमित्ता चारं चरति, ता जया णं सूरिए अब्भितराणांतरं मंडलं उवसंकमित्ता चारं चरति तदा णं सा मंडलवता अडयालीसं एगट्ठिभागे जोयणस्स बाहल्लेणं णवणवई जोयणसहस्साइं छच्च पणताले जोयणसते पणतीसं च एगट्ठिभागे जोयणस्स आयामविक्खंभेणं तिण्णि जोयणसतसहस्साइं पन्नरसं च सहस्साइं एगं सत्तउत्तरं जोयणसतं किंचिविसेसूणं परिक्खेवेणं तदा णं दिवसरातिप्पमाणं तहेव, से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तया णं सा मंडलवता अडतालीसं एगट्ठिभागे जोयणस्स बाहल्लेणं णवणवती जोयणसहस्साइं छच्च एक्कावण्णे जोयणसते णव य एगट्ठिभागा जोयणस्स आयामविक्खंभेणं तिण्णि जोयणसयसहस्साइं पन्नरस य सहस्साइं एगं च पणवीसं जोयणसयं परिक्खेवेणं पं० तता णं दिवसराई तहेव, एवं खलु एतेण उवाएणं निक्खममाणे सूरिए तताणंतरातो तदाणंतरं मंडलातो मंडलं उवसंकममाणे २ पंच २ जोयणाइं पणतीसं च एगट्ठिभागे जोयणस्स एगमेगे मंडले विक्खंभं अभिवड्ढेमाणे २ अट्टारस २ जोयणाइं परिरयवुडिंढ अभिवड्ढेमाणे २ सव्वबाहिरं मंडलं उवसंकमित्ता चारं चरति, ता जया णं सूरिए सव्व जाव चारं चरति तता णं सा मंडलवता अडतालीसं एगट्ठिभागा जोयणस्स बाहल्लेणं एगं च जोयणसयसहस्सं छच्च सद्धे जोयणसते आयामविक्खंभेणं तिन्नि जोयणसयसहस्साइं अट्टारस सहस्साइं तिण्णि य पण्णरसुत्तरे जोयणसते

॥ श्री चन्द्रप्रज्ञप्त्युपाङ्गम् ॥

१९

पू. सागरजी म. संशोधित

परिक्खेवेणं तदा णं उक्कोसिया अट्ठारसमुहुत्ता राई भवति जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवेण्णाए, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति ता जया णं सूरिए बाहिराणंतरं मंडलं उवसंकमित्ता चारं चरति तता णं सा मंडलवता अडतालीसं एगट्ठिभागे जोयणस्स बाहल्लेणं एगं जोयणसयसहस्सं छच्च चउपण्णे जोयणसते छव्वीसं च एगट्ठिभागे जोयणस्स आयामविक्खंभेणं तिन्नि जोयणसतसहस्साइं अट्ठारससहस्साइं दोण्णि य सत्ताणउते जोयणसते परिक्खेवेणं पं०, तता णं राइंदियं तहेव, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तता णं सा मंडलवता अडयालीसं एगट्ठिभागे जोयणस्स बाहल्लेणं एगं जोयणसतसहस्सं छच्च अडयाले जोयणसए बावण्णं च एगट्ठिभागे जोयणस्स आयामविक्खंभेणं तिण्णि जोयणसतसहस्साइं अट्ठारस सहस्साइं दोण्णि अउणासीते जोयणसते परिक्खेवेणं पं०, दिवसराई तहेव, एवं खलु एतेणुवाएणं पविसमाणे सूरिए तताणंतरातो तदाणंतरं मंडलातो मंडलं संकममाणे २ पंच २ जोयणाइं पणतीसं च एगट्ठिभागे जोयणस्स एगमेगे मंडले विक्खंभवुडिंढ णिवुड्ढेमाणे २ अट्ठारस जोयणाइं परिरयवुडिंढ णिवुड्ढेमाणे २ सव्वब्भंतरं मंडलं उवसंकमित्ता चारं चरति, ता जया णं सूरिए सव्वब्भंतरं मंडलं उवसंकमित्ता चारं चरति तता णं सा मंडलवता अडयालीसं एगट्ठिभागे जोयणस्स बाहल्लेणं णवणउतिं जोयणसहसाइं छच्च चत्ताले जोयणसए

आगामविक्खंभेणं तिण्णि जोयणसयसहस्साइं पण्णरस य सहस्साइं अउणाणउतिं च जोयणाइं किंचिविसेसाहियाइं परिक्खेवेणं पं०, तता णं उत्तमकट्ठपत्ते उक्कोसए अट्ठारसमुहुत्ते दिवसे भवति जहणिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे, ता सव्वावि णं मंडलवता अडतालीसं एगट्ठिभागे जोयणस्स बाहल्लेणं, सव्वावि णं मंडलंतरिया दो जोयणाइं विक्खंभेणं, एस णं अद्धा तेसीयसतपडुप्पण्णो पंच दसुत्तरे जोयणसते आहि०, ता अब्भितरातो मंडलवताओ बाहिरं मंडलवतं बाहिराओ वा अब्भितरं मंडलवतं एस णं अद्धा केवतियं आहि०?, ता पंच दसुत्तरजोयणसते आहि०, अब्भितराते मंडलवताते बाहिरा मंडलवया बाहिराओ मंडलवतातो अब्भितरा मंडलवता एस णं अद्धा केवतियं आहि०?, ता पंच दसुत्तरे जोयणसते अडतालीसं च एगट्ठिभागे जोयणस्स आहि०, ता अब्भितरातो मंडलवतातो बाहिरमंडलवता बाहिरातो० अब्भितरमंडलवता एस णं अद्धा केवतियं आहि०?, ता पंच णवुत्तरे जोयणसते तेरस य एगट्ठिभागे जोयणस्स आहि०, अब्भितराते मंडलवताए बाहिरा मंडलवया बाहिराते मंडलवताते अब्भितरमंडलवया एस णं अद्धा केवतियं आहि०?, ता पंच दसुत्तरे जोयणसए आहि०॥२०॥१-८पढमं पाहुडं १॥

ता कहं ते तेरिच्छगती आहि०?, तत्थ खलु इमाओ अट्ठ पडिवत्तीओ पं०, तत्थेगे एव०-ता पुरच्छिमातो लोअंतातो पादो मरीची आगासंसि उट्ठेति, से णं इमं लोयं तिरियं करेइ ता पच्चत्थिमंसि लोगन्तंसि सायं सूरिए आगासंसि विद्धस्सति एगे एव०,

॥ श्री चन्द्रप्रज्ञप्त्युपाङ्गम् ॥

२१

पू. सागरजी म. संशोधित

एगे पुण०-ता पुरच्छिमातो लोअंतातो पातो सूरिए आगासंसि उट्टेति, से णं इमं लोयं तिरियं करेति ता पच्चत्थिमंसि लोयंतंसि सायं सूरिए आगासंसि विद्धंसति एगे एव०, एगे पुण०-ता पुरत्थिमाओ लोयंतातो पादो सूरिए आगासंसि उत्तिट्ठति, से णं इमं लोयं तिरियं करेति ता पच्चत्थिमंसि लोयंतंसि सायं सूरिए आगासं अणुपविसति ता अहे पडियागच्छति ता पुणरवि अवरभूपुरत्थिमातो लोयंतातो पातो सूरिए आगासंसि उत्तिट्ठति एगे एव०, एगे पुण०-ता पुरत्थिमाओ लोयंताओ पाओ सूरिए पुढवीओ उत्तिट्ठति, से णं इमं लोयं तिरियं करेति ता पच्चत्थिमिल्लंसि लोयंतंसि सायं सूरिए पुढवीकायंसि विद्धंसइ एगे एव०, एगे पुण०-पुरत्थिमाओ लोयंताओ पाओ सूरिए पुढवीओ उत्तिट्ठइ, से णं इमं तिरियं लोयं करेइ ता पच्चत्थिमंसि लोयंतंसि सायं सूरिए पुढवीकायं अणुपविसइ ता अहे पडियागच्छइ ता पुणरवि अवरभूपुरत्थिमाओ लोयंताओ पाओ सूरिए पुढवीओ उत्तिट्ठइ एगे एव०, एगे पुण०-ता पुरत्थिमिल्लाओ लोयंताओ पाओ सूरिए आउकायंसि उत्तिट्ठइ, से णं इमं तिरियं लोयं तिरियं करेइ ता पच्चत्थिमंसि लोयंतंसि सायं सूरिए आउकायंसि विद्धंसति एगे एव०, एगे पुण०-ता पुरत्थिमातो लोयंतातो पाओ सूरिए आउओ उत्तिट्ठति, से णं इमं तिरियं लोयं तिरियं करेति ता पच्चत्थिमंसि लोयंतंसि सायं सूरिए आउकायंसि पविसइ ता अहे पडियागच्छति ता पुणरवि अवरभूपुरत्थिमातो लोयंतातो पादो सूरिए आउओ० एगे एव, एगे पुण एव०-ता पुरत्थिमातो लोयंताओ बहूइं जोयणाइं बहूइं जोयणसताइं बहूइं जोयणसहस्साइं उड्ढं दूरं उप्पतित्ता एत्थ णं पातो सूरिए आगासंसि उत्तिट्ठति, से णं इमं दाहिणड्ढं लोयं तिरियं करेति ता उत्तरद्धलोयं

तमेव रातो, से णं इमं उत्तरद्धलोयं तिरियं करेइ ता दाहिणद्धलोयं तमेव राओ, से णं इमाइं दाहिणुत्तरद्धलोयाइं तिरियं करेइ ता पुरत्थिमाओ लोयंतातो बहूइं जोयणाइं तं चेव उड्ढं दूरं उप्पत्तिता एत्थ णं पातो सूरिए आगासंसि उत्तिट्ठति एगे एव०, वयं पुण एवं वयामो-ता जंबुद्दीवस्स पाईणपडीणायतउदीणदाहिणायताए जीवाए मंडलं चउव्वीसेणं सतेणं छेत्ता दाहिणपुरच्छिमंसि उत्तरपच्चत्थिमंसि य चउव्वभागमंडलंसि इमीसे रयणप्पभाए पुढवीए बहुसमरमणिजातो भूमिभागातो अट्ठ जोयणसताइं उड्ढं उप्पत्तिता एत्थ णं पादो दुवे सूरिया आगासाओ उत्तिट्ठंति, ते णं इमाइं दाहिणुत्तराइं जंबुद्दीवभागाइं तिरियं करेति ता पुरत्थिमपच्चत्थिमाइं जंबुद्दीवभागाइं तमेव रातो, ते णं इमाइं पुरच्छिमपच्चत्थिमाइं जंबुद्दीवभागाइं तिरियं करेति ता दाहिणुत्तराइं जंबुद्दीवभागाइं तमेव रातो, ते णं इमाइं दाहिणुत्तराइं पुरच्छिमपच्चत्थिमाणि य जंबुद्दीवभागाइं तिरियं करेति ता जंबुद्दीवस्स पाईणपडीणायत जाव एत्थ णं पादो दुवे सूरिया आगासंसि उत्तिट्ठंति ॥२१॥२-१॥

ता कहं ते मंडलाओ मंडलं संकममाणे २ सूरिए चारं चरति आहि०?, तत्थ खलु इमातो दुवे पडिवत्तीओ पं०, तत्थेगे एव०-ता मंडलातो मंडलं संकममाणे २ सूरिए भेयघाएणं संकामइ एगे एव०, एगे पुण०-ता मंडलाओ मंडलं संकममाणे सूरिए कण्णकलं णिव्वेढेति, तत्थ जे ते एव०-ता मंडलातो मंडलं संकममाणे २ सूरिए भेयघाएणं संकमइ तेसिं णं अयं दोसे-ता जेणंतरेणं मंडलातो मंडलं संकममाणे सूरिए भेयघाएणं संकमति एवतियं च णं अब्बं पुरतो न गच्छति, पुरतो अगच्छमाणे मंडलकालं परिहवेति,

॥ श्री चन्द्रप्रज्ञप्त्युपाङ्गम् ॥

२३

पू. सागरजी म. संशोधित

तेसिं णं अयं दोसे, तत्थ जे ते एव०-ता मंडलातो मंडलं संकममाणे सूरिए कण्णकलं णिव्वेढेति तेसिं णं अयं विसेसे-ता जेणंतरेणं मंडलातो मंडलं संकममाणे सूरिए कण्णकलं णिव्वेढेति एवतियं च णं अद्धं पुरतो गच्छति, पुरतो गच्छंमाणे मंडलकालं ण परिहवेति, तेसिं णं अयं विसेसे, तत्थ जे ते एव०-मंडलातो मंडलं संकममाणे सूरिए कण्णकलं णिव्वेढेति एतेणं णएणं णेतव्वं, णो चेव णं इतरेणं ॥२२॥२-२॥

ता केवतियं ते खेत्तं सूरिए एगमेगेणं मुहुत्तेणं गच्छति आहि०?, तत्थ खलु इमातो चत्तारि पडिवत्तीओ पं० तं०-तत्थ एगे एव०-ता छ छ जोयणसहस्साइं सूरिए एगमेगेणं मुहुत्तेणं गच्छति०, एगे पुण०-ता पंच २ जोयणसहस्साइं सूरिए एगमेगेणं मुहुत्तेणं गच्छति एगे०, एगे पुण०-ता चत्तारि २ जोयणसहस्साइं सूरिए एगमेगेणं मुहुत्तेणं गच्छति एगे एव०, एगे पुण०-ता छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति एगे०, तत्थ जे ते एवमाहंसु ता छ छ जोयणसहस्साइं सूरिए एगमेगेणं मुहुत्तेणं गच्छति ते एव०-जता णं सूरिए सव्वब्भंतरं मंडलं उवसंकमिता चारं चरति तथा णं उत्तमकट्टपत्ते उक्कोसे अट्टारसमुहुत्ते दिवसे भवति जहण्णिगया दुवालसमुहुत्ता राई भवति, तंसिं च णं दिवसंसि एगं जोयणसतसहस्सं अट्ट य जोयणसहस्साइं तावक्खेत्ते पं०, ता जया णं सूरिए सव्वबाहिरं मंडलं उवसंकमिता चारं चरति तथा णं उत्तमकट्टपत्ता उक्कोसिया अट्टारसमुहुत्ता राई भवति जहण्णए दुवालसमुहुत्ते दिवसे भवति, तंसिं च णं दिवसंसि बावत्तरिं जोयणसहस्साइं तावक्खेत्ते पं०, तथा णं छ छ जोयणसहस्साइं

॥ श्री चन्द्रप्रज्ञप्त्युपाङ्गम् ॥

२४

पू. सागरजी म. संशोधित

सूरिए एगमेगेणं मुहुत्तेणं गच्छति, तत्थ जे ते एवमाहंसु-ता पंच पंच जोयणसहस्साइं सूरिए एगमेगेणं मुहुत्तेणं गच्छति ते एव०, ता जता णं सूरिए सव्वब्भंतरं मंडलं उवसंकमित्ता चारं चरति तहेव दिवसराइप्पमाणं, तंसिं च णं दिवसंसि तावखेत्ते नउइजोयणसहस्साइं, ता जया णं सव्वबाहिरं मंडलं उवसंकमित्ता चारं चरति तता णं तं चेव राइंदियप्पमाणं तंसिं च णं दिवसंसि सड्ढिं जोयणसहस्साइं तावक्खेत्ते पं०, तता णं पंच २ जोयणसहस्साइं सूरिए एगमेगेणं मुहुत्तेणं गच्छति, तत्थ जे ते एव०-ता चत्तारि जोयणसहस्साइं सूरिए एगमेगेणं मुहुत्तेणं गच्छति ते एवमा०-ता जया णं सूरिए सव्वब्भंतरं मंडलं उवसंकमित्ता चारं चरति तता णं दिवसराइं तहेव, तंसिं च णं दिवसंसि बावत्तरिं जोयणसहस्साइं तावक्खेत्ते पं०, ता जया णं सूरिए सव्वबाहिरं मंडलं उवसंकमित्ता चारं चरति तता णं राइंदियं तथेव, तंसिं च णं दिवसंसि अडयालीसं जोयणसहस्साइं तावक्खेत्ते पं०, तता णं चत्तारि जोयणसहस्साइं सूरिए एगमेगेणं मुहुत्तेणं गच्छति, तत्थ जे ते एवमाहंसु छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति ते एव०, ता सूरिए णं उग्गमणमुहुत्तंसि य अत्थमणमुहुत्तंसि य सिग्घगती भवति तता णं छ छ जोयणसहस्साइं एगमेगेणं मुहुत्तेणं गच्छति, मज्झिमतावखेत्तं समासादेमाणे २ सूरिए मज्झिमगती भवति तता णं पंच २ जोयणसहस्साइं एगमेगेणं मुहुत्तेणं गच्छति, मज्झिमं तावखेत्तं संपत्ते सूरिए मंदगती भवति तता णं चत्तारि जोयणसहस्साइं एगमेगेणं मुहुत्तेणं गच्छति, तत्थ को हेऊत्ति वदेज्जा?, ता अयणं जंबुद्दीवे २ जाव परिक्खेवेणं, ता जया णं सूरिए सव्वब्भंतरं मंडलं

॥ श्री चन्द्रप्रज्ञप्त्युपाङ्गम् ॥

२५

पू. सागरजी म. संशोधित

उवसंकमिता चारं चरति तता णं दिवसराई तहेव, तंसिं च णं दिवसंसि एक्काणउति जोयणसहस्साइं तावखेत्ते पं०, ता जया णं सूरिए सव्वबाहिरं मंडलं उवसंकमिता चारं चरति तता णं राइंदियं तहेव, तस्सिं च णं दिवसंसि एगट्टिजोयणसहस्साइं तावखेत्ते पं०, तता णं छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति एगे एव०, वयं पुण एवं वदामो-ता सातिरेगाइं पंच जोयणसहस्साइं सूरिए एगमेगेणं मुहुत्तेणं गच्छति, तत्थ को हेतूत्ति वदेज्जा?, ता अयण्णं जंबुद्दीवे० परिक्खेवेणं, ता जता णं सूरिए सव्वब्भंतरं मंडलं उवसंकमिता चारं चरति तता णं पंच २ जोयणसहस्साइं दोण्णि य एकावण्णे जोयणसाए एगूणतीसं च सट्ठिभागे जोयणस्स एगमेगेणं मुहुत्तेणं गच्छति, तता णं इधगतस्स मणुस्सस्स सीतालीसाए जोयणसहस्सेहिं दोहि य तेवट्ठेहिं जोयणसतेहिं एक्कवीसाए य सट्ठिभागेहिं जोयणस्स सूरिए चक्खुप्फासं हव्वमागच्छति, तथा णं दिवसराई तहेव, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतं मंडलं उवसंकमिता चारं चरति, ता जया णं सूरिए अब्भितराणंतं मंडलं उवसंकमिता चारं चरति तता णं पंच २ जोयणसहस्साइं दोण्णि य एकावण्णे जोयणसते सीतालीसं च सट्ठिभागे जोयणस्स एगमेगेणं मुहुत्तेणं गच्छति, तता णं इहगतस्स मणुस्सस्स सीतालीसाए जोयणसहस्सेहिं अउणासीते य जोयणसतेण सत्तावण्णाए य सट्ठिभागेहिं जोयणस्स सट्ठिभागं च एगट्ठिहा छेत्ता अउणावीसाए चुण्णिआभागेहिं सूरिए चक्खुप्फासं हव्वमागच्छति, तता णं दिवसराई तहेव, ($१८\frac{१}{६१७}$, $१२\frac{२}{६२}$), से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमिता चारं चरति,

॥ श्री चन्द्रप्रज्ञप्त्युपाङ्गम् ॥

२६

पू. सागरजी म. संशोधित

ता जया णं सूरिए अब्भितरं तच्चं मंडलं उवसंकमिता चारं चरति तता णं पंच २ जोयणसहस्साइं दोण्णि य बावण्णे जोयणसते पंच य सट्ठिभागे जोयणस्स एगमेगेणं मुहुत्तेणं गच्छति तता णं इहगतस्स मणू० सीतालीसाए जोयणसहस्सेहिं छण्णसउतीए य जोयणेहिं तेत्तीसाए य सट्ठिभागेहिं जोयणस्स सट्ठिभागं च एगट्ठिधा छेत्ता दोहिं चुण्णियाभागेहिं सूरिए चक्खुफासं हव्वमागच्छति, तता णं दिवसराई तहेव, एवं खलु एतेणं उवाएणं णिक्खममाणे सूरिए तताणंतराओ तदाणंतरं मंडलातो मंडलं संकममाणे २ अट्टारस २ सट्ठिभागे जोयणस्स एगमेगे मंडले मुहुत्तगतिं अभिवुड्ढेमाणे २ चुलसीति २ सताइं जोयणाइं पुरिसच्छायं णिवुड्ढेमाणे २ सव्वबाहिरं मंडलं उवसंकमिता चारं चरति ता जया णं सूरिए सव्वबाहिरं मंडलं उवसंकमिता चारं चरति तता णं पंच २ जोयणसहस्साइं तिन्नि य पंचुत्तरे जोयणसते पण्णरस य सट्ठिभागे जोयणस्स एगमेगेणं मुहुत्तेणं गच्छति, तता णं इहगतस्स मणूसस्स एकतीसाए जोयणसहस्सेहिं अट्ठहिं एकतीसेहिं जोयणसतेहिं तीसाए य सट्ठिभागेहिं जोयणस्स सूरिए चक्खुफासं हव्वमागच्छति तता णं उत्तमकट्ठपत्ता उक्कोसिया अट्टारसमुहुत्ता राई भवइ जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरति, ता जता णं सूरिए बाहिराणंतरं मंडलं उवसंकमिता चारं चरति, तता णं पंच २ जोयणसहस्साइं तिण्णि य चउरुत्तरे जोयणसते सत्तावण्णं च सट्ठिभाए जोयणस्स एगमेगेणं मुहुत्तेणं गच्छति, तता णं इहगतस्स मणूसस्स एकतीसाए जोयणसहस्सेहिं

नवहि य सोलेहिं जोयणसएहिं एगूणचालीसाए य सट्ठिभागेहिं जोयणस्स सट्ठिभागं च एगट्ठिहा छेत्ता सट्ठीए चुण्णियाभागेहिं सूरिए चक्खुफासं हव्वमागच्छति, तता णं राइंदियं तहेव, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए सव्वबाहिरं मंडलं उवसंकमित्ता चारं चरति तता णं पंच २ जोयणसहस्साइं तिन्नि य पंचुत्तरे जोयणसते पण्णरस य सट्ठिभागे जोयणस्स एगमेगेणं मुहुत्तेणं गच्छति, तता णं इहगतस्स मणूसस्स एकतीसाए जोयणसहस्सेहिं अट्ठहिं एकतीसेहिं जोयणसतेहिं तीसाए य सट्ठिभागेहिं जोयणस्स सूरिए चक्खुफासं हव्वमागच्छति तता णं उत्तमकट्ठपत्ता उक्कोसिया अट्ठारसमुहुत्ता राई भवइ जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतं मंडलं उवसंकमित्ता चारं चरति, ता जता णं सूरिए बाहिराणंतं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तता णं पंच पंच जोयणसहस्साइं तिन्नि य चउरुत्तरे जोयणसते ऊतालीसं च सट्ठिभागे जोयणस्स एगमेगेणं मुहुत्तेणं गच्छति, तता णं इहगतस्स मणूसस्स एगाधिगेहिं बत्तीसाए जोयणसहस्सेहिं एकूणवण्णाए य सट्ठिभागेहिं जोयणस्स सट्ठिभागं च एगट्ठिहा छेत्ता तेवीसाए चुण्णियाभागेहिं सूरिए चक्खुफासं हव्वमागच्छति, राइंदियं तहेव, एवं खलु एतेणुवाएणं पविसमाणे सूरिए तताणंतरातो तताणंतरं मंडलातो मंडलं संकममाणे २ अट्ठारस २ सट्ठिभागे जोयणस्स एगमेगे मंडले मुहुत्तगतिं णिवुड्ढेमाणे २ सातिरेगाइं पंचासीति

॥ श्री चन्द्रप्रज्ञप्त्युपाङ्गम् ॥

२८

पू. सागरजी म. संशोधित

२ जोयणाइं पुरिसच्छायं अभिवुड्ढेमाणे २ सव्वब्भंतंरं मंडलं उवसंकमित्ता चारं चरति, ता जता णं सूरिए सव्वब्भंतंरं मंडलं उवसंकमित्ता चारं चरति तता णं पञ्च २ जोयणसहस्साइं दोणिण य एक्कावण्णे जोयणसए अगुणतीसं च सद्विभागे जोयणस्स एगमेगेणं मुहुत्तेणं गच्छति, तता णं इहगयस्स मणूसस्स सीतालीसाए जोयणसहस्सेहिं तेवट्ठेहिं जोयणसतेहि य एक्कवीसाए य सद्विभागेहिं जोयणस्स सूरिए चक्खुफासं हव्वमागच्छति, तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिणया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे ॥२३॥ २-३ बितियं पाहुडं॥

ता केवतियं खेत्तं चंदिमसूरिया ओभासंति उज्जोवेति तवेति पगासंति आहि०?, तत्थ खलु इमाओ बारस पडिवत्तीओ पं०, तत्थेगे एवमा०-ता एगं दीवं एगं समुदं चंदिमसूरिया ओभासेति०, एगे पुण एव०-ता तिणिण दीवे तिणिण समुदे चंदिमसूरिया ओभासंति० एगे एव०, एगे पुण०-ता अब्बचउत्थे (प्र० आहुट्ठे) दीवसमुदे चंदिमसूरिया ओभासंति० एगे एव०, एगे पुण०-ता सत्त दीवे सत्त समुदे चंदिमसूरिया ओभासंति० एगे एव०, एगे पुण०-ता दस दीवे दस समुदे चंदिमसूरिया ओभासंति० एगे एव०, एगे पुण०-ता बारस दीवे बारस समुदे चंदिमसूरिया ओभासंति० एगे०, एगे पुण० बायालीसं दीवे बायालीसं समुदे चंदिमसूरिया ओभासंति० एगे०, एगे पुण० बावत्तरिं दीवे बावत्तरिं समुदे चंदिमसूरिया ओभासंति० एगे०, एगे पुण०-ता बायालीसं

दीवसतं बायालं समुद्रसतं चंदिमसूरिया ओभासंति० एगे०, एगे पुण०-ता बावत्तरि दीवसतं बावत्तरि समुद्रसतं चंदिमसूरिया ओभासंति० एगे०, एगे पुण०-ता बायालीसं दीवसहस्सं बायालं समुद्रसहस्सं चंदिमसूरिया ओभासंति० एगे०, एगे पुण०-ता बावत्तरं दीवसहस्सं बावत्तरं समुद्रसहस्सं चंदिमसूरिया ओभासंति० एगे०, वयं पुण एवं वदामो-अयणं जंबुद्वीवे जाव परिक्खेवेणं पं०, से णं एगाए जगतीए सव्वतो समंता संपरिक्खत्ते, सा णं जगती अट्ठ जोयणाइं उड्डं उच्चत्तेणं एवं जहा जंबुद्वीवपत्तत्तीए जाव एवामेव सपुव्वावरेणं जंबुद्वीवे चोदस सलिलासयसहस्सा छप्पन्नं च सलिलासहस्सा भवन्तीतिमक्खाता, जंबुद्वीवे णं दीवे पंचचक्रभागसंठिते आहिताति वदेज्जा, ता कहं ते जंबुद्वीवे० पंचचक्रभागसंठिते आहि०?, ता जता णं एते सूरिया सव्वब्भंतरं मंडलं उवसंकमित्ता चारं चरंति तदा णं जंबुद्वीवस्स० तिण्णि पंचचक्रभागे ओभासंति तं०-एगेवि एगं दिवड्डं पंचचक्रभागं ओभासेति एगेवि एगं दिवड्डं पंचचक्रभागं ओभासेति तता णं उत्तमकट्टपत्ते उक्को० अट्ठारसमुहुत्ते दिवसे भवति जहणिया दुवालसमुहुत्ता राई भवइ, ता जता णं एते दुवे सूरिया सव्वबाहिरं मंडलं उवसंकमित्ता चारं चरंति तदा णं जंबुद्वीवस्स दोण्णि चक्रभागे ओभासंति, ता एगेवि एगं पंचच-क्रवालभागं ओभासति एगेवि एक्कं पंचचक्रवालभागं ओभासइ, तता णं उत्तमकट्टपत्ता उक्को० अट्ठारसमुहुत्ता राई भवइ जहण्णाए दुवालसमुहुत्ते दिवसे भवति ॥२४॥ ततियं पाहुडं ३॥

ता कहं ते सेआते संठिई आहि०?, तत्थ खलु इमा दुविहा संठिती पं० तं०- चंदिमसूरियसंठिती य तावक्खेत्तसंठिती य,

॥ श्री चन्द्रप्रज्ञप्त्युपाङ्गम् ॥

३०

पू. सागरजी म. संशोधित

ता कहं ते चंदिमसूरियसंठिती आहि०?, तत्थ खलु इमातो सोलस पडिवत्तीओ पं०, तत्थेगे एव०-ता समचउरंसंठिता चंदिमसूरियसंठिती एगे एव०, एगे पुण० ता विसमचउरसंठिता चंदिमसूरियसंठिती पं०, एवं एएणं अभिलावेणं समचउक्कोणसंठिता विसमचउक्कोणसंठिया समचक्कवालसंठिता विसमचक्कवालसंठिता चक्कद्धचक्कवालसंठिता पं० एगे एव०, एगे पुण०-ता छत्तागारसंठिता चंदिमसूरियसंठिती पं० गेहसंठिता गेहावणसंठिता पासादसंठिता गोपुरसंठिया पेच्छाधरसंठिता वलभीसंठिता हभियतलसंठिता वालगपोतियासंठिता चंदिमसूरियसंठिती पं०, तत्थ जे ते एवमा० ता समचउरंसंठिता चंदिमसूरियसंठिती पं० एतेणं णएणं णेतव्वं णो चेव णं इतरेहिं, ता कहं ते तावक्खेत्तसंठिती आहि०? तत्थ खलु इमाओ सोलस पडिवत्तीओ पं०, तत्थ णं एगे एव०-ता गेहसंठिता तावक्खेत्तसंठिती पं०, एवं जाव वालगपोतियासंठिता तावक्खेत्तसंठिती०, एगे एव०-ता जस्संठिते जंबुद्दीवे तस्संठिता तावक्खेत्तसं० पं०, एगे पुण० ता जस्संठिते भारहे वासे तस्सं०, एवं उज्जाणसंठिया निज्जाणसंठिता एगतो णिसधसंठिता दुहतो णिसहसंठिता सेयणगसंठिता एगे एव०, एगे पुण० ता सेयणगपट्टसंठिता तावक्खेत्त० एगे एव०, वयं पुण एवं वदामो-ता उद्धीमुहकलंबुआपुप्फसंठिता तावक्खेत्तसंठिती पं० अंतो संकुडा वाहिं वित्थडा अंतो वट्ठा बाहिं पिधुला अंतो अंकमुहसंठिता बाहिं सत्थिमुहसंठिता, उभतो पासेणं तीसे दुवे बाहाओ अवट्ठिताओ भवंति पणतालीसं २ जोयणसहस्साइं आयामेणं, दुवे य णं तीसे बाहाओ अणवट्ठिताओ भवंति, तं० सव्वब्भंतरिया चेव बाहा सव्वबाहिरिया चेव बाहा, तत्थ को हेतूत्ति वदेज्जा?..

॥ श्री चन्द्रप्रज्ञप्त्युपाङ्गम् ॥

३१

पू. सागरजी म. संशोधित

ता अयण्णं जंबुद्वीवे जाव परिक्खेवेणं, ता जया णं सूरिए सव्वब्भंतरं मंडलं उवसंकमिन्ता चारं चरति तता णं उब्धीमुहकलंबुआपुप्फसंठिता तावक्खेत्तसंठिती आहि० अंतो संकुडा जाव बाहिरिया चेव बाहा, तीसे णं सव्वब्भंतरिया बाहा मंदरपव्वयतेणं णव जोयणसहस्साइं चत्तारि य छलसीते जोयणसते णव य दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि० ? ता जे णं मंदरस्स पव्वयस्स परिक्खेवे तं परिक्खेवं तिहिं गुणित्ता दसहिं छित्ता दसहिं भागे हीरमाणे एस णं परिक्खेवविसेसे आहि०, तीसे णं सव्वबाहिरिया बाहा लवणसमुदं तेणं चउणउतिं जोयणसहस्साइं अट्ट य अट्टसट्ठे जोयणसते चत्तारि य दसभागे जोयणस्स परिक्खेवेणं आहिता०, ता से णं परिक्खेवविसेसे कतो आहिता०?, ता जे णं जंबुद्वीवस्स परिक्खेवे तं परिक्खेवं तिहिं गुणित्ता दसहिं छेत्ता दसहिं भागे हीरमाणे एस णं परिक्खेवविसेसे आहि०, ता से णं तावक्खेत्ते केवतियं आयामेणं आहि०?, ता अट्टत्तरि जोयणसहस्साइं तिण्णि य तेत्तीसे जोयणसते जोयणतिभागे य आयामेणं आहि०, तथा णं किं संठिया अंधगारसंठिई आहि०?, उब्धीमुहकलंबुआपुप्फसंठिता तहेव जाव बाहिरिया चेव बाहा, तीसे णं सव्वब्भंतरिया बाहा मंदरपव्वतं तेणं छज्जोयणसहस्साइं तिण्णि य चउवीसे जोयणसते छच्च दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि०?, ता जे णं मंदरस्स पव्वयस्स परिक्खेवेतं परिक्खेवं दोहिं गुणेत्ता सेसं तहेव, तीसे णं सव्वबाहिरिया बाहा लवणसमुदं तेणं तेवड्ढिं जोयणसहस्साइं दोण्णि य पणयाले जोयणसते छच्च दसभागे जोयणस्स परिक्खेवेणं आहि०, ता से णं परिक्खेवविसेसे कतो

आहि०?, ता जे णं जंबुद्दीवस्स परिक्खेवे तं परिक्खेवं दोहिं गुणिता दसहिं छेत्ता दसहिं भागे हीरमाणे एस णं परिक्खेवविसेसे
 आहि०, ता से णं अंधकारे केवतियं आयामेणं आहि० ?, ता अट्टत्तरि जोयणसहस्साइं तिणिण य तेत्तीसे जोयणसते जोयणतिभागं
 च आयामेणं आहि०, तता णं उत्तमकट्ठपत्ते अट्टारसमुहुत्ते दिवसे भवइ जहणिया दुवालसमुहुत्ता राई भवइ, ता जया णं सूरिए
 सव्वबाहिरं मंडलं उवसंकमित्ता चारं चरति तता णं किं संठिता तावक्खेत्तसंठिती आहि०?, ता उब्धीमुहकलंबुयापुप्फसंठिता
 तावक्खेत्तसंठिती आहि०, एवं जं अब्भित्तरमंडले अंधकारसंठितीए पमाणं तं बाहिरमंडले तावक्खेत्तसंठितीए जं तहिं
 तावक्खेत्तसंठितीए तं बाहिरमंडले अंधकारसंठितीए भाणियव्वं, जाव तता णं उत्तमकट्ठपत्ता उक्कोसिया अट्टारसमुहुत्ता राई भवति
 जहण्णाए दुवालसमुहुत्ते दिवसे भवति, ता जंबुद्दीवे० सूरिया केवतियं खेत्तं उड्ढं तवंति केवतियं खेत्तं अहे तवंति केवतियं खेत्तं
 तिरियं तवंति ?, ता जंबुद्दीवे णं दीवे सूरिया एगं जोयणसतं उड्ढं तवंति अट्टारस जोयणसताइं अथे तवंति सीतालीसं जोयणसहस्साइं
 दुत्ति य तेवट्ठे जोयणसते एक्कवीसं च सट्ठिभागे जोयणस्स तिरियं तवंति ॥२५॥ चउत्थं पाहुडं ४॥

ता कंसि णं सूरियस्स लेस्सा पडिहताति वदेज्जा ?, तत्थ खलु इमाओ वीसं पडिवत्तीओ पं०, तत्थेगे एव०-ता मंदरंसि
 णं पव्वतंसि सूरियस्स लेस्सा पडिहता आहि० एगे एव०, एगे पुण०-ता मेरुंसि णं पव्वतंसि सूरियस्स लेस्सा पडिहता आहि०
 एगे एव०, एवं एतेणं अभिलावेणं भाणियव्वं, ता मणोरमंसि णं पव्वयंसि ता सुदंसणंसि णं पव्वयंसि ता सयंपभंसि णं पव्वतंसि

॥ श्री चन्द्रप्रज्ञप्त्युपाङ्गम् ॥

३३

पू. सागरजी म. संशोधित

ता गिरिरायंसि णं पव्वतंसि ता रतणुच्चयंसि णं पव्वतंसि ता सिलुच्चंसि णं पव्वयंसि णं पव्वयंसि ता लौअमज्झंसि णं पव्वतंसि
 ता लोयणाभिसि णं पव्वतंसि ता अच्चंसि णं पव्वतंसि ता सूरियावत्तंसि णं पव्वतंसि ता सूरियावरणंसि णं पव्वतंसि ता उत्तमंसि
 णं पव्वयंसि ता दिसादिभिमि णं पव्वतंसि ता अवतंसंसि णं पव्वतंसि ता धरणिखीलंसि णं पव्वयंसि ता धरणिसिगंसि णं पव्वयंसि
 ता पव्वतिंदंसि णं पव्वतंसि ता पव्वयरायंसि णं पव्वयंसि सूरियस्स लेसा पडिहता आहि० एगे एव०, वयं पुण एवं वदामो जंसि
 णं पव्वयंसि सूरियस्स लेसा पडिहता से मंदरेवि पवुच्चति मेरूवि पवुच्चइ जाव पव्वयरायावि पवुच्चति, ता जे णं पुगगला सूरियस्स
 लेसं फुसंति ते णं पुगगला सूरियस्स लेसं पडिहणंति, अदिट्ठावि णं पोगगला सूरियस्स लेस्सं पडिहणंति, चरिमलेसंतरगतावि णं
 पोगगला सूरियस्स लेस्सं पडिहणंति ॥२६॥ पंचमं पाहुडं ५॥

ता कहं ते ओयसंठिती आहि०?, तत्थ खलु इमाओ पणवीसं पडिवत्तीओ पं०, तत्थेगे एव० ता अणुसमयमेव सूरियस्स
 ओया अण्णा उप्पज्जति अण्णा अवेति एगे एव०, एगे पुण०-ता अणुमुहुत्तमेव सूरियस्स ओया अण्णा उप्पज्जति अण्णा अवेति,
 एतेणं अभिलावेणं णेतव्वा, ता अणुराइंदियमेव ता अणुपक्खमेव ता अणुमासमेव ता अणुउडुमेव ता अणुअयणमेव ता
 अणुसंवच्छरमेव ता अणुजुगमेव ता अणुवाससयमेव ता अणुवाससहस्समेव ता अणुवाससयसहस्समेव ता अणुपुव्वमेव ता
 अणुपुव्वसयमेव ता अणुपुव्वसहस्समेव ता अणुपुव्वसतसहस्समेव ता अणुपलितोवममेव ता अणुपलितोवमसतमेव ता

॥ श्री चन्द्रप्रज्ञप्त्युपाङ्गम् ॥

३४

पू. सागरजी म. संशोधित

अणुपलितोवमसहस्समेव ता अणुपलितोवमसयसहस्समेव ता अणुसागरोवममेव ता अणुसागरोवमसतमेव ता अणुसागरोवमसहस्समेव ता अणुसागरोवमसयसहस्समेव एगे एव०, ता अणुउस्सप्पिणीओसप्पिणिमेव सूरियस्स ओया अण्णा उप्पज्जति अण्णा अवेति एगे एव०; वयं पुण एवं वदामो-ता तीसं २ मुहुत्ते सूरियस्स ओया अवट्ठिता भवति, तेण परं सूरियस्स ओया अणवट्ठिता भवति, छम्मासे सूरिए ओयं णिवुड्ढेति छम्मासे सूरिए ओयं अभिवड्ढेति, णिक्खममाणे सूरिए देसं णिवुड्ढेति पविसमाणे सूरिए देसं अभिवुड्ढेड, तत्थ को हेतू आहि०?, ता अयण्णं जंबुद्वीवे सव्वदीवसमुद्द जाव परिक्खेवेणं, ता जया णं सूरिए सव्वब्भंतरं मंडलं उवसंकमिन्ता चारं चरति तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भित्तराणंतरं मंडलं उवसंकमिन्ता चारं चरति, ता जया णं सूरिए अब्भित्तराणंतरं मंडलं उवसंकमिन्ता चारं चरति तता णं एगेणं राइंदिएणं एगं भागं ओयाए दिवसखित्तस्स णिवुड्ढित्ता रयणिक्खेत्तस्स अभिवड्ढित्ता चारं चरति मंडलं अट्टारसहिं तीसेहिं सतेहिं छित्ता, तता णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राई भवति दोहिं एगट्ठिभागमुहुत्तेहिं अहिया, से णिक्खममाणे सूरिए दोच्चंसि अहोरत्तंसि अब्भित्तरं तच्चं मंडलं उवसंकमिन्ता चारं चरति, ता जया णं सूरिए अब्भित्तरं तच्चं मंडलं उवसंकमिन्ता चारं चरति तता णं दोहिं राइंदिएहिं दो भागे ओयाए दिवसखेत्तस्स णिवुड्ढित्ता रयणिखित्तस्स अभिवड्ढेत्ता चारं चरति मंडलं अट्टारसतीसेहिं सएहिं छेत्ता, तता णं अट्टारसमुहुत्ते

॥ श्री चन्द्रप्रज्ञप्त्युपाङ्गम् ॥

३५

पू. सागरजी म. संशोधित

दिवसं भवति चउहिं एगडिभागमुहुत्तेहिं ऊणे दुवालसमुहुत्ता राई भवति चउहिं एगडिभागमुहुत्तेहिं अहिया, एवं खलु एतेणुवाएणं निक्खममाणे सूरिए तथाणंतराओ तदाणंतरं मंडलातो मंडलं संकममाणे २ एगमेगे मंडले एगमेगेणं राइंदिएणं एगमेगं भागं ओयाए दिवसखेत्तस्स णिवुड्ढेमाणे २ रयणिखेत्तस्स अभिवुड्ढेमाणे २ सव्वबाहिरं मंडलं उवसंकमिता चारं चरति, ता जया णं सूरिए सव्वब्भंतरातो मंडलातो सव्वबाहिरं मंडलं उवसंकमिता चारं चरति तता णं सव्वब्भंतरं मंडलं पणिधाय एगेणं तेसीतेणं राइंदियसतेणं एगं तेसीतं भागसतं ओयाए दिवसखेत्तस्स णिवुड्ढेत्ता रयणिखेत्तस्स अभिवुड्ढेत्ता चारं चरति मंडलं अट्टारसहिं तीसेहिं सएहिं छेत्ता, तता णं उत्तमकट्टपत्ता उक्को० अट्टारसमुहुत्ता राई भवति जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरति, ता जया णं सूरिए बाहिराणंतरं मंडलं उवसंकमिता चारं चरति तता णं एगेणं राइंदिएणं एगं भागं ओयाए रतणिक्खेत्तस्स णिवुड्ढेत्ता दिवसखेत्तस्स अभिवुड्ढेत्ता चारं चरति मंडलं अट्टारसहिं तीसेहिं सएहिं छेत्ता, तता णं अट्टारसमुहुत्ता राई भवति दोहिं एगडिभागमुहुत्तेहिं ऊणा दुवालसमुहुत्ते दिवसे भवति दोहिं एगडिभागमुहुत्तेहिं अधिए, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमिता चारं चरति, ता जया णं सूरिए बाहिरं तच्चं मंडलं उवसंकमिता चारं चरति तता णं दोहिं राइंदिएहिं दो भाए ओयाए रयणिखेत्तस्स णिवुड्ढेत्ता दिवसखेत्तस्स अभिवुड्ढेत्ता चारं चरति मंडलं अट्टारसहिं

॥ श्री चन्द्रप्रज्ञप्त्युपाङ्गम् ॥

३६

पू. सागरजी म. संशोधित

तीसेहिं सएहिं छेत्ता, तथा णं अट्टारसमुहुत्ता राई भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवति चउहिं एगट्टिभागमुहुत्तेहिं अधिए, एवं खलु एतेणुवाएणं पविसमाणे सूरिए तताणंतरातो तदाणंतरं मंडलातो मंडलं संकममाणे २ एगमेगे मंडले एगमेगेणं राइंदिएणं एगमेगं भागं ओयाए रयणिखेत्तस्स णिवुड्ढेमाणे २ दिवसखेत्तस्स अभिवड्ढेमाणे २ सव्वब्भंतरं मंडलं उवसंकमित्ता चारं चरति, ता जया णं सूरिए सव्वबाहिरातो मंडलातो सव्वब्भंतरं मंडलं उवसंकमित्ता चारं चरति तता णं सव्वबाहिरं मंडलं पणिधाय एगेणं तेसीतेणं राइंदियसएणं एगं तेसीतं भागसतं ओयाए रयणिखित्तस्स णिवुड्ढेत्ता दिवसखेत्तस्स अभिवड्ढेत्ता चारं चरति मंडलं अट्टारसतीसेहिं सएहिं छेत्ता, तता णं उत्तमकट्टपत्ते उक्को० अट्टारसमुहुत्ते दिवसे भवति जहणिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे ॥२७॥ छट्ठं पाहुडं ६॥

ता के ते सूरियं वरंति आहि०?, तत्थ खलु इमाओ वीसं पडिवत्तीओ पं०, तत्थेगे एव० ता मंदरे णं पव्वते सूरियं वरयति आहि०, एगे पुण० ता मेरू णं पव्वते सूरियं वरति आहि०, एवं एएणं अभिलावेणं णेतव्वं जाव पव्वतराये णं पव्वते सूरियं वरयति आहि० एगे एव०, वयं पुण एवं वदामो-ता मंदरेवि पवुच्चति तहेव जाव पव्वतराएवि पवुच्चति, ता जे णं पोग्गला सूरियस्स लेसं फुसंति ते पोग्गला सूरियं वरयंति, अदिट्ठावि णं पोग्गला सूरियं वरयंति, चरमलेसंतरगतावि णं पोग्गला सूरियं

॥ श्री चन्द्रप्रज्ञप्त्युपाङ्गम् ॥

३७

पू. सागरजी म. संशोधित

वरयति ॥२८॥ सत्तमं पाहुडं ७॥

ता कहं ते उदयसंठिती आहि०?, तत्थ खलु इमाओ तिणिण पडिवत्तीओ पं०, तत्थेगे एव०-ता जया णं जंबुदीवे दाहिणइढे अट्टारसमुहुत्ते दिवसे भवति तता णं उत्तरइढेवि अट्टारसमुहुत्ते दिवसे भवति, जया णं उत्तरइढे अट्टारसमुहुत्ते दिवसे भवति तथा णं दाहिणइढेवि अट्टारसमुहुत्ते दिवसे भवति, जदा जंबुदीवे दाहिणइढे सत्तरसमुहुत्ते दिवसे भवति तथा णं उत्तरइढे सत्तरसमुहुत्ते दिवसे भवति, जया णं उत्तरइढे सत्तरसमुहुत्ते दिवसे भवति तदा णं दाहिणइढेवि सत्तरसमुहुत्ते दिवसे भवति, एवं परिहावेतव्वं, सोलसमुहुत्ते पण्णारस० चउद० तेरस० दिवसे जाव ता जया णं जंबुदीवे० दाहिणइढे बारसमुहुत्ते दिवसे भवति तथा णं उत्तरइढेवि बारसमुहुत्ते दिवसे भवति जता णं उत्तरइढे बारसमुहुत्ते दिवसे भवति तता णं दाहिणइढेवि बारसमुहुत्ते दिवसे भवति, जता णं दाहिणइढे बारसमुहुत्ते दिवसे भवति तता णं जंबुदीवे मंदरस्स पव्वयस्स पुरच्छिमपच्चत्थिमेणं सता पण्णारसमुहुत्ते दिवसे भवति सदा पण्णारसमुहुत्ता राई भवति, अवट्ठिता णं तत्थ राइंदिया समणाउसो? पं० एगे एव०, एगे पुण०-जता णं जंबुदीवे दाहिणइढे अट्टारसमुहुत्ताणंतरे दिवसे भवति तथा णं उत्तरइढेवि अट्टारसमुहुत्ताणंतरे० दिवसे भवइ, जया णं उत्तरइढे अट्टारसमुहुत्ताणंतरे दिवसे भवइ तता णं दाहिणइढेवि अट्टारसमुहुत्ताणंतरे दिवसे भवइ, एवं परिहावेतव्वं, सत्तरसमुहुत्ताणंतरे दिवसे भवति, सोलसमुहुत्ताणंतरे० पण्णारसमुहुत्ताणंतरे चोदसमुहुत्ताणंतरे० तेरसमुहुत्ताणंतरे०, जया णं जंबुदीवे दाहिणइढे बारसमुहुत्ताणंतरे दिवसे भवति तदा णं

॥ श्री चन्द्रप्रज्ञप्त्युपाङ्गम् ॥

३८

पू. सागरजी म. संशोधित

उत्तरब्देवि बारसमुहुत्ताणंतरे दिवसे भवति, जता णं उत्तरब्दे बारसमुहुत्ताणंतरे दिवसे भवइ तथा णं दाहिणब्देवि बारसमुहुत्ताणंतरे दिवसे भवति तदा णं जंबुद्दीवे मंदरस्स पव्वयस्स पुरत्थिमपच्चत्थिमेणं णो सदा पण्णारसमुहुत्ते दिवसे भवति णो सदा पण्णारसमुहुत्ता राई भवति, अणवट्ठिता णं तत्थ राईंदिया समणाउसो? एगे एव०, एगे पुण० ता जया णं जंबुद्दीवे दाहिणइडे अट्टारसमुहुत्ते दिवसे भवति तदा णं उत्तरब्दे दुवालसमुहुत्ता राई भवति जया णं उत्तरइडे अट्टारसमुहुत्ते दिवसे भवति तदा णं दाहिणइडे बारसमुहुत्ता राई भवइ, जया णं दाहिणइडे अट्टारसमुहुत्ताणंतरे दिवसे भवति तदा णं उत्तरब्दे बारसमुहुत्ता राई भवइ, जता णं उत्तरब्दे अट्टारसमुहुत्ताणंतरे दिवसे भवति तदा णं दाहिणब्दे बारसमुहुत्ता राई भवति एवं सत्तरसमुहुत्ते दिवसे सत्तरसमुहुत्ताणंतरे० सोलसमुहुत्ते सोलसमुहुत्ताणंतरे पण्णारसमुहुत्ते पन्नरसमुहुत्ताणंतरे चोदसमुहुत्ते चोदसमुहुत्ताणंतरे तेरसमुहुत्ते तेरसमुहुत्ताणंतरे बारसमुहुत्ते, ता जता णं जंबुद्दीवे दाहिणब्दे बारसमुहुत्ताणंतरे दिवसे भवति तदा णं उत्तरब्दे दुवालसमुहुत्ता राई भवति, जया णं उत्तरब्दे दुवालसमुहुत्ताणंतरे दिवसे भवति तदा णं दाहिणब्दे दुवालसमुहुत्ता राई भवति, तता णं जंबुद्दीवे मंदरस्स पव्वयस्स पुरत्थिमपच्चत्थिमेणं णेवत्थि पण्णारसमुहुत्ते दिवसे भवति णेवत्थि पण्णारसमुहुत्ता राई भवति, वोच्छिण्णा णं तत्थ राईंदिया पं० समणाउसो! एगे एव०, वयं पुण एवं वदामो ता जंबुद्दीवे सूरिया उदीणपाईणमुग्गच्छ पाईणदाहिणमागच्छंति पाईणदाहिणमुग्गच्छ दाहिणपडीणमागच्छंति दाहिणपडीणमुग्गच्छ पडीणउदीणमागच्छन्ति पडीणउदीणमुग्गच्छ उदीणपाईणमागच्छन्ति, ता जता णं

॥ श्री चन्द्रप्रज्ञप्त्युपाङ्गम् ॥

३९

पू. सागरजी म. संशोधित

जंबुद्वीवे दाहिणद्धे दिवसे भवति तदा णं उत्तरद्धे दिवसे भवति, जता णं उत्तरद्धे दिवसे भवति तदा णं जंबुद्वीवे मंदरस्स पव्वयस्स पुरच्छिमपच्चच्छिमेणं राई भवति, ता जथा णं जंबुद्वीवे मंदरस्स पव्वयस्स पुरत्थिमेणं दिवसे भवति तदा णं पच्चच्छिमेणवि दिवसे भवति, जथा णं पच्चत्थिमेणं दिवसे भवति तदा णं जंबुद्वीवे मंदरस्स पव्वयस्स उत्तरदाहिणेणं राई भवति, ता जथा णं दाहिणद्धेवि उक्कोसए अट्टारसमुहुत्ते दिवसे भवति तथा णं उत्तरद्धे उक्कोसए अट्टारसमुहुत्ते दिवसे भवति, जदा उत्तरद्धे० तदा णं जंबुद्वीवे मंदरस्स पव्वयस्स पुरत्थिमेणं जहण्णिआ दुवालसमुहुत्ता राई भवति, ता जथा णं जंबुद्वीवे मंदरस्स पव्वतस्स पुरच्छिमेणं उक्कोसए अट्टारसमुहुत्ते दिवसे भवति तता णं पच्चत्थिमेणवि उक्कोसए अट्टारसमुहुत्ते दिवसे भवति, जता णं पच्चत्थिमेणं उक्कोसए अट्टारसमुहुत्ते दिवसे भवति तता णं जंबुद्वीवे मंदरस्स पव्वयस्स उत्तरदाहिणेणं जहण्णिआ दुवालसमुहुत्ता राई भवति, एवं एणं गमेणं णेतव्वं, अट्टारसमुहुत्ताणंतरे दिवसे सातिरेगदुवालसमुहुत्ता राई भवति, सत्तरसमुहुत्ते दिवसे तेरसमुहुत्ता राई, सत्तरसमुहुत्ताणंतरे दिवसे भवति सातिरेगतेरसमुहुत्ता राई भवति सोलसमुहुत्ते दिवसे चोदसमुहुत्ता राई भवति सोलसमुहुत्ताणंतरे दिवसे सातिरेगचोदसमुहुत्ता राई भवति, पण्णारसमुहुत्ते दिवसे पण्णारसमुहुत्ता राई पण्णारसमुहुत्ताणंतरे दिवसे सातिरेगपण्णारसमुहुत्ता राई भवइ चउदसमुहुत्ते दिवसे सोलसमुहुत्ता राई चोदसमुहुत्ताणंतरे दिवसे सातिरेगसोलसमुहुत्ता राई तेरसमुहुत्ते दिवसे सत्तरसमुहुत्ता राई तेरसमुहुत्ताणंतरे दिवसे सातिरेगसत्तरसमुहुत्ता राई जहण्णए दुवालसमुहुत्ते दिवसे भवति उक्कोसिया अट्टारसमुहुत्ता राई, तता णं उत्तरद्धे जहन्नए दुवालसमुहुत्ते

॥ श्री चन्द्रप्रज्ञप्त्युपाङ्गम् ॥

४०

पू. सागरजी म. संशोधित

दिवसे भवति, जता णं उत्तरइढे जह० दुवालस० दिवसे तता णं जंबुद्दीवे मंदरस्स पुरच्छिमपच्चच्छिमेणं उक्कोसिया अट्टारस० राती भवति, ता जया णं जंबुद्दीवे मंदरस्स पुरच्छिमेणं जह० दुवालस० दिवसे भवति तता णं पच्चच्छिमेणं जह० दुवालस० दिवसे भवति, जता णं पच्चच्छिमेणं जह० दुवालस० दिवसे तता णं जंबुद्दीवे दीवे मंदरस्स उत्तरदाहिणेणं उक्कोसिया अट्टारस० राती भवति, ता जया णं जंबुद्दीवे दाहिणद्धे वासाणं पढमे समए पडिवज्जति तता णं उत्तरद्धेवि वासाणं पढमे समए पडिवज्जति, जता णं उत्तरद्धे वासाणं पढमे समए पडिवज्जति तता णं जंबुद्दीवे मंदरस्स पव्वयस्स पुरच्छिमपच्चत्थिमेणं अणंतरपुरक्खडकालसमयंसि वासाणं पढमे समए पडिवज्जइ, ता जया णं जंबुद्दीवे मंदरस्स पव्वयस्स पुरच्छिमेणं वासाणं पढमे समए पडिवज्जइ तता णं पच्चत्थिमेणवि वासाणं पढमे समए पडिवज्जइ, जया णं पच्चत्थिमेणं वासाणं पढमे समए पडिवज्जइ तता णं जंबुद्दीवे मंदरस्स उत्तरदाहिणेणं अणंतरपच्छाकयकालसमयंसि वासाणं पढमे समए पडिवज्जणे भवति, जहा समओ एवं आवलिया आणापाप्पू थोवे लवे मुहुत्ते अहोरत्ते पक्खे मासे उऊ, एवं दस आलावगा वासाणं भाणियव्वा, ता जया णं जंबुद्दीवे० दाहिणइढे हेमंताणं पढमे समए पडिवज्जति तता णं उत्तरइढेवि हेमंताणं पढमे समए पडिवज्जति एतस्सवि वासस्स आलावगा जाव उऊओ, ता जया णं जंबुद्दीवे दाहिणद्धे गिम्हाणं पढमे समए पडिवज्जति तता णं उत्तरइढे एतस्सवि वासागमो भाणियव्वो जाव उऊओ, ता जता णं जंबुद्दीवे दाहिणद्धे पढमे अयणे पडिवज्जति तदा णं उत्तरद्धेवि पढमे अयणे पडिवज्जइ, जता णं उत्तरद्धे पढमे अयणे पडिवज्जति

॥ श्री चन्द्रप्रज्ञप्त्युपाङ्गम् ॥

४९

पू. सागरजी म. संशोधित

तदा णं दाहिणद्धेवि पढमे अयणे पडिवज्जइ, जता णं उत्तरद्धे पढमे अयणे पडिवज्जति तता णं जंबुद्दीवे मंदरस्स पव्वयस्स पुरत्थिमपच्चत्थिमेणं अणंतरपुरक्खडकालसमयंसि पढमे अयणे पडिवज्जति, ता जया णं जंबुद्दीवे मंदरस्स पव्वयस्स पुरत्थिमेणं पढमे अयणे पडिवज्जति तता णं पच्चत्थिमेणवि पढमे अयणे पडिवज्जइ, जया णं पच्चत्थिमेणं पढमे अयणे पडिवज्जइ तदा णं जंबुद्दीवे मंदरस्स पव्वयस्स उत्तरदाहिणेणं अणंतरपच्छाकडकालसमयंसि पढमे अयणे पडिवणणे भवति, एवं संवच्छे जुगे वाससते, एवं वाससहस्से वाससयसहस्से पुव्वंगे पुव्वे एवं जाव सीसपहेलिया पलितोवमे सागरोवमे, ता जया णं जंबुद्दीवे दाहिणद्धे ओसप्पिणी पडिवज्जति तता णं उत्तरद्धेवि ओसप्पिणी पडिवज्जति, जता णं उत्तरद्धे ओसप्पिणी पडिवज्जति तता णं जंबुद्दीवे मंदरस्स पव्वयस्स पुरत्थिमपच्चत्थिमेणं णेवत्थि ओसप्पिणी णेव अत्थि उस्सप्पिणी. अवद्धिते णं तत्थ काले पं० समणाउसो!, एवं उस्सप्पिणीवि, ता जया णं लवणे समुदे दाहिणद्धे दिवसे भवति तता णं लवणसमुदे उत्तरद्धे दिवसे भवति, जता णं उत्तरद्धे दिवसे भवति, तता णं लवणसमुदे पुरच्छिमपच्चत्थिमेणं राई भवति. जहा जंबुद्दीवे तहेव जाव उस्सप्पिणी. तहा धायइसंडे णं दीवे सूरिया उदीण० तहेव, ता जता णं धायइसंडे दीवे दाहिणद्धे दिवसे भवति तता णं उत्तरद्धेवि दिवसे भवति, जता णं उत्तरद्धे दिवसे भवति तता णं धायइसंडे दीवे मंदराणं पव्वताणं पुरत्थिमपच्चत्थिमेणं राई भवति, एवं जंबुद्दीवे जहा तहेव जाव उस्सप्पिणी, कालोए णं जहा लवणे समुदे तहेव, ता अब्भंतरपुक्खरद्धे णं सूरिया उदीणपाईणमुग्गच्छ तहेव ता जया णं अब्भंतरपुक्खरद्धे

॥ श्री चन्द्रप्रज्ञप्त्युपाङ्गम् ॥

४२

पू. सागरजी म. संशोधित

णं दाहिणद्धे दिवसे भवति तदा णं उत्तरद्धे दिवसे भवति, जता णं उत्तरद्धे दिवसे भवति तता णं अब्भिंतरपुक्खरद्धे मंदराणं पव्वत्ताणं पुरत्थिमपच्चत्थिमेणं राई भवति सेसं जहा जंबुद्दीवे तहेव जाव ओसप्पिणीउस्सप्पिणीओ ॥२९॥ अट्ठमं पाहुडं ८॥

ता कतिकट्ठं ते सूरिए पोरिसीच्छायं णिव्वत्तेति आहि०?, तत्थ खलु इमाओ तिणिण पडिवत्तीओ पं०, तत्थेगे एव०-जे णं पोग्गला सूरियस्स लेसं फुसंति ते णं पोग्गला संतप्पंति, ते णं पोग्गला संतप्पमाणा तदणंतराई बाहिराई पोग्गलाई संतावेतीति एस णं से समिते तावक्खेत्ते एगे एव०, एगे पुण०.ता जे णं पोग्गला सूरियस्स लेसं फुसंति ते णं पोग्गला नो संतप्पंति, ते णं पोग्गला असंतप्पमाणा तदणंतराई बाहिराई पोग्गलाई णो संतावेतीति एस णं से समिते तावक्खेत्ते एगे एव०, एगे पुण०.ता जे णं पोग्गला सूरियस्स लेसं फुसंति ते णं पोग्गला अत्थेगतिया संतप्पंति अत्थेगतिया णो संतप्पंति, तत्थ अत्थेगइआ संतप्पमाणा तदणंतराई बाहिराई पोग्गलाई अत्थेगतियाई संतावेतीति अत्थेगतियाई णो संतावेतीति एस णं से समिते तावक्खेत्ते एगे एव०, वयं पुण एवं वदामो-ता जाओ इमाओ चंदिमसूरियाणं देवाणं विमाणोहितो लेसाओ बहिया उच्छुढा अभिणिसट्ठाओ पतावंति एतासिं णं लेसाणं अंतरेसु अण्णतरीओ छिण्णलेसाओ संमुच्छंति, तते णं ताओ छिण्णलेसाओ संमुच्छियाओ समाणीओ तदणंतराई बाहिराई पोग्गलाई संतावेतीति एस णं से समिते तावक्खेत्ते ॥३०॥ ता कतिकट्ठं ते सूरिए पोरिसीच्छायं णिव्वत्तेति आहि०?, तत्थ खलु इमाओ पणवीसं पडिवत्तीओ पं०, तत्थेगे एव०. ता अणुसमयमेव सूरिए पोरिसिच्छायं णिव्वत्तेइ आहि० एगे एव०, एगे

॥ श्री चन्द्रप्रज्ञप्त्युपाङ्गम् ॥

४३

पू. सागरजी म. संशोधित

पुण०. ता अणुमुहुत्तमेव सूरिए पोरिसिच्छायं णिव्वत्तेति आहि एतेण अभिलावेणं णेतव्वं, ता जाओ चेव ओयसंठितीए पणवीसं पडिवत्तीओ ताओ चेव णेतव्वाओ जाव अणुउस्सप्पिणीमेव सूरिए पोरिसीए छांयं णिव्वत्तेति आहि० एगे०. वयं पुण एवं वदामो- ता सूरियस्स णं उच्चत्त व लेस च पडुच्च छाउद्देसे उच्चत्तं च छांयं च पडुच्च लेसुद्देसे लेसं च छांयं च पडुच्च उच्चत्तोद्देसे, तत्थ खलु इमाओ दुवे पडिवत्तीओ पं०, तत्थेगे एवमाहंसु-ता अत्थि णं से दिवसे जंसि णं दिवसंसि सूरिए चउपोरिसीच्छायं निव्वत्तेइ, अत्थि ण से दिवसे जंसि णं दिवसंसि सूरिए दुपोरिसीच्छायं णिव्वत्तेति एगे एव०, एगे पुण०-ता अत्थि णं से दिवसे जंसि णं दिवसंसि सूरिए दुपोरिसीच्छायं णिव्वत्तेति अत्थि णं से दिवसे जंसि णं दिवसंसि सूरिए नो किंचि पोरिसिच्छायं णिव्वत्तेति, तत्थ जे ते एव० ता अत्थि णं से दिवसे जंसि णं दिवसंसि सूरिए चउपोरिसियं छांयं णिव्वत्तेति अत्थि णं से दिवसे जंसि णं दिवसंसि सूरिए दोपोरिसियं छांयं निव्वत्तेइ ते एव०-ता जता णं सूरिए सव्वब्भंतरं मंडलं उवसंकमिन्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिणा दुवालसमुहुत्ता राई भवति, तंसिं च णं दिवसंसि सूरिए चउपोरिसीयं छांयं निव्वत्तेति, ता उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं णिव्वुड्ढेमाणे, ता जता णं सूरिए सव्वबाहिरं मंडलं उवसंकमिन्ता चारं चरति तता णं उत्तमकट्टपत्ता उक्कोसिया अट्टारसमुहुत्ता राई भवति जहण्णाए दुवालसमुहुत्ते दिवसे भवति, तंसिं च णं दिवसंसि सूरिए दुपोरिसियं छांयं निव्वत्तेइ, तं०-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव

णं निवुड्ढेमाणे, तत्थ णं जे ते एव०-ता अत्थि णं से दिवसे जंसि णं दिवसंसि सूरिए दुपोरिसियं छांयं णिव्वत्तेइ अत्थि णं से दिवसे जंसि णं दिवसंसि सूरिए णो किंचि पोरिसियं छांयं णिव्वत्तेति ते एव०-ता जता णं सूरिए सव्वब्भंतरं मंडलं उवसंकमिन्ता चारं चरति तता णं उत्तमकट्ठपत्ते उक्कोसए अट्टारसमुहुत्ते दिवसे भवति जहण्णिणा दुवालसमुहुत्ता राई भवति तंसिं च णं दिवसंसि सूरिए दुपोरिसियं छांयं णिव्वत्तेति, तं०-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे णो चेव णं णिव्वुड्ढेमाणे, ता जया णं सूरिए सव्वबाहिरं मंडलं उवसंकमिन्ता चारं चरति तता णं उत्तमकट्ठपत्ता उक्कोसिया अट्टारसमुहुत्ता राई भवति जहण्णए दुवालसमुहुत्ते दिवसे भवति तंसिं च णं दिवसंसि सूरिए णो किंचि पोरिसीछायं णिव्वत्तेति, तं०-उग्गमणमुहुत्तंसि य अत्थमणमुहुत्तंसि य. नो चेव णं लेसं अभिवड्ढेमाणे वा निवुड्ढेमाणे वा, ता कड्कट्ठं ते सूरिए पोरिसीच्छायं निव्वत्तेइ आहि०?, तत्थ इमाओ छण्णउई पडिवत्तीओ पं०, तत्थेगे एव०-अत्थि णं से देसे जंसि णं देसंसि सूरिए एगपोरिसीछायं निव्वत्तेइ एगे एव०, एगे पुण०-ता अत्थि णं से देसे जंसि देसंसि सूरिए दुपोरिसियं छांयं णिव्वत्तेति, एवं एतेणं अभिलावेणं णेतव्वं, जाव छण्णउत्तिपोरिसियं छांयं णिव्वत्तेति, तत्थ जे ते एव० ता अत्थि णं से देसे जंसि णं देसंसि सूरिए एगपोरिसियं छांयं णिव्वत्तेति ते एव० ता सूरियस्स णं सव्वहेट्ठिमातो सूरप्पडिहीतो बहिया अभिणिसट्ठाहिं लेसाहिं ताडिज्जमाणीहिं इमीसे रयणप्पभाए पुढवीए बहुसमरमणिज्जाओ भूमिभागाओ जावतियं सूरिए उड्ढंउच्चत्तेणं एवतियाए एगाए अब्बाए छायाणुमाणप्पमाणेणं उमाए तत्थ से सूरिए एगपोरिसीयं

॥ श्री चन्द्रप्रज्ञप्त्युपाङ्गम् ॥

४५

पू. सागरजी म. संशोधित

छायं णिव्वत्तेति, तत्थ जे ते एव०.ता अत्थि णं से देसे जंसि णं देसंसि सूरिए दुपोरिसिच्छायं णिव्वत्तेति ते एव०.ता सूरियस्स णं सव्वहेट्ठिमातो सूरियपडिधीतो बहिया अभिणिसट्ठिताहिं लेसाहिं ताडिज्जमाणीहिं इमीसे रयणप्पभाए पुढवीए बहुसमरमणिज्जातो भूमिभागातो जावतियं सूरिए उड्ढंउच्चत्तेणं एवतियाहिं दोहिं अब्बाहिं दोहिं छायाणुमाणप्पमाणेहिं उमाए एत्थ णं से सूरिए दुपोरिसियं छायं णिव्वत्तेति, एवं एक्केक्काए पडिवत्तीए भाणितव्वं जाव छण्णउत्तिमा पडिवत्ती एगे०, वयं पुण एवं वदामो-सातिरेगअउणट्ठिपोरिसीणं सूरिए पोरिसीछायं णिव्वत्तेति, अवद्धपोरिसी णं छाया दिवसस्स किं गते वा सेसे वा ?, ता तिभागे गते वा सेसे वा, ता पोरिसीणं छाया दिवसस्स किं गते वा सेसे वा ?, ता चउब्भागे गते वा सेसे वा, ता दिवद्धपोरिसीणं छाया दिवसस्स किं गते वा सेसे वा ?, ता पंचमभागे गते वा सेसे वा, एवं अब्दपोरिसिं छोढुं पुच्छा दिवसस्स भागं छोढुं वाकरणं जाव ता अब्दअउणासट्ठिपोरिसीछाया दिवसस्स किं गते वा सेसे वा ?, ता एगुणवीससत्तभागे गते वा सेसे वा, ता अउणसट्ठिपोरिसीणं छाया दिवसस्स किं गते वा सेसे वा?, वीससयभागे गते वा सेसे वा, ता सातिरेगअउणसट्ठिपोरिसीणं छाया दिवसस्स किं गते वा सेसे वा ?, णत्थि किंचि गते वा सेसे वा, तत्थ खलु इमा पणवीसनिविट्ठा छाया पं० तं०- खंभच्छाया रज्जु० पागार० पासाय० उत्तर० उच्चत्त० अणुलोम० पडिलोम० आरुभिता उवहिता समा पडिहता खीलच्छाया पक्खच्छाया पुरतोउदग्गा पिट्ठओउदग्गा पुरिमकंठभागोवगता पच्छिमकंठभाओवगता छायाणुवादिणी किट्ठाणुवादिणीछाया छायाछाया छायाविकप्पो वेहासच्छाया सगड० (कडच्छाया)

॥ श्री चन्द्रप्रज्ञप्त्युपाङ्गम् ॥

४६

पू. सागरजी म. संशोधित

गोलच्छाया, तत्थ णं गोलच्छाया अट्टविहा पं० तं०-गोलच्छाया अवद्धगोलच्छाया गोलगोल० अवद्धगोलगोल० गोलावलि०
अवद्धगोलावलि० गोपुंज० अवद्धगोलपुंज० ॥३१॥ णवमं पाहुडं १॥

ता जोगेति वत्थुस्स आवलियाणिवाते आहि०, ता कहं ते जोगेति वत्थुस्स आवलियाणिवाते आहि०?, तत्थ खलु इमाओ
पंच पडिवत्तीओ पं०, तत्थेगे एव० ता सव्वेवि णं णक्खत्ता कत्तियादिया भरणिपज्जवसाणा एगे एव० एगे पुण० ता सव्वेवि
णं णक्खत्ता महादीया अस्सेसापज्जवसाणा पं० एगे एव०, एगे पुण०-ता सव्वेवि णं णक्खत्ता धणिट्ठादीया सवणपज्जवसाणा
पं० एगे एव०, एगे पुण०-ता सव्वेवि णं णक्खत्ता अस्सिणीआदीया रेवतिपज्जवसाणा पं० एगे एव०, एगे पुण०-सव्वेवि णं
णक्खत्ता भरणीआदिया अस्सिणीपज्जवसाणा एगे एव०, वयं पुण एवं वदामो-सव्वेवि णं णक्खत्ता अभिइआदीया
उत्तरासाढापज्जवसाणा पं० तं०- अभिइ सवणो धणिट्ठा सतभिसया पुव्वभद्ववता उत्तरभद्ववया रेवती अस्सिणी भरणी कत्तिया
रोहिणी मिगसिरं अद्वा पुणव्वसू पुस्सो असिलेसा महा पुव्वा फग्गुणी उत्तरा फग्गुणी हत्थो चित्ता साती विसाहा अनुराहा जेड्ढा
मूलो पुव्वासाढा उत्तरासाढा ॥३२॥ १०-१॥

ता कहं ते मुहुत्तगे आहि०?, ता एतेसिं णं अट्ठावीसाए णक्खत्ताणं अत्थिं णक्खत्ते जे णं णव मुहुत्ते सत्तावीसं च सत्तट्ठिभागे
मुहुत्तस्स चंदेणं सद्धिं जोयं जोएति, अत्थिं णक्खत्ता जे णं पण्णारसमुहुत्ते चंदेणं सद्धिं जोयं जोएति, अत्थिं णक्खत्ता जे णं

॥ श्री चन्द्रप्रज्ञप्त्युपाङ्गम् ॥

તીસં, અત્થિ ણક્ષત્તા જે ણં પળતાલીસં મુહત્તે ચંદેણં સદ્ધિં જોયં જોએતિ, તા એસિં ણં અઢાવીસાએ નક્ષત્તાણં કયરે નક્ષત્તે જે ણં નવ મુહત્તે સત્તાવીસં ચ સત્તઢિભાએ મુહત્તસ્સ ચંદેણં સદ્ધિં જોએતિ ? કયરે નક્ષત્તા જે ણં પળ્ળારસમુહત્તે કતરે નક્ષત્તા જે ણં તીસં મુહત્તે ચંદેણં કતરે નક્ષત્તા જે ણં પળયાલીસં મુહત્તે, તા એસિં ણં અઢાવીસાએ ણક્ષત્તાણં તત્થ જે સે ણક્ષત્તે જે ણં ણવ મુહત્તે સત્તાવીસં ચ સત્તઢિભાગે મુહત્તસ્સ ચંદેણં સે ણં એગે અભીયી, તત્થ જે તે ણક્ષત્તા જે ણં પળ્ળારસ મુહત્તે ચંદેણં તે ણં છ, તં-સત્તઢિસયા ભરણી અદ્દા અસ્સેસા સાતી જેઢા, તત્થ જે તે ણક્ષત્તા જે ણં તીસં મુહત્તે ચંદેણં તે પળ્ળારસ, તં-સવળે ઘણિઢ્ઠા પુવ્વા ભદ્ધવતા રેવતી અસ્સિણી કત્તિયા મળ્ગસિરં પુસ્સો મહા પુવ્વા ફળ્ગુળી હત્થો ચિત્તા અળ્ણરાહા મૂલો પુવ્વાસાઢા, તત્થ જે તે ણક્ષત્તા જે ણં પળતાલીસં મુહત્તે ચંદેણ સદ્ધિં જોગં જોએતિ તે ણં છ. તં. ઉત્તરા ભદ્ધપદા રોહિણી પુળવ્વસૂ ઉત્તરા ફળ્ગુળી વિસાહા ઉત્તરાસાઢા ૧૩૩ તા એતસિં ણં અઢાવીસાએ ણક્ષત્તાણં અત્થિ ણક્ષત્તે જે ણં ચત્તારિ અહોરત્તે છચ્ચ મુહત્તે સૂરેણ સદ્ધિં જોયં જોએતિ, અત્થિ ણક્ષત્તા જે ણં છ અહોરત્તે એકવીસં ચ મુહત્તે સૂરેણં અત્થિ ણક્ષત્તા જે ણં તેરસ અહોરત્તે બારસ ય મુહત્તે સૂરેણં અત્થિ ણક્ષત્તા જે ણં વીસં અહોરત્તે તિળ્ણિ ય મુહત્તે, તા એતેસિં ણં અઢાવીસાએ ણક્ષત્તાણં કતરે ણક્ષત્તે જે ણં ચત્તારિ અહોરત્તે છચ્ચ મુહત્તે સૂરેણં કતરે ણક્ષત્તે જે ણં છ અહોરત્તે એકવીસં મુહત્તે સૂરેણં કતરે ણક્ષત્તા જે ણં તેરસ અહોરત્તે બારસ ય મુહત્તે સૂરેણં કતરે ણક્ષત્તા જે ણં વીસં અહોરત્તે તિળ્ણિ ય મુહત્તે સૂરેણં?, એતેસિં ણં અઢાવીસાએ

॥ શ્રી ચન્દ્રપ્રજ્ઞપ્ત્યુપાઙ્ગમ્ ॥

૪૮

પૂ. સાગરજી મ. સંશોધિત

णक्खत्ताणं तत्थ जे से णक्खत्ते जे णं चत्तारि अहोरत्ते छच्च मुहुत्ते सूरेंण० से णं एगे अभीयी, एवं उच्चारेयव्वाइं जाव तत्थ जे ते णक्खत्ता जे णं वीसं अहोरत्ते तिण्णि य मुहुत्ते सूरेंण सद्धिं जोयं जोएंति ते णं छ, तं०- उत्तरा भद्रवता जाव उत्तरासाढा ॥३४॥१०.२॥

ता कहं ते एवंभागा आहि०?, ता एतेसिं णं अट्ठावीसाए णक्खत्ताणं अत्थि णक्खत्ता पुव्वंभागा समखेत्ता तीसतिमुहुत्ता पं०, अत्थि णक्खत्ता पच्छंभागा समखेत्ता तीसमुहुत्ता पं०?, अत्थि णक्खत्ता णत्तंभागा अवड्ढखेत्ता पण्णरसमुहुत्ता पं०, अत्थि णक्खत्ता उभयंभागा दिवड्ढखेत्ता पणतालीसं मुहुत्ता पं०, ता एएसिं णं अट्ठावीसाए णक्खत्ताणं कतरे णक्खत्ता पुव्वंभागा समखेत्ता तीसतिमुहुत्ता पं०, कतरे णक्खत्ता पच्छंभागा समखेत्ता तीसमुहुत्ता पं० कतरे णक्खत्ता णत्तंभागा अवड्ढखेत्ता पण्णरसमुहुत्ता पं० कतरे णक्खत्ता उभयंभागा दिवड्ढखेत्ता पणतालीसतिमुहुत्ता पं०?, ता एतेसिं णं अट्ठावीसाए णक्खत्ताणं तत्थ जे ते णक्खत्ता पुव्वंभागा समखेत्ता तीसतिमुहुत्ता पं० ते णं छ, तं०-पुव्वा पोट्टवता कत्तिया मघा पुव्वा फग्गुणी मूलो पुव्वासाढा, तत्थ जे ते णक्खत्ता पच्छंभागा समखेत्ता तीसतिमुहुत्ता पं० ते णं दस, तं०-अभिई सवणो धणिट्ठा रेवती अस्सिणी भिगसिं पूसो हत्थो चित्ता अणुराधा, तत्थ जे ते णक्खत्ता णत्तंभागा अवड्ढखेत्ता पण्णरसमुहुत्ता पं० ते णं छ, तं०-सयभिसया भरणी अह्वा अस्सेसा साती जेट्ठा, तत्थ जे ते णक्खत्ता उभयंभागा दिवड्ढखेत्ता पणतालीसं मुहुत्ता पं० ते णं छ, तं०- उत्तरा पोट्टवता

॥ श्री चन्द्रप्रज्ञप्त्युपाङ्गम् ॥

४९

पू. सागरजी म. संशोधित

रोहिणी पुणव्वसू उत्तरा फगुणी विसाहा उत्तरासाढा ॥३५॥१०.३ ॥

ता कहं ते जोगस्स आदी आहि०?, ता अभियीसवणा खलु दुवे णक्खत्ता पच्छाभागा समखित्ता सातिरेगऊतालीसतिमुहुत्ता तप्पढमयाए सायं चंदेण सद्धिं जोयं जोएति, ततो पच्छा अवरं सातिरेयं दिवसं, एवं खलु अभिईसवणा दुवे णक्खत्ता एगराई एगं च सातिरेगं दिवसं चंदेण सद्धिं जोगं जोएति ता जोयं अणुपरियट्ठंति ता सायं चंदं धणिट्ठाणं समप्पंति, ता धणिट्ठा खलु णक्खत्ते पच्छंभागे समक्खत्ते तीसतिमुहुत्ते तप्पढमयाए सायं चंदेण सद्धिं जोगं जोएति ता जोयं० ता ततो पच्छा राई अवरं च दिवसं, एवं खलु धणिट्ठाणक्खत्ते एगं च राई एगं च दिवसं चंदेण सद्धिं जोयं जोएति ता जोयं अणुपरियट्ठेति ता सायं चंदं सतभिसयाणं समप्पेति, ता सयभिसया खलु णक्खत्ते णत्तंभागे अवड्ढखेत्ते पण्णरसमुहुत्ते तप्पढमयाए सायं चंदेण सद्धिं जोयं जोएति णो लभति अवरं दिवसं, एवं खलु सयभिसया णक्खत्ते एगं राई चंदेण सद्धिं जोयं जोएति ता जोयं अणुपरियट्ठंति ता ता चंदं पुव्वाणं पोट्ठवताणं समप्पेति, ता पुव्वा पोट्ठवता खलु नक्खत्ते पुव्वंभागे समक्खत्ते तीसतिमुहुत्ते तप्पढमयाए पातो चंदेण सद्धिं जोयं जोएति ततो पच्छा अवरराई, एवं खलु पुव्वा पोट्ठवता णक्खत्ते पुव्वंभागे समक्खत्ते तीसमुहुत्ते एगं च दिवसं एगं च राई चंदेण सद्धिं जोयं जोएति ता जोयं अणुपरियट्ठंति ता पातो चंदं उत्तरापोट्ठवताणं समप्पेति, ता उत्तरापोट्ठवता खलु नक्खत्ते उभयंभागे दिवड्ढखेत्ते पणतालीस मुहुत्ते तप्पढमयाए पातो चंदेण सद्धिं जोयं जोएति अवरं च रातिं ततो पच्छा अवरं दिवसं,

॥ श्री चन्द्रप्रज्ञप्युपाङ्गम् ॥

५०

पू. सागरजी म. संशोधित

एवं खलु उत्तरापोढवता णक्खत्ते एगं दिवसं एगं च राइं अवरं च दिवसं चंदेण सद्धिं जोयं जोएति ता जोयं अणुपरियट्ठति ता सायं चंदं रेवतीणं समप्पेति, ता रेवती खलु णक्खत्ते पच्छंभागे सम० जहा धणिट्ठा जाव सागं चंदं अस्सिणीणं समप्पेति, ता अस्सिणी खलु णक्खत्ते पच्छिमभागे तमखेत्ते तीसतिमुहुत्ते तप्पढभताए सागं चंदेण सद्धिं जोयं जोएति, ततो पच्छा अवरं दिवसं, एवं खलु अस्सिणीणक्खत्ते एगं च राइं एगं च दिवसं चंदेण सद्धिं जोयं जोएति ता जोगं अणुपरियट्ठइ ता सागं चंदं भरणीणं समप्पेति, ता भरणी खलु णक्खत्ते णत्तंभागे अवड्ढखेत्ते जहा सतभिसया जाव पादो चंदं कत्तियाणं समप्पेति, एवं जहा सयभिसया तहा नत्तंभागा नेयव्वा, एवं जहा पुव्वभद्वता तहेव पुव्वंभागा छप्पि णेयव्वा, जहा धणिट्ठा तहा पच्छंभागा अट्ठ णेयव्वा जाव एवं खलु उत्तरासाढा दो दिवसे एगं च रातिं चंदेण सद्धिं जोगं जोएति ता जोगं अणुपरियट्ठति ता सायं चंदं अभितिसमणाणं समप्पेति ॥३६॥१०-४॥

ता कहं ते कुला आहि० ?, तत्थ खलु इमे बारस कुला बारस उवकुला चत्तारि कुलोवकुला पं०, बारस कुला तं०- धणिट्ठाकुलं उत्तराभद्वता० अस्सिणी० कत्तिया० मगसिरं० पुस्सो० महा० उत्तराफग्गुणी० चित्ता० विसाहा० मूलो० उत्तरासाढाकुलं, बारस उवकुला तं० सवणो उवकुलं पुव्वपोढवता० रेवती० भरणी० रोहिणी० पुणव्वसु० अस्सेसा० पुव्वाफग्गुणी० हत्थो० साती० जेड्ढा० पुव्वा साढा०, चत्तारि कुलोवकुला तं०- अभीयीकुलोवकुलं सतभिसया० अहा० अणुराधाकुलोवकुलं ॥३७॥१०-५॥

॥ श्री चन्द्रप्रज्ञप्त्युपाङ्गम् ॥

५१

पू. सागरजी म. संशोधित

ता कहं ते पुण्णिमासिणी आहि०?, तत्थ खलु इमाओ बारस पुण्णिमासिणीओ बारस अमावासाओ पं० साविट्ठी पोडवती आसोई कत्तिया मग्गसिरी पोसी माही फग्गुणी चेत्ती विसाही जेडामूली आसाढी, ता साविट्ठिणं पुण्णमासिं कति णक्खत्ता जोएंति?, ता तिण्णि णक्खत्ता जोइंति, तं०- अभिई सवणो धणिट्ठा, ता पुडवतीणं पुण्णिमं कति णक्खत्ता जोएंति ?, ता तिन्नि नक्खत्ता जोयंति, तं०- सतभिसया पुव्वापुडवत्ता उत्तरापुडवत्ता, ता आसोदिणं कति णक्खत्ता जोएंति ?, ता दोण्णि णक्खत्ता जोएंति, तं०- रेवती य अस्सिणी य, कत्तियणं पुण्णिमं पुच्छा, ता दोण्णि णक्खत्ता जोएंति तं०- भरणी कत्तिया य, एएणं अभिलावेणं मग्गसिरी० दोण्णि तं० - रोहिणी मग्गसिरो य, पोसिणं तिन्नि तं०- अद्दा पुणव्वसू पुस्सो, माहिणं दोण्णि तं०- अस्सेसा महा य, फग्गुणीणं दोण्णि तं०- पुव्वाफग्गुणी उत्तराफग्गुणी य, चित्तिणं दोण्णि तं०. हत्थो चित्ता य, ता विसाहिणं दोण्णि सात्ती विसाहा य, जेडामूलिणं तिण्णि अणुराहा जेडा मूलो, आसाढिणं दोन्नि पुव्वासाढा उत्तरासाढा ।३८। ता साविट्ठिणं पुण्णमासिणिं किं कुलं जोएति उवकुलं जो० कुलोवकुलं जोएति ?, ता कुलं वा० उवकुलं वा० कुलोवकुलं वा जोएति, कुलं जोएमाणे धणिट्ठाणक्खत्ते० उवकुलं जोएमाणो सवणे णक्खत्ते० कुलोवकुलं जोएमाणे अभिईणक्खत्ते जोएति, साविट्ठि पुण्णिमं कुलं वा० उवकुलं वा० कुलोवकुलं वा जोएति कुलेण वा उवकुलेण वा कुलोवकुलेण वा जुत्ता साविट्ठी पुण्णिमा जुत्ताति वत्तव्वं सिया, ता पोडवतिणं पुण्णिमं किं कुलं ? तहेव पुच्छा, ता कुलं वा० उवकुलं वा० कुलोवकुलं वा जोएति, कुलं जोएमाणे

॥ श्री चन्द्रप्रज्ञप्त्युपाङ्गम् ॥

५२

पू. सांगरजी म. संशोधित

उत्तरा पोढवया णक्खत्ते जोएति उवकुलं जोएमाणे पुव्वा पुढवता णक्खत्ते जोएति कुलोवकुलं, जोएमाणे सतभिसया णक्खत्ते जोएति, ता पोढवतिं कुलं वा उवकुलं वा कुलोवकुलं वा जोएति तं चेव जाव पुढवती पुण्णिमा जुत्ताति वत्तव्वं सिया, ता आसोइं णं पुण्णमासिणिं किं कुलं पुच्छा, णो लभति कुलोवकुलं कुलं जोएमाणे अस्सिणी णक्खत्ते जोएति उवकुलं जोएमाणे रेवतीणक्खत्ते जोएति, आसोइं णं पुण्णिमं च कुलं वा उवकुलं वा जोएति, कुलेण वा जुत्ता उवकुलेण वा जुत्ता अस्सोईं पुण्णिमा जुत्ताति वत्तव्वं सिया, एवं एएणं अभिलावेणं णेतव्वाउ पोसं पुण्णिमं जेढ्ढामूलिं पुण्णिमं च कुलोवकुलाइं भाणियव्वाइं सेसासु णत्थि कुलोवकुलं, जाव आसाढीपुन्नमासिणी जुत्ताति वत्तव्वं सिया, दुवालस अमावासाओ सावट्ठी जाव आसाढी, ता साविट्ठिं णं अमावासं कति णक्खत्ता जोएति?, दुन्नि नक्खत्ता जोएति, तं०-अस्सेसा य महा य, एवं एतेणं अभिलावेणं णेतव्वं, पोढवतीं दोन्नि तं०-पुव्वा फग्गुणी उत्तरा फग्गुणी, अस्सोइं दोन्नि हत्थो चित्ता य, कत्तिइं दोन्नि साती विसाहा य, मग्गसिरं तिन्नि अणुराधा जेढ्ढा मूलो, पोसिं दोन्नि पुव्वासाढा उत्तरासाढा, माहिं तिन्नि अभीयी सवणो धणिट्ठा, फग्गुणीं तिण्णि सतभिसया पुव्वापोढवता उत्तरापोढवता, चेत्तिं तिन्नि उत्तरा भद्वता रेवती अस्सिणी विसाहिं दोण्णि भरणी कत्तिया य जेढ्ढामूलिं रोहिणी मग्गसिरं च, ता आसाढिं णं अमावासं कति णक्खत्ता जोएति?, ता तिण्णि तं०- अद्दा पुणव्वसू पुस्सो, ता साविट्ठिं णं अमावासं किं कुलं पुच्छा?, कुलं वा० उवकुलं वा० नो लब्भइ कुलोवकुलं, कुलं जोएमाणे महाणक्खत्ते जोएति उवकुलं जोएमाणे असिलेसा जोएइ,

॥ श्री चन्द्रप्रज्ञप्त्युपाङ्गम् ॥

५३

पू. सागरजी म. संशोधित

कुलेण वा जुत्ता उवकुलेण वा जुत्ता साविट्ठी अमावासा जुत्ताति वत्तव्वं सिया, एवं मग्गसिरीए माहीए फग्गुणीए आसाढीए य अमावासाए कुलोवकुलं भाणियव्वं, सेसाणं कुलोवकुलं नत्थि । ३९॥१०-६॥

ता कहं ते सण्णिवाते आहि०?, ता जया णं साविट्ठी पुण्णिमा भवति तता णं माही अमावासा भवति जया णं माही पुण्णिमा भवति तता णं साविट्ठी अमावासा भवति, जता णं पुट्टवती पुण्णिमा भवति तता णं फग्गुणी अमावासा भवति जया णं फग्गुणी पुण्णिमा भवति तता णं पुट्टवती अमावासा भवति, एवं एएणं अभिलावेणं आसोइए चेत्तीए य कत्तीए वेसाहीए मग्गसिराए जेड्ढामूलीए य, जता णं पोसी पुण्णिमा भवति तता णं आसाढी अमावासा भवति जता णं आसाढी पुण्णिमा भवति तता णं पोसी अमावासा भवति । ४०॥१०-७॥

ता कहं ते नक्खत्तसंठिती आहि०?, ता एएसिं णं अट्ठावीसाए णक्खत्ताणं अभीयी गोसीसावलिसंठिते सवणे काहारसंठिते पं० धणिट्ठा सउणिपलीणगसंठिते सयभिसया पुप्फोवयारसंठिते, एवं पुव्वापोट्टवता अवड्ढवाविसंठिते, एवं उत्तरावि, रेवतीणक्खत्ते णावासंठिते अस्सिणीणक्खत्ते आसक्खंधसंठिते भरणीणक्खत्ते भगसंठिए कत्तियाणक्खत्ते छुरधरसंठिते पं० रोहिणीणक्खत्ते सगड्ढिसंठिते मिगसिराणक्खत्ते मगसीसावलिसंठिते अद्दाणक्खत्ते रुधिरबिंदुसंठिए पुणव्वसू तुलासंठिए पुप्फे वद्धमाण० अस्सेसा पडांगसंठिए महा पागारसंठिते पुव्वाफग्गुणी अद्धपलियंकसंठिते, एवं उत्तरावि, हत्थे हत्थसंठिते चित्ता मुहफुल्लसंठिते साती

॥ श्री चन्द्रप्रज्ञप्त्युपाङ्गम् ॥

५४

पू. सागरजी म. संशोधित

खीलगसंठिते विसाहा दामणिसंठिते अणुराधा एगावलिसंठिते जेठ्ठा गयदंतसंठिते मूले विच्छुयलंगुलसंठिते पुव्वासाढा गयविक्रमसंठिते उत्तरासाढा सीहनिसाइयसंठिते ॥४१॥१०-८॥

ता कहं ते णक्खत्ताणं तारगगे आहि० ?, ता एतेसिं णं अट्ठावीसाए णक्खत्ताणं अभीईणक्खत्ते तितारे पं०, सवणे णक्खत्ते?, तितारे, धणिट्ठा ?, पणतारे, सतभिसया ? सततारे, पुव्वा पोट्टवता ?, दुतारें, एवं उत्तरावि, रेवती०?, बत्तीसतितारे, अस्सिणी०?, तितारे, भरणी तितारे कत्तिया छतारे रोहिणी पंचतारे मिगसिरे तितारे अदा एगतारे पुणव्वसू पंचतारे पुस्से तितारे अस्सेसा छतारे महा सत्ततारे पुव्वा फग्गुणी दुतारे एवं उत्तरावि हत्थे पंचतारे चित्ता एकतारे सात्ती एकतारे विसाहा पंचतारे अणुराहा चउतारे जेठ्ठा तितारे मूले एक्कारतारे पुव्वासाढा चउतारे उत्तरासाढाणक्खत्ते चउतारे पं ॥४२॥१०-९॥

ता कहं ते णेता आहि०?, ता वासाणं पढमं मासं कति णक्खत्ता णेति ?, ता चत्तारि णक्खत्ता णिति, तं०-उत्तरासाढा अभिई सवणो धणिट्ठा, उत्तरासाढा चोदस अहोरत्ते णेति, अभिई सत्त अहोरत्ते णेति, सवणे अट्ठ अहोरत्ते णेति, धणिट्ठा एगं अहोरत्तं नेइ, तंसि णं मासंसि चउंगुलपोरिसीए छायाए सूरिए अणुपरियट्ठति, तस्स णं मासस्स चरिमे दिवसे दो पादाइं चत्तारि य अंगुलाणि पोरिसी भवति, ता वासाणं दोच्चं मासं कति णक्खत्ता णेति?, ता चत्तारि णक्खत्ता णेति, तं०-धणिट्ठा सतभिसया पुव्वपुट्टवता उत्तरपोट्टवया, एवं एएणं अभिलावेणं जहेव जंबुद्दीवपन्नत्तीए तहेव इत्थंपि भाणियव्वं जाव तंसि च णं मासंसि वट्टाए

॥ श्री चन्द्रप्रज्ञप्त्युपाङ्गम् ॥

५५

पू. सागरजी म. संशोधित

समचउरंससंठिताए णग्गोधपरिमंडलाए सकायमणुरंगिणीए छायाए सूरिए अणुपरियट्ठति, तस्स णं मासस्स चरिमे दिवसे लेहट्ठाइं दो पादाइं पोरिसी भवति ॥ ४३ ॥ १०-१० ॥

ता कहं ते चंदमग्गा आहिं?, ता एएसिं णं अट्ठावीसाए णक्खत्ताणं अत्थि णक्खत्ता जे णं सता चंदस्स दाहिणेणं जोअं जोएंति, अत्थि णक्खत्ता जे णं सता चंदस्स उत्तरेणं अत्थि णक्खत्ता जे णं चंदस्स दाहिणेणवि उत्तरेणवि पमदं पिं अत्थि णक्खत्ता जे णं चंदस्स दाहिणेणवि पमदं पिं अत्थि णक्खत्ता जे णं चंदस्स सदा पमदं, ता एएसिं णं अट्ठावीसाए नक्खत्ताणं कतरे नक्खत्ता जे णं सता चंदस्स दाहिणेणं जोयं जोएंति?, तहेव जाव कतरे नक्खत्ता जे णं सदा चंदस्स पमदं?, ता एतेसिं णं अट्ठावीसाए नक्खत्ताणं तत्थ जे णं नक्खत्ता सया चंदस्स दाहिणेणं ते णं छ, तं-संठाणा अद्दा पुस्सो अस्सेसा हत्थो मूलो, तत्थ जे ते णक्खत्ता जे णं सदा चंदस्स उत्तरेणं जोयं जोएंति ते णं बारस, तं-अभिई सवणो धणिट्ठा सतभिसया पुव्वभद्वया उत्तरा पोट्टवता रेवती अस्सिणी भरणी पुव्वा फग्गुणी साती, तत्थ जे ते णक्खत्ता जे णं चंदस्स दाहिणेणवि उत्तरेणवि पमदं पिं ते णं सत्त तं-कत्तिया रोहिणी पुणव्वसू महा चित्ता विसाहा अणुराहा, तत्थ जे ते नक्खत्ता जे णं चंदस्स दाहिणेणवि पमदं पिं ताओ णं दो आसाढाओ सव्वबाहिरे मंडले जोयं जोएसु वा जोएंति वा जोएसंति वा, तत्थ जे से णक्खत्ते जे णं सदा चंदस्स पमदं जोयं जोएति सा णं एगा जेट्ठा ॥ ४४ ॥ ता कति ते चंदमंडला पं?, ता पण्णारस चंदमंडला पं, ता एएसिं णं पण्णारसणं

॥ श्री चन्द्रप्रज्ञप्त्युपाङ्गम् ॥

५६

पू. सागरजी म. संशोधित

चंदमंडलाणं अत्थि चंदमंडला जे णं सया णक्खत्तेहिं अविरहिया अत्थि चंदमंडला जे णं सया णक्खत्तेहिं विरहिया अत्थि चंदमंडला जे णं रविससिणक्खत्ताणं सामण्णा भवन्ति अत्थि चंदमंडला जे णं सया आदिच्चेहिं विरहिया, ता एतेसिणं पण्णरसण्हं चंदमंडलाणं कयरे चंदमंडला जे णं सता णक्खत्तेहिं अविरहिया जाव कयरे चंदमंडला जे णं सदा आदिच्चविरहिता?, ता एतेसिं णं पण्णरसण्हं चंदमंडलाणं तत्थ जे ते चंदमंडला जे णं सदा णक्खत्तेहिं अविरहिता ते णं अट्ठ, तं०-पढमे चंदमंडले ततिए० छट्ठे० सत्तमे० अट्ठमे० दसमे० एक्कादसे० पण्णरसमे चंदमंडले, तत्थ जे ते चंदमंडला जे णं सदा णक्खत्तेहिं विरहिया ते णं सत्त, तं०-बित्तिए० चउत्थे० पंचमे० नवमे० बारसमे० तेरसमे० चउदसमे चंदमंडले, तत्थ जे ते चंदमंडला जे णं ससिरविनक्खत्ताणं सामण्णा भवन्ति ते णं चत्तारि, तं०-पढमे० बीए० एक्कारसमे० पन्नरसमे चंदमंडले, तत्थ जे ते चंदमंडला जे णं सदा आदिच्चविरहिता ते णं पंच, तं०-छट्ठे० सत्तमे० अट्ठमे० नवमे० दसमे चंदमंडले ॥ ४५ ॥ १०-११ ॥ ता कहं ते देवताणं अज्झयणा आहि०?, ता एएसिं णं अट्ठावीसाए नक्खत्ताणं अभिई णक्खत्ते किंदेवताए पं०?, बंभदेवयाए पं०, सवणे विण्हुदेवयाए, एवं जहा जंबुदीवपन्नत्तीए जाव उत्तरासाढा विस्सदेवयाए पं० ॥ ४६ ॥ १०-१२ ॥ ता कहं ते मुहुत्ताणं नामधेज्जा आहि०?, ता एगमेगस्स णं अहोरत्तस्स तीसं मुहुत्ता पं० तं०-रोदे सेते मित्ते वायु सुपीए तहेव अभिचंदे । माहिंद बलव बंभो बहुसच्चे १० चेव ईसाणे ॥ २० ॥ तट्ठे य भावियप्पा वेसमणे वारुणे य आणंदे । विजए य वीससेणे पयावई चेव उवसमे य २० ॥ २१ ॥ गंधव्व अग्गिवेसे सयरिसहे आयवं च

॥ श्री चन्द्रप्रज्ञप्त्युपाङ्गम् ॥

५७

पू. सागरजी म. संशोधित

अममे य। अणवं च भोम रिसहे सव्वट्ठे रक्खसे चेव ३० ॥२२॥ ४७ ॥ १०-१३॥ ता कहं ते दिवसा आहि०?, ता एगमेगस्स णं पक्खस्स पन्नरस २ दिवसा पं० तं०-पडिवादिवसे बितियादिवसे जाव पण्णरसीदिवसे, ता एतेसिं णं पण्णसण्हं दिवसाणं पन्नरस नामधेज्जा पं० तं०-पुवंगे सिद्धमणोरमे य तत्तो मणोहरो चेव। जसभदे य जसोधर सव्वकामसम्भित्तेति य ॥२३॥ इंद मुद्धाभिसित्ते य सीमणस धणंजए य बोद्धव्वे। अत्थसिद्धे अभिजाते अच्चसणे य सतंजए ॥ २४॥ अग्गिवेसे उवसमे दिवसाणं नामधेज्जाइं। ता कहं ते रातीओ आहि०?, ता एगमेगस्स णं पक्खस्स पण्णरस राईओ पं० तं०-पडिवा राई जाव पण्णरसी राई, ता एतासिं णं पण्णरसण्हं राईणं पण्णरस नामधेज्जा पं० तं०-उत्तमा य सुणक्खत्ता, एलावच्चा जसोधरा। सोमणसा चेव तथा सिरिसंभूता य बोद्धव्वा ॥ २५॥ विजया य विजयंती जयंति अपराजिया य मच्छा य । समाहारा चेव तथा तेया य तहा य अतितेया ॥२६॥ देवाणंदा निरती रयणीणं णामधेज्जाइं ॥४८॥ १०-१४॥ ता कहं ते तिही आहि०?, तत्थ खलु इमा दुविहा तिही पं० तं०-दिवसतिही राईतिही य, ता कहं ते दिवसतिही आहि०? ता एगमेगस्स णं पक्खस्स पण्णरस २ दिवसतिही पं०, तं०-णंदे भदे जए तुच्छे पुण्णे पक्खस्स पंचमी पुणरवि णंदे भदे जए तुच्छे पुण्णे पक्खस्स दसमी पुणरवि णंदे भदे जये तुच्छे पुण्णे पक्खस्स पण्णरसी, एवं ते तिगुणा तिहीओ सव्वेसिं दिवसाणं, कहं ते राईतिथी आहि०?, एगमेगस्स णं पक्खस्स पण्णरस रातितिथी पं० तं०-उगवती भोगवती जसवती सव्वट्ठसिद्धा सुहणामा पुणरवि उगवती भोगवती जसवती सव्वट्ठसिद्धा सुहणामा पुणरवि

॥ श्री चन्द्रप्रज्ञप्त्युपाङ्गम् ॥

५८

पू. सागरजी म. संशोधित

उगवती भोगवती जसवती सव्वट्टसिद्धा सुहणामा, एते तिगुणा तिहीओ सव्वासिं रातीणं ॥४९॥१०-१५॥ ता कहं ते गोत्ता आहि०?, ता एतेसिं णं अट्ठावीसाए णक्खत्ताणं अभीइणक्खत्ते किंगोत्ते पं०?, ता भोग्गल्लायणसगोत्ते पं०, सवणे संखायणसगोत्ते, धणिट्ठाणक्खत्ते अगितावसगोत्ते पं०, सतभिसयाणक्खत्ते?, कण्णउ(नो)लोयणसगोत्ते पं०, पुव्वापोदठवताणक्खत्ते जाउकण्णिणयसगोत्ते पं०, उत्तरपोदठवताणक्खत्ते धणंजयसगोत्ते पं०, रेवतीणक्खत्ते०?, पुस्सायणसगोत्ते पं०, अस्सिणीनक्खत्ते अस्सादणसगोत्ते पं०, भरणीणक्खत्ते भग्गवेसायणसगोत्ते पं०, कत्तियाणक्खत्ते अग्गिवेससगोत्ते पं०, रोहिणीणक्खत्ते गोतमसगोत्ते पं०, संठाणाणक्खत्ते?, भारद्वायसगोत्ते पं०, अदाणक्खत्ते?, लोहिच्यायणसगोत्ते पं०, पुणव्वसुणक्खत्ते?, वासिट्ठसगोत्ते पं०, पुस्से अमज्जायणसगोत्ते पं०, अस्सेसा०? मंडव्वायणसगोत्ते पं०, महा०? पिंगायणसगोत्ते पं०, पुव्वा फग्गुणी०?, गोवल्लायणसगोत्ते पं०, उत्तरा फग्गुणी०?, कासवगोत्ते पं०, हत्थे?, कोसियगोत्ते पं०, चित्ता० दब्भियायणसगोत्ते पं०, साई०? चामरछाभणगोत्ते पं०, विसाहा०? सुंगायणसगोत्ते पं०, अणुराधा०?, गोलव्वायणसगोत्ते पं०, जेठ्ठा०?, तिगिच्छायणसगोत्ते पं०, मूले०?, कच्यायणसगोत्ते पं०, पुव्वासाढा०? वज्झियायणसगोत्ते पं०, उत्तरासाढाणक्खत्ते किंगोत्ते पं०?, वग्धावच्चसगोत्ते पं० ॥५०॥१०-१६॥ ता कहं ते भोयणा आहि०?, ता एएसिं णं अट्ठावीसाए णक्खत्ताणं कत्तियाहिं दधिणा भौच्चा कज्जं साधिति, रोहिणीहिं वसभमंसेण भोच्चा कज्जं साधेति, संठाणाहिं भिगमंसेण अद्दाहिं णवणीतेण भोच्चा पुणव्वसुणा धतेण पुस्सेणं खीरेण अस्सेसाए

॥ श्री चन्द्रप्रज्ञप्त्युपाङ्गम् ॥

५९

पू. सागरजी म. संशोधित

दीवगमंसेण महाहिं कसरिं पुव्वाहिं फग्गुणीहिं मेढकमंसेण उत्तराहिं फग्गुणीहिं णक्खीमंसेणं हत्थेणं वत्थाणीपण्णेणं चित्ताहिं मुग्गसूवेणं सादिणा फलाइं विसाहाहिं आसित्तिआओ अणुराहाहिं मिस्साकूरं जेद्धाहिं ओलट्टिएणं भूलेणं भूलापण्णे (लसाए)णं पुव्वाहिं आसाढाहिं आमलगसरीरेणं उत्तराहिं आसाढाहिं विलेविं अभीयिणा पुप्फेहिं सवणेणं खीरेणं धणिट्ठाहिं जूसेण सयभिसयाए तुवरीओ पुव्वाहिं पुट्टवयाहिं कारिल्लएहिं उत्तराहिं पुट्टवताहिं वराहमंसेणं रेवतीहिं जलयरमंसेण अस्सिणीहिं तित्तिरमंसेणं वट्टकमंसं वा भरणीहिं तिलतंदुलकं भोच्चा कज्जं सार्धेति । ५१ । १०-१७ ॥ ता कहं ते चा(वा)रा आहि०?, ता तत्थ खलु इमा दुविहा चारा पं० तं०-आदिच्चचारा य चन्दचारा य, ता कहं ते चंदचारा आहि०?, ता पंचसंवच्छरिए णं जुगे अभीङ्गणक्खत्ते सत्तसट्ठिचारे चंदेण सद्धिं जोयं जोएति, सवणे णं णक्खत्ते सत्तट्ठि चारे चंदेण सद्धिं जोयं जोएति, एवं जाव उत्तरासाढाणक्खत्ते सत्तट्ठिचारे चंदेणं सद्धिं जोयं जोएति, ता कहं ते आइच्चचारा आहि०?, ता पंचसंवच्छरिए णं जुगे अभीयीणक्खत्ते पंचचारे सूरेणं सद्धिं जोयं जोएति, एवं जाव उत्तरासाढाणक्खत्ते पंचचारे सूरेण सद्धिं जोयं जोएति । ५२ । १०-१८ ॥ ता कहं ते मासा आहि०?, ता एगमेगस्स णं संवच्छरम्स बारस मासा पं०, तेसिं च दुविहा नामधेज्जा पं० तं०-लोइया लोउत्तरिया य, तत्थ लोइया णामा सावणे भद्वते आसोए जाव आसाढे, लोउत्तरिया णामा-अभिणंदे सुपइट्ठे य विजये पीतिवद्धणे । सेज्जंसे सिवे यावि, सिसिरे य सहेमवं ॥ २७ ॥ नवमे वसंतमासे, दसमे कुसुमसंभवे । एकादसमे णिदाहो, वणविरोही य बारसे ॥ २८ ॥ ५३ । १०-१९ ॥ ता

॥ श्री चन्द्रप्रज्ञप्युपाङ्गम् ॥

६०

पू. सागरजी म. संशोधित

कति णं भंते! संवच्छरा आहि०?, ता पंच संवच्छरा आहि० तं०-णक्खत्तसंवच्छरे जुग० पमाण० लक्खण० सणिच्छरसंवच्छरे
 ॥५४॥ ता णक्खत्तसंवच्छरे णं दुवालसविहे पं० तं०-सावणे भद्वए जाव आसाढे जं वा वहस्सती महग्गहे दुवालसहिं संवच्छरेहिं
 सव्वं णक्खत्तमंडलं समाणेति॥५५॥ ता जुगसंवच्छरे णं पंचविहे पं० तं०-चंदे चंदे अभिवडिढए चंदे अभिवडिढए चेव, ता
 पढमस्स णं चंदसंवच्छरस्स चउवीसं पव्वा पं०, दोच्चस्स णं चंदसंवच्छरस्स चउवीसं पव्वा पं०, तच्चस्स णं अभिवडिढसंवच्छरस्स
 छव्वीसं पव्वा पं०, चउत्थस्स णं चंदसंवच्छरस्स चउवीसं पव्वा पं०, पंचमस्स णं अभिवडिढयसंवच्छरस्स छव्वीसं पव्वा पं०,
 एवामेव सपुव्वावरेणं पंचसंवच्छरिए जुगे एगे चउवीसे पव्वसते भवतीतिमक्खातं ॥५६॥ ता पमाणसंवच्छरे पंचविहे पं० तं०-
 नक्खत्ते चंदे उडू आइच्चे अभिवडिढए ॥५७॥ ता लक्खणसंवच्छरे पंचविहे पं० तं०-नक्खत्ते चंदे उडू आइच्चे अभिवडिढए,
 ता णक्खत्ते णं संवच्छरे णं पंचविहे पं० तं०-समगं णक्खत्ता जोयं जोएंति १ समगं उडू परिणमंति २ नच्चुण्हं ३ नाइसीए
 ४ बहुउदए ५ होइ नक्खत्ते ॥२९॥ ससिं समग पुत्तिमासिं जोइंता विसमचारिनक्खत्ता। कडुओ बहुउदवओ य तमाहु संवच्छरं
 चंदं ॥३०॥ विसमं पवालिणो परिणमंति अणुऊसु दिंति पुप्फफलं। वासं न सम्म वासइ तमाहु संवच्छरं कम्मं ॥३१॥ पुढविदगाणं
 च रसं पुप्फफलाणं च देइ आइच्चे । अप्पेणवि वासेणं संमं निप्फज्जे सस्सं ॥३२॥ आइच्चतेयतविया खणलवदिवसा उऊ
 परिणमन्ति । पूरेति निण्णथलये तमाहु अभिवडिढितं जाण ॥३३॥ ता सणिच्छरसंवच्छरे णं अट्ठावीसतिविहे पं० तं०-अभियी

॥ श्री चन्द्रप्रज्ञप्त्युपाङ्गम् ॥

६१

पू. सागरजी म. संशोधित

सवणे जाव उत्तरासाढा, जं वा सणिच्छरे महग्गहे तीसाए संवच्छरेहिं सव्वं णक्खत्तमंडलं समाणेति । ५८ ॥ १०-२० ॥ ता कहं ते जोतिसस्स दारा आहि०?, तत्थ खलु इमाओ पंच पडिवत्तीओ पं०, तत्थेगे एव०-ता कत्तियादी णं सत्त नक्खत्ता पुव्वदारिया पं० ते णं एव० तं०-कत्तिया जाव असिलेसा, महादीया सत्त दाहिणदारिया पं० तं०-महा जाव विसाहा, अणुराधादीया सत्त अवरदारिया पं० तं०-अणुराधा जाव सवणो, धणिट्ठादीया सत्त उत्तरदारिया पं० तं०-धणिट्ठा जाव भरणी, तत्थ जे ते एव०-ता महादीया सत्त पुव्व० पं० ते एव० तं०-महा जाव विसाहा, अणुराधादीया सत्त दाहिण० पं० तं०-अणुराधा जाव सवणे, धणिट्ठादीया सत्त अवर० पं० तं०-धणिट्ठा जाव भरणी, कत्तियादीया सत्त उत्तर० पं० तं०-कत्तिया जाव अस्सेसा, तत्थ णं जे ते एव० ता धणिट्ठादीया सत्त पुव्वदा० पं० ते एव० तं०-धणिट्ठा जाव भरणी, कत्तियादीया-सत्त दाहिण० पं० तं०-कत्तिया जाव अस्सेसा, महादीया सत्त अवर० पं० तं०-महा जाव विसाहा, अणुराधादीया सत्त उत्तर० पं० तं०-अणुराधा जाव सवणो, तत्थ जे ते एव०-ता अस्सिणीआदीया सत्त णक्खत्ता पुव्व० पं० ते एव० तं०-अस्सिणी जाव पुणव्वसू, पुस्सादिया सत्त दाहिण० पं० तं०-पुस्सो जाव चित्ता, सादीयादीया सत्त अवर० पं० तं०-साती जाव उत्तरासाढा, अभीयीआदिया सत्त उत्तर० पं० तं०-अभिई जाव रेवती, तत्थ जे ते एव० ता भरणिआदीया सत्त पुव्व० पं० ते एव० तं०-भरणी जाव पुस्सो, अस्सेसादीया सत्त दाहिण० पं० तं०-अस्सेसा जाव साई, विसाहादीया सत्त अवर० पं० तं०-विसाहा जाव अभिई, सवणादीया सत्त उत्तर० पं०

॥ श्री चन्द्रप्रज्ञप्त्युपाङ्गम् ॥

६२

पू. सागरजी म. संशोद्धित

તં-સવળો જાવ અસ્સિણી એગે એવં, વયં પુણ એવં વદામો-તા અભિર્ઘ્યાદિયા સત્ત પુવ્વં પં તં-અભિયી જાવ રેવતી, અસ્સિણીઆદીયા સત્ત દાહિણં પં તં-અસ્સિણી જાવ પુણવ્વસૂ, પુસ્સાદીયા સત્ત અવરં પં તં-પુસ્સો જાવ ચિત્તા, સાતિઆદીયા સત્ત ણક્ખત્તા ઉત્તરદારિયા પં તં-સાતી જાવ ઉત્તરાસાઢા ૧૫૧||૧૦-૨૧|| તા કહં તે ણક્ખત્તવિજયે આહિં?, તા અયણ્ણં જંબુદ્દીવે જાવ પરિક્ખેવેણં, તા જંબુદ્દીવે ણં દીવે દો ચંદા પમાસેસુ વા પમાસેતિ વા પમાસિસ્સંતિ વા દો સૂરિયા તવિંસુ વા તવેંતિ વા તવિસ્સંતિ વા છપ્પણ્ણં ણક્ખત્તા જોયં જોએંસુ વાં તં-દો અભીયી દો સવળા જાવ દો ઉત્તરાઓ આસાઢાઓ, તા એએસિં ણં છપ્પણ્ણાએ નક્ખત્તાણં અત્થિ ણક્ખત્તા જે ણં ણવ મુહત્તે સત્તાવીસં ચ સત્તઢિભાગે મુહત્તસ્સ ચંદેણં સઢ્ઢિં જોયં જોએંતિ, પણ્ણરસમુહત્તેં તીસમુહત્તેં પળ્યાલીસં જોયં જોએંતિ, તા એતેસિં ણં છપ્પણ્ણાએ ણક્ખત્તાણં કત્તરે ણક્ખત્તે જે ણં ણવ મુહત્તે સત્તાવીસં ચ સત્તસઢિભાગે મુહત્તસ્સ ચંદેણ જાવ કત્તરે ણક્ખત્તા જે ણં પળ્યાલીસં મુહત્તે ચંદેણ સઢ્ઢિં જોયં જોએંતિ?, તા એતેસિં ણં છપ્પણ્ણાએ ણક્ખત્તાણં તત્થ જે તે ણક્ખત્તા જે ણં ણવ મુહત્તે સત્તાવીસં ચ સત્તઢિભાગે મુહત્તસ્સ ચંદેણં તે ણં દો અભીયી, તત્થ જે તે ણક્ખત્તા જે ણં પણ્ણરસ મુહત્તે ચંદેણં તે ણં બારસ, તં-દો સત્તભિસયા દો ભરણી દો અદ્દા દો અસ્સેસા દો સાતી દો જેઢ્ઢા, તત્થ જે ણં તીસં મુહત્તે ચંદેણં તે ણં તીસં, તં-દો સવળા દો ધણિઢ્ઢા દો પુવ્વભદ્દવતા દો રેવતી દો અસ્સિણી દો કત્તિયા દો સંઠાણા દો પુસ્સા દો મહા દો પુવ્વાફગ્ગુણી દો હત્થા દો ચિત્તા દો અણુરાધા દો મૂલા દો પુવ્વાસાઢા, તત્થ જે તે

॥ શ્રી ચન્દ્રપ્રજ્ઞપ્યુપાઙ્ગમ્ ॥

૬૩

પૂ. સાગરજી મ. સંશોધિત

णक्खत्ता जे णं पणतालीसं मुहुत्ते० ते णं बारस. तं०-दो उत्तरापोट्टवता दो रोहिणी दो पुणव्वसू दो उत्तराफग्गुणी दो तिसाहा दो उत्तरासाढा, ता एएसिं णं छप्पण्णाए णक्खत्ताणं अत्थि णक्खत्ते जे णं चत्तारि अहोरत्ते छच्च मुहुत्ते सूरिण सद्धिं जोयं जोएंति, अत्थि णक्खत्ता जे णं छ अहोरत्ते एक्कवीसं च मुहुत्ते सूरिण०. अत्थि णक्खत्ता जे णं तेरस अहोरत्ते बारस य मुहुत्ते सूरिण०, अत्थि णक्खत्ता जे णं वीसं अहोरत्ते तिन्नि य मुहुत्ते सूरिण०, एएसिं णं छप्पण्णाए णक्खत्ताणं कयरे णक्खत्ता जे णं तं चेव उच्चारेयव्वं, ता एतेसिं णं छप्पण्णाए णक्खत्ताणं तत्थ जे ते णक्खत्ता जे णं चत्तारि अहोरत्ते छच्च मुहुत्ते सूरिण० ते णं दो अभीयी, तहेव जाव तत्थ जे ते णक्खत्ता जे णं वीसं अहोरत्ते तिन्नि य मुहुत्ते सूरिण जोयं जोएंति ते णं बारस तं०-दो उत्तरापोट्टवता जाव दो उत्तरासाढाओ॥६०॥ ता कहं ते सीमाविक्खंभे आहि०?, ता एतेसिं णं छप्पण्णाए णक्खत्ताणं अत्थि णक्खत्ता जेसिं णं छ सया तीसा सत्तट्ठिभागतीसतिभागाणं सीमाविक्खंभो, अत्थि णक्खत्ता जेसिं णं सहस्सं पंचोत्तरं सत्तसट्ठिभागतीसतिभागाणं सीमाविक्खंभो, अत्थि णक्खत्ता जेसिं णं दो सहस्सा दसुत्तरा सत्तट्ठिभागतीसतिभागाणं सीमाविक्खंभो, अत्थि णक्खत्ता जेसिं णं तिन्नि सहस्सा पंचदसुत्तरं सत्तट्ठिभागतीसतिभागाणं सीमाविक्खंभो, ता एतेसिं णं छप्पण्णाए णक्खत्ताणं कतरे णक्खत्ता जेसिं णं छ सया तीसा तं चेव उच्चारेतव्वं जाव तिसहस्सं पंचदसुत्तरं सत्तसट्ठिभागतीसतिभागाणं सीमाविक्खंभो?, ता एतेसिं णं छप्पण्णाए णक्खत्ताणं तत्थ जे ते णक्खत्ता जेसिं णं छ सता तीसा सत्तट्ठिभागतीसतिभागाणं सीमाविक्खंभो ते

॥ श्री चन्द्रप्रज्ञप्त्युपाङ्गम् ॥

६४

पू. सागरजी म. संशोधित

णं दो अभीयी, तत्थ जे ते णक्खत्ता जेसिं णं सहस्सं पंचुत्तरं सत्तदिठभागतीसतिभागाणं सीमाविक्खंभो ते णं बारस, तं०-
 दो सतभिसया जाव दो जेट्ठा. तत्थ जे ते णक्खत्ता जेसिं णं दो सहस्सा दसुत्तरा सत्तदिठभागतीसतिभागाणं सीमाविक्खंभो
 ते णं तीसं, तं०-दो सवणा जाव दो पुब्बाओ आसाढाओ, तत्थ जे ते णक्खत्ता जेसिं णं तिण्णि सहस्सा पण्णरसुत्तरा
 सत्तदिठभागतीसतिभागाणं सीमाविक्खंभो ते णं बारस, तं०-दो उत्तरापोट्टवता जाव उत्तरासाढा १६१। एतेसिं णं छप्पण्णाए
 णक्खत्ताणं किं सता पादो चंदेण सद्धिं जोयं जोएति?, किं सया सायं चंदेणं सद्धिं जोयं जोएति?, एतेसिं णं छप्पण्णाए णक्खत्ताणं
 किं सया दुहा पविसिय २ चंदेणं०?, ता एएसिं णं छप्पण्णाए णक्खत्ताणं न किंपि तं जं सया पादो चंदेणं० नो सया सागं
 चंदेणं० नो सया दुहाओ पविसित्ता २ चंदेण सद्धिं जोयं जोएति, णण्णत्थ दोहिं अभीयीहिं, ता एते णं दो अभीयी पायंचिय
 २ चोत्तालीसमं अमावासं जोएति, णो चेव णं पुण्णमासिणिं १६२। तत्थ खलु इमाओ बावट्ठिं पुण्णमासिणीओ बावट्ठिं अमावासाओ
 पं०, ता एएसिं णं पंचण्हं संवच्छराणं पढमं पुण्णमासिणिं चंदे कंसि देसंसि०? ता जंसि णं देसंसि चंदे चरिमं बावट्ठिं पुण्णमासिणिं
 जोएति ताए पुण्णमासिणिट्ठाणातो मंडलं चउव्वीसेणं सतेणं छेत्ता दुबत्तीसं भागे उवातिणावित्ता एत्थ णं से चंदे पढमं पुण्णमासिणिं
 जोएति, ता एएसिं णं पंचण्हं संवच्छराणं दोच्चं पुण्णमासिणिं चंदे कंसि देसंसि जोएति?, ता जंसि णं देसंसि चंदे पढमं पुण्णमासिणिं
 जोएति ताते पुण्णमासिणिट्ठाणातो मंडलं चउव्वीसेणं सतेणं छेत्ता दुबत्तीसं भागे उवाइणावेत्ता एत्थ णं तच्चं चंदे दोच्चं पुण्णमासिणिं

॥ श्री चन्द्रप्रज्ञप्त्युपाङ्गम् ॥

६५

पू. सागरजी म. संशोधित

जोएति, ता एएसिं णं पंचण्हं संवच्छराणं तच्चं पुण पुच्छा, ता जंसि णं देसंसि चंदे दोच्चं पुण्णमासिणिं जोएति ताए पुण्णमासिणीठाणातो मंडलं चउव्वीसेणं सतेणं छेत्ता दुबत्तीसं भागे उवाइणावेत्ता एत्थ णं तच्चं चंदे पुण्णमासिणिं जोएति, ता एतेसिं पंचण्हं संवच्छराणं दुवालसमं पुण्णमासिणिं चंदे कंसि देसंसि जोएति?, ता जंसि णं देसंसि चंदे तच्चं पुण्णमासिणिं जोएति ताते पुण्णमासिणिट्ठाणाते मंडलं चउव्वीसेणं सतेणं छेत्ता दोण्णि अट्ठासीते भागसते उवायिणावेत्ता एत्थ णं से चंदे दुवालसमं पुण्णमासिणिं जोएति, एवं खलु एतेणुवाएणं ताते २ पुण्णमासिणिट्ठाणाते मंडलं चउवीसेणं सतेणं छेत्ता दुबत्तीसभागे उवातिणावेत्ता तंसि २ देसंसि तं तं पुण्णमासिणिं चंदे जोएति, ता एतेसिं णं पंचण्हं संवच्छराणं चरमं बावट्ठिं पुण्णमासिणिं चंदे कंसि देसंसि जोएति?, ता जंबुद्दीवस्स णं पाईणपडीणायताए उदीणदाहिणायताए जीवाए मंडलं चउव्वीसेणं सतेणं छेत्ता दाहिणिल्लंसि चउब्भागमंडलंसि सत्तावीसं भागे उवायणावेत्ता अट्ठावीसतिभागं वीसहा छेत्ता अट्ठारसभागे उवातिणावेत्ता तिहिं भागेहिं दोहि य कलाहिं पच्चत्थिमिल्लं चउब्भागमंडलं असंपत्ते एत्थ णं चंदे चरिमं बावट्ठिं पुण्णमासिणिं जोएति। ६३। ता एएसिं णं पंचण्हं संवच्छराणं पढमं पुण्णमासिणिं सूरे कंसि देसंसि जोएति?, ता जंसि णं देसंसि सूरे चरिमं बावट्ठिं पुण्णमासिणिं जोएति ताते पुण्णमासिणिट्ठाणातो मंडलं चउव्वीसेणं सतेणं छेत्ता चउणवतिं भागे उवातिणावेत्ता एत्थ णं से सूरिए पढमं पुण्णमासिणिं जोएइ, ता एएसिं णं पंचण्हं संवच्छराणं दोच्चं पुण पुच्छा, ता जंसि णं देसंसि सूरे पढमं पुण्णमासिणिं जोएइ ताए पुण्णमासिणीठाणाओ

॥ श्री चन्द्रप्रज्ञप्युपाङ्गम् ॥

६६

पू. सागरजी म. संशोधित

मंडलं चउवीसेणं सएण छेत्ता चउणवइभागे उवाइणावित्ता एत्थ णं से सूरु दोच्चं पुण्णमासिणिं जोएइ, एवं तच्चं पि नवरं दोच्चाओ एत्थ णं से सूरु तच्चं पुण्णमासिणिं जोएति, ता एतेसिं णं पंचण्हं संवच्छराणं दुवालसं पुण्णमासिणिं० पुच्छा, जंसि णं देसंसि तच्चं पुण्णमासिणिं जोएति ताते पुण्णमा सिणिट्ठाणाते० अब्बछत्ताले भागसते उवाइणावेत्ता एत्थ णं से सूरु दुवालसमं पुण्णमासिणिं जोएति; एवं खलु एतेणुवाएणं ताते २ पुण्णमासिणिट्ठाणाते मंडलं चउवीसेणं सतेण छेत्ता चउणउत्तिं २ भागे उवातिणावेत्ता तंसि २ णं देसंसि तं तं पुण्णमासिणिं सूरु जोएति, ता एतेसिं णं पंचण्हं संवच्छराणं चरिमं बावट्ठिं पुच्छा, ता जंबुद्दीवस्स णं पाईणपडीणायताए उदीणदाहिणायताए जीवाए मंडलं चउवीसेणं सएणं छेत्ता पुरच्छिमिलंसि चउभागमंडलंसि सत्तावीसं भागे उवातिणावेत्ता अट्ठावीसतिभागं वीसथा छेत्ता अट्ठारसभागे उवादिणावेत्ता तिहिं भागेहिं दोहि य कलाहिं दाहिणिलं चउभागमंडलं असंपत्ते एत्थ णं सूरु चरिमं बावट्ठिं पुण्णिमं जोएति । ६४। ता एएसिं णं पंचण्हं संवच्छराणं पढमं अमावासं चंदे कंसि देसंसि जोएति?, ता जंसि णं देसंसि चंदे चरिमं बावट्ठिं अमावासं जोएति ताते अमावासट्ठाणाते मंडलं चउवीसेणं सतेणं छेत्ता दुबत्तीसं भागे उवादिणावेत्ता एत्थ णं से चंदे पढमं अमावासं जोएति, एवं जेणेव अभिलावेणं चंदस्स पुण्णमासिणीओ भणियाओ तेणेव अभिलावेणं अमावासाओ भणितव्वाओ बिइया ततिया दुवालसमी, एवं खलु एतेणुवाएणं ताते २ अमावासट्ठाणाते मंडलं चउवीसेणं सतेणं छेत्ता दुबत्तीसं २ भागे उवादिणावेत्ता तंसि २ देसंसि तं तं अमावासं चंदेण जोएति, ता एतेसिं णं पंचण्हं

॥ श्री चन्द्रप्रज्ञप्त्युपाङ्गम् ॥

६७

पू. सागरजी म. संशोधित

સંવચ્છરાણં ચરમં બાવદિંઠ અમાવાસં પુચ્છા? તા જંસિ ણં દેસંસિ ચંદે ચરિમં બાવદિંઠ પુણ્ણમાસિણિં જોએતિ તાતે પુણ્ણમાસિણિદ્ઠાણાએ મંડલં ચઝઘ્વીસેણં સતેણં છેત્તા સોલસભાગં ઓસઘ્ઙ્ઙત્તા એત્થ ણં સે ચંદે ચરિમં બાવદિંઠ અમાવાસં જોએતિ 1641 તા એતેસિં ણં પંચણ્ણં સંવચ્છરાણં પઢમં અમાવાસં સૂરે કંસિ દેસંસિ જોએતિ?, તા જંસિ ણં દેસંસિ સૂરે ચરિમં બાવદિંઠ અમાવાસં જોએતિ તાતે અમાવાસદ્ઠાણાતે મંડલં ચઝઘ્વીસેણં સતેણં છેત્તા ચઝણઝતિભાગે ઝવાયિણાવેત્તા એત્થ ણં સે સૂરે પઢમં અમાવાસં જોએતિ, એવં જેણેવ અભિલાવેણં સૂરિયસ્સ પુણ્ણમાસિણીઓ તેણેવ અમાવાસાઓવિ, તં-બિદિયા તઙ્ઘયા ઢુવાલસમી, એવં ઝલુ એતેણુવાએણં તાતે ૨ અમાવાસદ્ઠાણાતે મંડલં ચઝઘ્વીસેણં સતેણં છેત્તા ચઝણઝતિં ૨ ભાગે ઝવાયિણાવેત્તા તંસિ ૨ દેસંસિ તં તં અમાવાસં સૂરિએ જોએતિ, તા એતેસિં ણં પંચણ્ણં ૨ સંવચ્છરાણં ચરિમં બાવદિંઠ અમાવાસં પુચ્છા, તા જંસિ ણં દેસંસિ સૂરે ચરિમં બાવદિંઠ પુણ્ણમાસિણિં જોએતિ તાતે પુણ્ણમાસિણિદ્ઠાણાતે મંડલં ચઝઘ્વીસેણં સતેણં છેત્તા સત્તાલીસં ભાગે ઝસઘ્ઙ્ઙાઝઙ્ઙત્તા એત્થ ણં સે સૂરે ચરિમં બાવદિંઠ અમાવાસં જોએતિ 1661 તા એસિં ણં પંચણ્ણં સંવચ્છરાણં પઢમં પુણ્ણમાસિણિં ચંદે કેણં ણઘ્ઙ્ઙત્તેણં જોએતિ?, તા ઘ્ઘણિદ્ઠાહિં, ઘ્ઘણિદ્ઠાણં તિણિણ મુહુત્તા એઘ્ઘ્ઘાવીસં ચ બાવદિંઠા મુહુત્તસ્સ બાવદિંઠા ચ સત્તદ્ઘિધા છેત્તા પ્પણ્ણટ્ટી ઘ્ઘુણિણયા ભાગા સેસા, તંસમયં ચ ણં સૂરિએ કેણં ણઘ્ઙ્ઙત્તેણં જોએતિ?, તા પુઘ્ઘ્ઘાફઘ્ઘુણીહિં, તા પુઘ્ઘ્ઘાફઘ્ઘુણીણં અઢ્ઠાવીસં મુહુત્તા અઢ્ઠતીસં ચ બાવદિંઠા મુહુત્તસ્સ બાવદિંઠા ચ સત્તદ્ઘિધા છેત્તા ઢુબત્તીસં ઘ્ઘુણિણયા ભાગા સેસા, તા એસિં ણં પંચણ્ણં સંવચ્છરાણં ઢોઘ્ઘં

॥ શ્રી ચન્દ્રપ્રજ્ઞપ્ત્યુપાઙ્ગમ ॥

૬૮

પૂ. સાગરજી મ. સંશોધિત

पुण्णमासिणिं चंदे केणं णक्खत्तेणं जोएति?, ता उत्तराहिं पोदठवताहिं, उत्तराणं पोदठवताणं सत्तावीसं मुहुत्ता चोदस य बावदिठभागा मुहुत्तस्स बावदिठभागं च सत्तदिठथा छेत्ता बावदठी चुण्णिया भागा सेसा तंसमयं च णं सुरे केणं णक्खत्तेणं जोएति?, ता उत्तराहिं फग्गुणीहिं, उत्तराफग्गुणीणं सत्त मुहुत्ता तेत्तीसं च बावदिठभागा मुहुत्तस्स बावदिठभागं च सत्तदिठथा छेत्ता एकत्तीसं चुण्णिया भागा सेसा, ता एतेसिं णं

पंचण्हं संवच्छराणं तच्चं पुण्णमासिणीं चंदे केणं णक्खत्तेणं जोएति?, ता अस्सिणीहिं, अस्सिणीणं एक्कवीसं मुहुत्ता णव य बावदिठभागा मुहुत्तस्स बावदिठभागं च सत्तदिठथा छेत्ता तेवढी चुण्णिया भागा सेसा, तंसमयं च णं सुरे केणं णक्खत्तेणं जोएति?, ता चित्ताहिं, चित्ताणं एक्को मुहुत्तो अट्ठावीसं च बावदिठभागा मुहुत्तस्स बावदिठभागं च सत्तदिठथा छेत्ता तीसं चुण्णिया भागा सेसा, ता एतेसिं णं पंचण्हं संवच्छराणं दुवालसमं पुण्णमासिणिं पुच्छा, ता उत्तराहिं आसाढाहिं, उत्तराणं च आसाढाणं छव्वीसं मुहुत्ता छव्वीसं च बावदिठभागा मुहुत्तस्स बावदिठभागं च सत्तदिठथा छेत्ता चउप्पण्णं०, तंसमयं च सुरे केणं पुच्छा, ता पुणव्वसुणा, पुणव्वसुस्स सोलस मुहुत्ता अट्ठ य बावदिठभागा मुहुत्तस्स बावदिठभागं च सत्तदिठथा छेत्ता वीसं चुण्णिया भागा सेसा, ता एतेसिं णं पंचण्हं संवच्छराणं चरमं बावदिठ पुण्णमासिणिं चंदे केणं णक्खत्तेणं जोएति?, ता उत्तराहिं आसाढाहिं. उत्तराणं आसाढाणं चरमसमए, तंसमयं च णं सुरे केणं णक्खत्तेणं जोएति?, ता पुस्सेणं, पुस्सस्स एकूणवीसं मुहुत्ता तेतालीसं च बावदिठभागा मुहुत्तस्स

॥ श्री चन्द्रप्रज्ञप्युपाङ्गम् ॥

६९

पू. सागरजी म. संशोद्धित

बावदिठभागं च सत्तदिठथा छेत्ता तेत्तीसं चुण्णिया भागा सेसा ॥६७॥ एतेसिं णं पंचण्ह संवच्छराणं पढमं अमावासं चंदे केणं णक्खत्तेणं जोएति?, ता अस्सेसाहिं, अस्सेसाणं एक्को मुहुत्तो चत्तालीसं च बावदिठभागा मुहुत्तस्स बावदिठभागं च सत्तदिठथा छेत्ता छावदठी चुण्णिया० भागा० सेसा. तंसमयं च णं सूरु केणं णक्खत्तेणं जोएति?, ता अस्सेसाहिं चेव, अस्सेसाणं एक्को मुहुत्तो चत्तालीसं च बावदिठभागा मुहुत्तस्स बावदिठभागं च सत्तदिठथा छेत्ता छावदठी चुण्णिया भागा सेसा, ता एएसिं णं पंचण्हं० दोच्चं अमावासं चंदे पुच्छा, उत्तराहिं फग्गुणीहिं, उत्तराणं फग्गुणीणं चत्तालीसं मुहुत्ता पणतीसं बावदिठभागा मुहुत्तस्स बावदिठभागं च सत्तदिठथा छेत्ता पण्णदठी चुण्णिया भागा सेसा, तंसमयं च णं सूरु केणं पुच्छा, ता उत्तराहिं चेव फग्गुणीहिं, उत्तराण फग्गुणीणं तं चेव जाव पण्णदठी चुण्णिया भागा सेसा, ता एतेसिं णं पंचण्हं संवच्छराणं तच्चं अमावासं चंदे पुच्छा, ता हत्थेणं, हत्थस्स चत्तारि मुहुत्ता तीसं च बावदिठभागा मुहुत्तस्स बावदिठभागं च सत्तदिठथा छेत्ता बावदठी चुण्णिया भागा सेसा, तंसमयं च णं सूरु केणं पुच्छा, हत्थेणं चेव, जं चेव चंदस्स, ता एएसिं णं पंचण्हं संवच्छराणं दुवालसमं अमावासं चंदे केणं पुच्छा, ता अद्दाहिं, अद्दाणं चत्तारि मुहुत्ता दस य बावदिठभागा मुहुत्तस्स बावदिठभागं च सत्तदिठथा छेत्ता चउपण्णं चुण्णिया भागा सेसा, तंसमयं च णं सूरु केणं पुच्छा, ता अद्दाहिं चेव, जं चेव चंदस्स, ता एएसिं णं पंचण्हं संवच्छराणं चरिमं बावदिठ अमावासं चंदे केणं पुच्छा?, पुणव्वसुणा, पुणव्वसुस्स बावीसं मुहुत्ता छायालीसं च बावदिठभागा मुहुत्तस्स सेसा, तंसमयं च णं सूरु केणं

॥ श्री चन्द्रप्रज्ञप्त्युपाङ्गम् ॥

७०

पू. सागरजी म. संशोधित

पुच्छ?, ता पुणव्वसुणा चेव, पुणव्वसुस्स णं जहा चंदस्स १६८१ ता जेणं अज्ज णक्खत्तेणं चंदे जोयं जोएति जंसि देसंसि से णं इमाणि अट्ठ एकूणवीसाणि मुहुत्तसताइं चउवीसं च बावट्ठिभागे मुहुत्तस्स बावट्ठिभागं च सत्तट्ठिथा छेत्ता बावट्ठिं च उण्णिण्याभागे उवायिणावेत्ता पुणरवि से चंदे अण्णेणं तारिसएणं चेव णक्खत्तेणं जोयं जोएति अण्णांसि देसंसि, ता जेणं अज्ज णक्खत्तेणं चंदे जोयं जोएति जंसि देसंसि से णं इमाइं सोलसअट्ठतीस मुहुत्तसताइं अउणापण्णं च बावट्ठिभागे मुहुत्तस्स बावट्ठिभागं च सत्तट्ठिथा छेत्ता पण्णट्ठी च उण्णिण्याभागे उवायिणावेत्ता पुणरवि से णं चंदे तेणं चेव णक्खत्तेणं जोयं जोएति अण्णांसि देसंसि, ता जेणं अज्ज णक्खत्तेणं चंदे जोयं जोएति जंसि देसंसि से णं इमाइं चउप्पण्णमुहुत्तसहस्साइं णव य मुहुत्तसत्ताइं उवादिणावित्ता पुणरवि से चंदे अण्णेणं तारिसएणं नक्खत्तेणं जोयं जोएति तंसि देसंसि, ता जेणं अज्ज णक्खत्तेणं चंदे जोयं जोएति जंसि २ देसंसि से णं इमं एणं मुहुत्तसयसहस्सं अट्ठाणउतिं च मुहुत्तसताइं उवायिणावित्ता पुणरवि से चंदे तेणं चेव णक्खत्तेणं जोयं जोएइ तंसि देसंसि, ता जेणं अज्ज णक्खत्तेणं सूरे जोयं जोएति जंसि देसंसि से णं इमाइं तिण्णि छावट्ठाइं राइंदियसताइं उवादिणावेत्ता पुणरवि से सूरि ए अण्णेणं तारिसएणं चेव नक्खत्तेणं जोयं जोएति तंसि देसंसि, ता जेणं अज्ज नक्खत्तेणं सूरे जोयं जोएति तंसि देसंसि से णं इमाइं सत्तदुतीसं राइंदियसताइं उवाइणावेत्ता पुणरवि से सूरे तेणं चेव नक्खत्तेणं जोयं जोएति तंसि देसंसि, ता जेणं अज्ज णक्खत्तेणं सूरे जोयं जोएति जंसि देसंसि से णं इमाइं अट्ठारस वीसाइं राइंदियसताइं उवादिणावेत्ता पुणरवि से

॥ श्री चन्द्रप्रज्ञप्त्युपाङ्गम् ॥

७१

पू. सागरजी म. संशोधित

सूरे अण्णेणं तारिसएणं चेव णक्खत्तेणं जोयं जोएति तंसि देसंसि, ता जेणं अज्ज णक्खत्तेणं सूरे जोयं जोएति जंसि देसंसि
 से णं इमाइं छत्तीसं सट्ठाइं राइंदियसयाइं उवाइणावित्ता पुणरवि से सूरे तेणं चेव णक्खत्तेणं जोयं जोएति तंसि देसंसि । ६९ ।
 ता जया णं इमे चंदे गतिसमावण्णए भवति तता णं इतरेवि चंदे गतिसमावण्णए भवति जता णं इतरे चंदे गतिसमावण्णए
 भवति तता णं इमेवि चंदे गतिसमावण्णए भवति, ता जया णं इमे चंदे जुत्ते जोगेणं भवति तता णं इतरेवि चंदे० जया णं
 इतरे चंदे० तता णं इमेवि चंदे०, एवं सूरेवि गहेवि णक्खत्तेवि, सतावि णं चंदा जुत्ता जोएहिं सतावि णं सूरा जुत्ता जोगेहिं
 सयावि णं गहा जुत्ता जोगेहिं सयावि णं नक्खत्ता जुत्ता जोगेहिं दुहतोवि णं चंदा जुत्ता जोगेहिं दुहतोवि णं सूरा० दुहतोवि णं
 गहा० दुहतोवि णं णक्खत्ता० मंडलं सतसहस्सेणं अट्ठाणउतीए सतेहिं छेत्ता, इच्चेस णक्खत्तखेत्तपरिभागे णक्खत्तविजए नाम
 पाहुडेत्ति आहितेत्ति बेमि । ७० । १०-२२ दसमं पाहुडं । ता कहं ते संवच्छराणादी आहि०?, तत्थ खलु इमे पंच संवच्छरा पं०
 तं०-चंदे चंदे अभिवड्ढिते चंदे अभिवड्ढिते, ता एतेसिं णं पंचणहं संवच्छराणं पढमस्स चंदस्स संवच्छरस्स के आदी आहि०?,
 ता जे णं पंचमस्स अभिवड्ढितसंवच्छरस्स पज्जवसाणे से णं पढमस्स चंदस्स संवच्छरस्स आदी अणंतरपुरक्खडे समए. ता से
 णं किंपज्जवसिते आहि०?, ता जे णं दोच्चस्स चंदसंवच्छरस्स आदी से णं पढमस्स चंदसंवच्छरस्स पज्जवसाणे अणंतरपच्छाकडे
 समये, तंसमयं च णं चंदे केणं णक्खत्तेणं जोएति?, ता उत्तराहिं आसाढाहिं, उत्तराणं आसाढाणं छव्वीसं मुहुत्ता छव्वीसं च

॥ श्री चन्द्रप्रज्ञप्युपाङ्गम् ॥

७२

पू. सागरजी म. संशोधित

बावट्टिभागा मुहुत्तस्स बावट्टिभागं च सत्तट्ठिधा छित्ता चउप्पण्णं चुण्णिया भागा सेसा, तंसमयं च णं सूरे केणं णक्खत्तेणं जोएति?, ता पुणव्वसुणा. पुणव्वसुस्स सोलस मुहुत्ता अट्ठ य बावट्टिभागा मुहुत्तस्स बावट्टिभागं च सत्तट्ठिहा छेत्ता वीसं चुण्णिया भागा सेसा, ता एएसिं णं पंचण्हं संवच्छराणं दोच्चस्स चंदसंवच्छरस्स के आदी आहि०?, ता जे णं पढमस्स चंदसंवच्छरस्स पज्जवसाणे से णं दोच्चस्स णं चंदसंवच्छरस्स आदी अणंतरपुरक्खडे समये, ता से णं किंपज्जवसिते आहि०?, ता जे णं तच्चस्स अभिवड्ढितसंवच्छरस्स आदी से णं दोच्चस्स चंदसंवच्छरस्स पज्जवसाणे अणंतरपच्छाकडे समये, तंसमयं च णं चंदे केणं णक्खत्तेणं जोएति?, ता पुव्वाहिं आसाढाहिं, पुव्वाणं आसाढाणं सत्त मुहुत्ता तेवण्णं च बावट्टिभागा मुहुत्तस्स बावट्टिभागं च सत्तट्ठिधा छेत्ता इगतालीसं चुण्णिया भागा सेसा, तं समयं च णं सूरे केणं णक्खत्तेणं जोएति ?, ता पुणव्वसुणा, पुणव्वसुस्स णं बायालीसं मुहुत्ता पणतीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता सत्त चुण्णिया भागा सेसा, ता एतेसिं णं पंचण्हं संवच्छराणं तच्चस्स अभिवड्ढितसंवच्छरस्स के आदी आहि०?, ता जे णं दोच्चस्स चंदसंवच्छरस्स पज्जवसाणे से णं तच्चस्स अभिवड्ढितसंवच्छरस्स आदी अणंतरपुरक्खडे समए० ता से णं किंपज्जवसिते आहि०?, ता जे णं चउत्थस्स चंदसंवच्छरस्स आदी से णं तच्चस्स अभिवड्ढितसंवच्छरस्स पज्जवसाणे अणंतरपच्छाकडे समए, तं समयं च णं चंदे केणं णक्खत्तेणं जोएति ?, ता उत्तराहिं आसाढाहिं, उत्तराणं आसाढाणं तेरस मुहुत्ता तेरस य बावट्टिभागा मुहुत्तस्स बावट्टिभागं च

॥ श्री चन्द्रप्रज्ञप्त्युपाङ्गम् ॥

७३

पू. सागरजी म. संशोधित

सत्तद्विधा छेत्ता सत्तावीसं चुण्णिया भागा सेसा, तं समयं च णं सूरु केणं णक्खत्तेणं जोएति ?, ता पुणव्वसुणा, पुणव्वसुस्स दो मुहुत्ता छप्पणं बावडिभागा मुहुत्तस्स बावडिभागं च सत्तद्विधा छेत्ता सट्ठी चुण्णिया भागा सेसा, ता एएसिं णं पंचण्हं संवच्छराणं चउत्थस्स चंदसंवच्छरस्स के आदी आहि०?, ता जे णं तच्चस्स अभिवडिढतसंवच्छरस्स पज्जवसाणे से णं चउत्थस्स चंदसंवच्छरस्स आदी अणंतरपुरक्खडे समये, ता से णं किंपज्जवसिते आहि० ?, ता जे णं चरिमस्स अभिवडिढयसंवच्छरस्स आदी से णं चउत्थस्स चंदसंवच्छरस्स पज्जवसाणे अणंतरपच्छाकडे समये, तंसमयं च णं चंदे केणं णक्खत्तेणं जोएति ?, ता उत्तराहिं आसाढाहिं, उत्तराणं आसाढाणं चत्तालीसं मुहुत्ता चत्तालीसं च बावडिभागा मुहुत्तस्स बावडिभागं च सत्तद्विधा छेत्ता चउदस चुण्णिया भागा सेसा, तंसमयं च णं सूरु केणं णक्खत्तेणं जोएति ?, ता पुणव्वसुणा, पुणव्वसुस्स अउणतीसं मुहुत्ता एकवीसं बावडिभागा मुहुत्तस्स बावडिभागं च सत्तद्विधा छेत्ता सीतालीसं चुण्णिया भागा सेसा, ता एतेसिं णं पंचण्हं संवच्छराणं पंचमस्स अभिवडिढतसंवच्छरस्स के आदी आहि० ?, ता जे णं चउत्थस्स चंदसंवच्छरस्स पज्जवसाणे से णं पंचमस्स अभिवडिढतसंवच्छरस्स आदी अणंतरपुरक्खडे समये, ता से णं किंपज्जवसिते आहि० ?, ता जे णं पढमस्स चंदसंवच्छरस्स आदी से णं पंचमस्स अभिवडिढतसंवच्छरस्स पज्जवसाणे अणंतरपच्छाकडे समये, तंसमयं च णं चंदे केणं णक्खत्तेणं जोएति?, ता उत्तराहिं आसाढाहिं, उत्तराणं आसाढाणं चरमसमए, तंसमयं च णं सूरु केणं णक्खत्तेणं जोएति ?, ता पुस्सेणं, पुस्सस्स णं एकवीसं मुहुत्ता तेतालीसं च बावडिभागा मुहुत्तस्स बावडिभागं

॥ श्री चन्द्रप्रज्ञप्त्युपाङ्गम् ॥

७४

पू. सागरजी म. संशोधित

सत्तद्विधा छेत्ता तेत्तीसं चुण्णिया भागा सेसा ॥ ७१ ॥ एक्कारसमं पाहुडं ११ ॥

ता कति णं संवच्छरा आहि० ?, तत्थ खलु इमे पंच संवच्छरा पं० तं०-णक्खत्ते चंदे उडू आदिच्चे अभिवड्ढिते, ता एतेसिं णं पंचण्हं संवच्छराणं पढमस्स नक्खत्तसंवच्छरस्स णक्खत्तमासे तीसतिमुहुत्तेणं २ अहोरत्तेणं गणिज्जमाणे केवलिए राइंदियगेणं आहि० ?, ता सत्तावीसं राइंदियाइं एक्कवीसं च सत्तद्विभागा राइंदियस्स राइंदियगेणं आहि०, ता से णं केवलिए मुहुत्तगेणं आहि० ? ता अट्ठसए एकूणवीसे मुहुत्ताणं सत्तावीसं च सत्तद्विभागे मुहुत्तस्स मुहुत्तगेणं आहि०, ता एएसिं णं अब्बा दुवालसक्खुत्तकडा णक्खत्ते संवच्छरे, ता से णं केवलिए राइंदियगेणं आहि० ?, ता तिणिण सत्तावीसे राइंदियसते एक्कावन्नं च सत्तद्विभागे राइंदियस्स राइंदियगेणं आहि०, ता से णं केवलिए मुहुत्तगेणं आहि० ?, ता णव मुहुत्तसहस्सा अट्ठ य बत्तीसे मुहुत्तसए छप्पन्नं च सत्तद्विभागे मुहुत्तस्स मुहुत्तगेणं आहि० ता एएसिं णं पंचण्हं संवच्छराणं दोच्चस्स चंदसंवच्छरस्स चंदे मासे तीसतिमुहुत्तेणं २ अहोरत्तेणं गणिज्जमाणे केवलिए राइंदियगेणं आहि०?, ता एगूणतीसं राइंदियाइं बत्तीसं बावड्विभागा राइंदियस्स राइंदियगेणं आहितेति वदेज्जा, ता से णं केवलिए मुहुत्तगेणं आहि० ?, ता अट्ठपंचासीते मुहुत्तसए तीसं च बावड्विभागे मुहुत्तगेणं आहि०, ता एस णं अब्बा दुवालसक्खुत्तकडा चंदे संवच्छरे, ता से णं केवलिए राइंदियगेणं आहि०?, ता तिन्नि चउप्पन्ने राइंदियसते दुवालस य बावड्विभागा राइंदियगेणं आहि०, ता से णं केवलिए मुहुत्तगेणं आहि० ?, ता दस मुहुत्तसहस्साइं छच्च पणुवीसे मुहुत्तसए पण्णासं च बावड्विभागे

॥ श्री चन्द्रप्रज्ञप्त्युपाङ्गम् ॥

७५

पू. सागरजी म. संशोधित

मुहुत्तगेणं आहि०, ता एएसिं णं पंचणहं संवच्छराणं तच्चस्स उडुसंवच्छरस्स उडुमासे तीसतिसमुहुत्तेणं गणिज्जमाणे केवतिए राइंदियगेणं आहि०?, ता तीसं राइंदियाणं राइंदियगेणं आहि०, ता से णं केवतिए मुहुत्तगेणं पुच्छा, ता णव मुहुत्तसताइं मुहुत्तगेणं आहि०, ता एस णं अब्बा दुवालसखुत्तकडा उडुसंवच्छरे, ता से णं केवतिए राइंदियगेणं आहि० ?, ता तिणिण सट्ठे राइंदियसते राइंदियगेणं आहि०, ता से णं केवतिए मुहुत्तगेणं आहि०, ता दस मुहुत्तसहस्साइं अट्ठ य सयाइं मुहुत्तगेणं आहि०, ता एएसिं णं पंचणहं संवच्छराणं चउत्थस्स आदिच्चसंवच्छरस्स आइच्चे मासे तीसतिमुहुत्तेणं अहोरत्तेणं गणिज्जमाणे केवइए राइंदियगेणं आहि०?, ता तीसं राइंदियाइं अवद्धभागं च राइंदियस्स राइंदियगेणं०, ता से णं केवतिए मुहुत्तगेणं पुच्छा, ता णव पण्णरस्स मुहुत्तसए मुहुत्तगेणं आहि०, ता एस णं अब्बा दुवालसखुत्तकडा आदिच्चे संवच्छरे, ता से णं केवतिए राइंदिय० पुच्छा, ता तिन्नि छावट्ठे राइंदियसए राइंदियगेणं आहि०, ता से णं केवतिए मुहुत्तगेणं पुच्छा, ता दस मुहुत्तसहस्साइं णव असीते मुहुत्तसते मुहुत्त०, ता एएसिं णं पंचणहं संवच्छराणं पंचमस्स अभिवड्ढियसंवच्छरस्स अभिवड्ढिते मासे तीसतिमुहुत्तेणं अहोरत्तेणं गणिज्जमाणे केवतिए राइंदियगेणं पुच्छा, ता एक्कतीसं राइंदियाइं एगूणतीसं च मुहुत्ता सत्तरस य बावट्ठिभागे मुहुत्तस्स राइंदियगेणं आहि०, ता से णं केवतिए मुहुत्त० पुच्छा, ता णव एगूणसट्ठे मुहुत्तसते सत्तरस य बावट्ठिभागे मुहुत्तस्स मुहुत्तगेणं आहि० ता एस णं अब्बा दुवालसखुत्तकडा अभिवड्ढितसंवच्छरे, ता से णं केवतिए राइंदियगेणं पुच्छा, तिणिण तेसीते राइंदियसते एक्कवीसं च

॥ श्री चन्द्रप्रज्ञप्त्युपाङ्गम् ॥

७६

पू. सागरजी म. संशोधित

मुहुत्ता अट्टारस बावट्टिभागा मुहुत्तस्स राइंदियग्गेणं आहि०, ता से णं केवतिए मुहुत्तग्गेण पुच्छा, ता एक्कारस मुहुत्तसहस्साइं पंच य एक्कारस मुहुत्तसते अट्टारस बावट्टिभागा मुहुत्तस्स मुहुत्तग्गेणं आहि० । ७२ । ता केवतियं ते नोजुगे राइंदियग्गेणं आहि०?, ता संत्तरस एक्काणउते राइंदियसते एगूणवीसं च सत्तावण्णे बावट्टिभागा मुहुत्तस्स बावट्टिभागं च सत्तट्ठिधा छेत्ता पणपण्णं चुण्णिया भागा राइंदियग्गेणं आहि०, ता से णं केवतिए मुहुत्तग्गेणं आहि०?, ता तेपण्णं मुहुत्तसहस्साइं सत्त य अउणापत्रे मुहुत्तसते सत्तावण्णं बावट्टिभागा मुहुत्तस्स बावट्टिभागं च सत्तट्ठिधा छेत्ता पणपण्णं चुण्णिया भागा मुहुत्तग्गेणं आहि०, ता केवतिए णं ते जुगप्पत्ते राइंदियग्गेणं आहि०?, ता अट्ठतीसं राइंदियाइं दस य मुहुत्ता चत्तारि य बावट्टिभागा मुहुत्तस्स बावट्टिभागं च सत्तट्ठिधा छेत्ता दुवालस चुण्णिया भागा राइंदियग्गेणं आहि०, ता से णं केवतिए मुहुत्तग्गेणं आहि० ?, ता एक्कारस पण्णासे मुहुत्तसए चत्तारि य बावट्टिभागा बावट्टिभागं च सत्तट्ठिहा छेत्ता दुवालस चुण्णिया भागा मुहुत्तग्गेणं आहि०, ता केवतियं जुगे राइंदियग्गेणं आहि०?, ता अट्टारसतीसे राइंदियसते राइंदियग्गेणं आहि०, ता से णं केवतिए मुहुत्तग्गेणं आहि०?, ता चउप्पणं मुहुत्तसहस्साइं णव य मुहुत्तसताइं मुहुत्तग्गेणं आहि० ता से णं केवतिए बावट्ठिभागमुहुत्तग्गेणं आहि० ता चउत्तीसं सत्तसहस्साइं अट्ठतीसं च बावट्ठिभागमुहुत्तसते मुहुत्तग्गेण आहि० । ७३ । ता कता णं एते आदिच्चचंदसंवच्छरा समादीया समपज्जवसिया आहि० ?, ता सट्ठिं एए आदिच्च मासा बावट्ठी एते चंदा मासा एस णं अब्बां छखुत्तकडा दुवालसभयिता तीसं एते आदिच्चसंवच्छरा एकतीसं

॥ श्री चन्द्रप्रज्ञप्त्युपाङ्गम् ॥

७७

पू. सागरजी म. संशोधित

एते चंदसंवच्छरा, तता णं एते आदिच्चचंदसंवच्छरा समादीया समपज्जवसिया आहि० ता कता णं एते आदिच्चउडुचंदणक्खत्ता संवच्छरा समादीया समपज्जवसिया आहि०?, ता सट्ठी एते आदिच्या मासा एगट्ठी एते उडू मासा बावट्ठी एते चंदमासा सत्तट्ठी एते नक्खत्ता मासा एस णं अब्बा दुवालसखुत्तकडा दुवालसभयिता सट्ठी एते आदिच्या संवच्छरा एगट्ठी एते उडु संवच्छरा बावट्ठी एते चंदा संवच्छरा सत्तट्ठी एते नक्खत्ता संवच्छरा तता णं एते आदिच्चउडुचंदणक्खत्ता संवच्छरा समादीया समपज्जवसिया आहि०, ता कता णं एते अभिवडिढआदिच्चउडुचंदणक्खत्ता संवच्छरा समादिया समपज्जवसिता आहि०?, ता सत्तावण्णं मासा सत्त य अहोरत्ता एक्कारस य मुहुत्ता तेवीसं बावट्ठिभागा मुहुत्तस्स एते णं अभिवडिढता मासा सट्ठी एते आदिच्या मासा एगट्ठी एते उडू मासा बावट्ठी एते चंदा मासा सत्तट्ठी एते नक्खत्ता मासा एस णं अब्बा छप्पण्णसत्तखुत्तकडा दुवालसभयिता सत्त सता चोत्ताला एते णं अभिवडिढता संवच्छरा, सत्त सता असीता एते णं आदिच्या संवच्छरा, सत्त सता तेणउता एते णं उडू संवच्छरा, अट्ठ सता छलुत्तरा एते णं चंदा संवच्छरा, एकसत्तरी अट्ठ सया एए णं नक्खत्ता संवच्छरा, तता णं एते अभिवडिढतआदिच्चउडुचंदनक्खत्ता संवच्छरा समादीया समपज्जवसिया आहि०, ता णयट्ठताए णं चंदे संवच्छरे तिण्णि चउप्पण्णे राइंदियसते दुवालस य बावट्ठिभागे राइंदियस्स आहि०, ता अहातच्चेणं चंदे संवच्छरे तिण्णि चउप्पण्णे राइंदियसते पंच य मुहुत्ते पण्णासं च बावट्ठिभागे मुहुत्तस्स आहि० । ७४। तत्थ खलु इमे छ उडू पं० तं०-पाउसे वरिसारत्ते सरते हेमंते वसंते गिम्हे, ता सव्वेवि णं एते चंदउडू दुवे २

॥ श्री चन्द्रप्रज्ञप्युपाङ्गम् ॥

७८

पू. सागरजी म. संशोधित

मासाति चउप्पण्णेणं २ आदाणेणं गणिज्जमाणा सातिरेगाइं एगूणसट्ठी २ राइंदियाइं राइंदियग्गेणं आहि०, तत्थ खलु इमे छ ओमरत्ता पं० तं०-ततिए पव्वे सत्तमे एक्कारसमे पत्ररसमे एगूणवीसतिमे तेवीसतिमे पव्वे, तत्थ खलु इमे छ अतिरत्ता पं० तं०-चउत्थे पव्वे अट्ठमे बारसमे सोलसमे वीसतिमे चउवीसतिमे पव्वे छच्चेव य अइरत्ता आइच्चाओ हवंति जाणाइ। छच्चेव ओमरत्ता चंदाउ हवंति माणाहिं ॥ ३४ ॥ ७५ ॥ तत्थ खलु इमाओ पंच वासिक्कीओ पंच हेमंतीओ आउट्ठीओ पं०, ता एएसिं णं पंचण्हं संवच्छराणं पढमं वासिक्किं आउट्ठिं चंदे केणं नक्खत्तेणं जोएति ?, ता अभीयिणा, अभीयिस्स पढमसमएणं, तंसमयं च णं सूरे केणं णक्खत्तेणं जोएति ?, ता पूसेणं, पूसस्स एगूणवीसं मुहुत्ता तेत्तालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेत्तीसं चुण्णिया भागा सेसा, ता एएसिं पंचण्हं संवच्छराणं दोच्चं वासिक्किं आउट्ठिं चंदे केणं०?, ता संठाणाहिं, संठाणाणं एक्कारस मुहुत्ता ऊतालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेपणं चुण्णिया भागा सेसा, तंसमयं सूरे केणं पुच्छा, ता पूसेणं, पूसस्स णं तं चेव, ता एतेसिं णं पंचण्हं संवच्छराणं तच्चं वासिक्किं आउट्ठिं चंदे केणं पुच्छा, ता विसाहाहिं, विसाहाणं तेणं चेव अभिलावेणं तेरस चउप्पण्णा चत्तालीसं चुण्णिया, तंसमयं च णं सूरे केणं०?, ता पूसेणं, पूसस्स तं चेव, ता एतेसिं णं पंचण्हं संवच्छराणं चउत्थं वासिक्किं आउट्ठिं चंदे केणं०? ता रेवतीहिं, रेवतीणं पणवीसं मुहुत्ता छत्तीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता छव्वीसं चुण्णिया भागा सेसा, तंसमयं च णं सूरे केणं०?, ता पूसेणं, पूसस्स तं चेव, ता एएसिं णं पंचण्हं संवच्छराणं

॥ श्री चन्द्रप्रज्ञप्त्युपाङ्गम् ॥

७९

पू. सागरजी म. संशोधित

पंचमं वासिक्किं आउट्ठिं चंदे केणं० ?, ता पुव्वाहिं फग्गुणीहिं, पुव्वाफग्गुणीणं बारस सत्तालीसा तेरस चुण्णिया, तंसमयं च णं सूरे केणं० ?, ता पूसेणं, पूसस्स तं चेव एग्गुणवीसा तेताली तेत्तीसा । ७६ । ता एएसिं णं पंचणहं संवच्छराणं पढमं हेमंतिं आउट्ठिं चंदे केणं णक्खत्तेणं जोएति ?, ता हत्थेणं, हत्थस्स णं पंच मुहुत्ता पण्णासं च बावट्ठिभागा मुहुत्तस्स बावट्ठिभागं च सत्तट्ठिथा छेत्ता सट्ठी चुण्णिया भागा सेसा, तंसमयं च णं सूरे केणं० ?, उत्तराहिं आसाढाहिं, उत्तराणं आसाढाणं चरिमसमए, ता एएसिं णं पंचणहं संवच्छराणं दोच्चं हेमंतिं आउट्ठिं चंदे केणं० ?, ता पूसेणं, पूसस्स एकूणवीसं तेताला तेत्तीसं चुण्णिया, तंसमयं च णं सूरे केणं० ?, ता उत्तराहिं आसाढाहिं, उत्तराणं आसाढाणं चरिमसमए, ता एतेसिं णं पंचणहं संवच्छराणं चउत्थिं हेमंतिं आउट्ठिं चंदे केणं० ?, ता मूलेणं, मूलस्स छ चेव अट्ठावन्ना वीसं चुण्णिया, तंसमयं च णं सूरे केणं० ?, ता उत्तराहिं आसाढाहिं, उत्तराणं आसाढाणं चरिमसमए, ता एतेसिं णं पंचणहं संवच्छराणं पंचमं हेमंतिं आउट्ठिं चंदे केणं०?, कत्तियाहिं, कत्तियाणं अट्ठारस मुहुत्ता छत्तीसं च बावट्ठिभागा मुहुत्तस्स बावट्ठिभागं च सत्तट्ठिथा छेत्ता छ चुण्णिया भागा सेसा, तंसमयं च णं सूरे० ?, ता उत्तराहिं आसाढाहिं उत्तराणं आसाढाणं चरिमसमए । ७७ । तत्थ खलु इमे दसविधे जोए पं० तं०-वसभाणुजोए वेणुयाणुजोते मंचे मंचाइमंचे छत्ते छत्तातिच्छत्ते जुअणद्धे घणसंमदे (घण) पीणिते मंडकप्पुते णामं दसमे, एतेसिं णं पंचणहं संवच्छराणं छत्तातिच्छत्तं जोयं चंदे कंसि देसंसि जोएति ?, ता जंबुदीवस्स पाईणपडीणायताए उदीणदाहिणायताए जीवाए मंडलं चउव्वीसेणं

॥ श्री चन्द्रप्रज्ञप्त्युपाङ्गम् ॥

८०

पू. सागरजी म. संशोधित

सतेणं छित्ता दाहिणपुरच्छिमिलंसि चउभागीमंडलंसि सत्तावीसं भागे उवादिणावेत्ता अट्ठावीसतिभागं वीसथा छेत्ता अट्टारसभागे उवादिणावेत्ता तीहिं भागेहिं दोहि य कलाहिं दाहिणपुरच्छिमिलं चउम्भागमंडलं असंपत्ते एत्थ णं से चंदे छत्तातिच्छत्तं जोयं जोएति, तं०-उप्पि चंदा मज्जे णक्खत्ते हेट्ठा आदिच्चे, तंसमयं च णं चंदे केणं णक्खत्तेणं जोएति ?, ता चित्ताहिं, चित्ताणं चरमसमए ॥ ७८ ॥ बारसमं पाहुडं १२ ॥

ता कहं ते चंदमसो वड्ढोवड्ढी आहि०?, ता अट्ठ पंचासीते मुहुत्तसते तीसं च बावट्ठिभागा मुहुत्तस्स, ता दोसिणापक्खाओ अन्धगारपक्खमयमाणे चंदे चत्तारि बायालसते छत्तालीसं च बावट्ठिभागे मुहुत्तस्स जाइं चंदे रज्जति तं०-पढमाए पढमं भागं जाव पण्णरसीए पन्नरसं भागं, चरिमसमए चंदे रत्ते भवति अवसेसे समए चंदे रत्ते य विरत्ते य भवति, इयण्णं अमावासा, एत्थ णं पढमे पव्वे पव्वे अमावासे, ता अंधारपक्खातो णं दोसिणापक्खं अयमाणे चंदे चत्तारि बायाले मुहुत्तसते छत्तालीसं च बावट्ठिभागा मुहुत्तस्स जाइं चंदे विरज्जति, तं०-पढमाए पढमं जाव पण्णरसीए पण्णरसमं भागं, चरिमे समये चंदे विरत्ते भवति अवसेससमए चंदे रत्ते य विरत्ते य भवति, इयण्णं पुण्णमासिणी, एत्थ णं दोच्चे पव्वे पुण्णमासिणी । ७९ । तत्थ खलु इमाओ बावट्ठी पुण्णमासिणीओ बावट्ठी अमावासाओ पं०, बावट्ठी एते कसिणा रागा बावट्ठी एते कसिणा विरागा, एते चउव्वीसे पव्वसते एते चउव्वीसे कसिणरागविरागसते, जावतियाणं पंचण्हं संवच्छराणं समया एगेणं चउव्वीसेणं समयसतेणूणका एवतिया परित्ता

॥ श्री चन्द्रप्रज्ञप्त्युपाङ्गम् ॥

८१

पू. सागरजी म. संशोधित

असंखेज्जा देसराग विरागसता भबंतीतिमक्खाता, ता अमावासतो णं पुण्णमासिणी चत्तारि बाताले मुहुत्तसते छत्तालीसं बावट्ठिभागे मुहुत्तस्स आहि०, ता पुण्णमासिणीतो णं अमावासा चत्तारि बायाले मुहुत्तसते छत्तालीसं बावट्ठिभागे मुहुत्तस्स आहि०, ता अमावासतो णं अमावासा अट्ठपंचासीते मुहुत्तसते तीसं च बावट्ठिभागे मुहुत्तस्स आहि०, ता पुण्णमासिणीतो णं पुण्णमासिणी अट्ठपंचासीते मुहुत्तसते तीसं बावट्ठिभागे मुहुत्तस्स आहि०, एस णं एवतिए चंदे मासे एस णं एवतिए सगले जुगे । ८० । ता चंदेणं अद्धमासेणं चंदे कति मंडलाइं चरति ?, ता चोदस चउब्भागमंडलाइं चरति एगं च चउवीससतभागं मंडलस्स, ता आइच्चेणं अद्धमासेणं चंदे कति मंडलाइं चरति ?, ता सोलस मंडलाइं चरति, सोलसमंडलचारी तदा अवराइं खलु दुवे अट्ठकाइं जाइं चंदे केणइ असामण्णकाइं सयमेव पविट्ठित्ता २ चारं चरति, कतराइं खलु दुवे अट्ठकाइं जाइं चंदे जाव पविट्ठित्ता २ चारं चरति ?, इमाइं खलु ते दुवे अट्ठगाइं जाव चरति तं०-निक्खममाणे चेव अमावासंतेणं पविसमाणे चेव पुण्णमासिंतेणं, एताइं जाव चरइ, ता पढमायणगते चंदे दाहिणाते भागाते पविसमाणे सत्त अद्धमंडलाइं जाइं चंदे दाहिणाते जाव चरति, कतराइं खलु ताइं सत्त अद्धमंडलाइं जाव चरति?, इमाइं खलु ताइं सत्त अद्धमंडलाइं जाइं जाव चरति ?, तं०-बिदिए अद्धमंडले चउत्थे छट्ठे अट्ठमे दसमे बारसमे चउदसमे अद्धमंडले, एताइं खलु ताइं सत्त अद्धमंडलाइं जाव पविसमाणे चारं चरति, ता पढमायणगते चंदे उत्तराते भागाते पविसमाणे छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उरत्ताते भागाए पविसमाणे चारं चरति, कतराइं खलु ताइं छ अद्धमंडलाइं जाव

॥ श्री चन्द्रप्रज्ञप्त्युपाङ्गम् ॥

८२

पू. सागरजी म. संशोधित

चारं चरति ?, इमाइं खलु ताइं छ अद्धमंडलाइं० तं०-तईए पंचमे सत्तमे नवमे एक्कारसमे तेरसमे अद्धमंडले पन्नरसममंडलस्स तेरस सत्तट्ठिभागाइं, एताइं खलु ताइं छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं चरति, एतावया च पढमे चंदायणे समत्ते भवति, ता णक्खत्ते अद्धमासे नो चंदे अद्धमासे चंदे अद्धमासे नो णक्खत्ते अद्धमासे, ता नक्खत्ताओ अद्धमासातो ते चंदे चंदेणं अद्धमासेणं किमधियं चरति ?, एगं अद्धमंडलं चत्तारि य सत्तट्ठिभागाइं अद्धमंडलस्स सत्तट्ठिभागं च एकतीसाए छेत्ता णव भागाइं, ता दोच्चायणगते चंदे पुरच्छिमाते भागाते णिक्खममाणे सत्त चउप्पण्णाइं जाइं चंदे परस्स चिन्नाइं पडिचरति सत्त तेरसकाइं जाइं चंदे अप्पणा चिण्णाइं चरति, ता दोच्चायणगते चंदे पच्चत्थिमाए भागाए निक्खममाणे छ चउप्पण्णाइं जाइं चंदे परस्स चिण्णाइं पडिचरति छ तेरसगाइं जाइं चंदे अप्पणा चिण्णाइं पडिचरति अवरगाइं खलु दुवे तेरसगाइं जाइं चंदे केणइ असामन्नगाइं सयमेव पविट्ठित्ता २ चारं चरति, कतराइं खलु ताइं दुवे जाव चरति ?, इमाइं खलु ताइं दुवे० तं०-सव्वब्भंतरे चेव मंडले सव्वबाहिरे चेव मंडले, एयाणि खलु ताणि दुवे जाव चरइ, एतावता दोच्चे चंदायणे समत्ते भवति, ता णक्खत्ते मासे नो चंदे मासे चंदे मासे णो णक्खत्ते मासे, ता णक्खत्ताते मासाए चंदे चंदेणं मासेणं किमधियं चरति ?, ता दो अद्धमंडलाइं चरति अट्ठ य सत्तट्ठिभागाइं अद्धमंडलस्स सत्तट्ठिभागं च एकतीसथा छेत्ता अट्ठारस भागाइं, ता तच्चायणगते चंदे पच्चत्थिमाते भागाए पविसमाणे बाहिराणंतरस्स पच्चत्थिमिल्लस्स अद्धमंडलस्स ईतालीसं सत्तट्ठिभागाइं जाइं चंदे अप्पणो परस्स य चिण्णाइं

॥ श्री चन्द्रप्रज्ञप्त्युपाङ्गम् ॥

८३

पू. सागरजी म. संशोधित

पडिचरति तेरस सत्तदिठभागाइं जाइं चंदे परस्स चिण्णाइं पडिचरति तेरस सत्तदिठभागाइं चंदे अप्पणो परस्स य चिण्णाइं पडिचरति, एतावयाव बाहिराणंतरे पच्चत्थिमिल्ले अद्धमंडले समत्ते भवति, तच्चायणगते चंदे पुरच्छिमाए भागाए पविसमाणे बाहिरतच्चस्स पुरच्छिमिल्लस्स अद्धमंडलस्स ईतालीसं सत्तदिठभागाइं जाइं चंदे अप्पणो परस्स य चिण्णाइं पडिचरति, तेरस सत्तदिठभागाइं जाइं चंदे परस्स चिण्णाइं पडिचरति तेरस सत्तदिठभागाइं जाइं चंदे अप्पणो परस्स य चिण्णाइं पडियरति, एतावताव बाहिरे तच्चे पुरच्छिमिल्ले अद्धमंडले समत्ते भवति, ता तच्चायणगते चंदे पच्चत्थिमाते भागाते पविसमाणे बाहिरचउत्थस्स पच्चत्थिमिल्लस्स अद्धमंडलस्स अट्ठ सत्तदिठभागाइं सत्तदिठभागं च एककीसथा छेत्ता अट्ठारस भागाइं जाइं चंदे अप्पणो परस्स य चिण्णाइं पडियरति, एतावताव बाहिरचउत्थपच्चत्थिमिल्ले अद्धमंडले समते भवइ, एवं खलु एवं चंदेणं मासेणं चंदे तेरस चउप्पण्णागाइं दुवे तेरसगाइं जाइं चंदे परस्स चिण्णाइं पडिचरति, तेरस तेरसगाइं जाइं चंदे अप्पणो चिण्णाइं पडियरति, दुवे ईतालीसगाइं दुवे तेरसगाइं अट्ठ सत्तदिठभागाइं सत्तदिठभागं च एककीसथा छेत्ता अट्ठारसभागाइं जाइं चंदे अप्पणो परस्स य चिण्णाइं पडिचरति, अवराइं खलु दुवे तेरसगाइं जाइं चंदे केणइ असा मन्नगाइं सयमेव पविदिठता २ चारं चरति, इच्चेसो चंदमासोऽभिगमणणिक्खमणवुडिढणिवुडिढ-अणवदिठतसंठाणसंठितीविउव्वणगिडिढपत्ते रूवी चंदे देवे २ आहि० ॥ ८१॥ तेरसमं पाहुडं १३॥

ता कता ते दोसिणा बहू आहि०?, ता दोसिणापक्खे णं दोसिणा बहू आहि०, ता कहं दोसिणापक्खे दोसिणा बहू आहि०?,

॥ श्री चन्द्रप्रज्ञप्त्युपाङ्गम् ॥

८४

पू. सागरजी म. संशोधित

ता अंधकारपक्खाओ णं दोसिणा बहू आहि०, ता कहं ते अंधयारपक्खातो दोसिणापक्खे दोसिणा बहू आहि०?, ता अंधकारपक्खातो णं दोसिणापक्खं अयमाणे चंदे चत्तारि बायाले मुहुत्तसते छातालीसं च बावट्टिभागे मुहुत्तस्स जाइं चंदे विरज्जति, तं०-पढमाए पढमं भागं जाव पण्णरसीए पण्णरसं भागं, एवं खलु अंधकारपक्खातो दोसिणापक्खे दोसिणा बहू आहि०, ता केवतिया णं दोसिणापक्खे दोसिणा बहू आहि०?, ता परित्ता असंखेज्जा भागा, ता कता ते अंधकारे बहू आहि०?, ता अंधयारपक्खे णं बहू अंधकारे आहि०, ता कहं ते अंधकारपक्खे अंधकारे बहू आहि०?, ता दोसिणापक्खातो अंधकारपक्खे अंधकारे बहू आहि०, ता कहं ते दोसिणापक्खातो अंधकारपक्खे अंधकारे बहू आहि०? ता दोसिणापक्खातो णं अंधकारपक्खं अयमाणे चंदे चत्तारि बायाले मुहुत्तसते छायालीसं च बावट्टिभागे मुहुत्तस्स जाइं चंदे रज्जति तं०-पढमाए पढमं भागं जाव पण्णरसीए पण्णरसं भागं, एवं खलु दोसिणापक्खातो अंधकारपक्खे अंधकारे बहू आहि०, ता केवतिएणं अंधकारपक्खे अंधकारे बहू आहि०?, परित्ता असंखेज्जा भागा ॥ ८२ ॥ चोदसमं पाहुडं १४ ॥

ता कहं ते सिग्घगती वत्थू आहि०, ता एतेसिं णं चंदिमसूरियगहगणनक्खत्ततारारूवाणं चंदेहिंतो सूरा सिग्घगती सूरैहिंता गहा० गहेहिंतो णक्खत्ता० णक्खत्तेहिंतो तारा० सव्वप्पगती चंदा सव्वसिग्घगती तारा, ता एगमेगेणं मुहुत्तेणं चंदे केवतियाइं भागसताइं गच्छति ?, ता जं जं मंडलं उवसंकमिन्ता चारं चरति तस्स २ मंडलपरिक्खेवस्स सत्तरस अडसट्ठिं भागसते गच्छति

॥ श्री चन्द्रप्रज्ञप्त्युपाङ्गम् ॥

८५

पू. सागरजी म. संशोधित

मंडलं सतसहस्सेणं अट्टाणउतीसतेहिं छेत्ता, ता एगमेगेणं मुहुत्तेणं सूरिए केवतियाइं भागसयाइं गच्छति ?, ता जं जं मंडलं उवसंकभित्ता चारं चरति तस्स २ मंडलपरिक्खेवस्स अट्टारस तीसे भागसते गच्छति मंडलं सतसहस्सेणं अट्टाणउतीसतेहिं छेत्ता, ता एगमेगेणं मुहुत्तेणं णक्खत्ते केवतियाइं भागसताइं गच्छति ?, ता जं जं मंडलं उवसंकभित्ता चारं चरति तस्स २ मंडलपरिक्खेवस्स अट्टारस पणतीसे भागसते गच्छति मंडलं सतसहस्सेणं अट्टाणउतीसतेहिं छेत्ता ॥ ८३ ॥ ता जया णं चंदं गतिसमावण्णं सूरें गतिसमावण्णे भवति से णं गतिमाताए केवतियं विसेसेति ?, बावट्ठिभागे विसेसेति, ता जया णं चंदं गतिसमावण्णं णक्खत्ते गतिसमावण्णे भवइ से णं गतिमाताए केवतियं विसेसेइ ?, ता सत्तट्ठि भागे विसेसेति, ता जता णं सूरं गतिसमावण्णं णक्खत्ते गतिसमावण्णे भवति से णं गतिमाताए केवतियं विसेसेति ? ता पंच भागे विसेसेति, ता जता णं चंदं गतिसमावण्णं अभीयीणक्खत्ते णं गतिसमावण्णे पुरच्छिमाते भागाते समासादेति ता णव मुहुत्ते सत्तावीसं च सत्तट्ठिभागे मुहुत्तस्स चंदेण सद्धिं जाव जोएति ता जोयं अणुपरियट्ठति ता विप्पजहाति ता विगतजोई यावि भवति, ता जता णं चंदं गतिसमावण्णं सवणे णक्खत्ते गतिसमावण्णे पुरच्छिमाते तहेव जहा अभियिस्स नवरं तीसं मुहुत्ते चंदेण सद्धिं जोअं जोएति ता विगतजोई यावि भवइ, एवं पण्णारसमुहुत्ताइं तीसतिमुहुत्ताइं पणयालीसमुहुत्ताइं भाणितव्वाइं जाव उत्तरासाढा (सूर्य० ता जता णं चंदं गतिसमावण्णं गहे गतिसमावण्णे पुरच्छिमाते भागाते समासादेति ता चंदेणं सद्धिं जोगं जुंजति ता जोगं अणुपरियट्ठति ता विप्पजहाति विगतजोई यावि भवति)

॥ श्री चन्द्रप्रज्ञप्त्युपाङ्गम् ॥

८६

पू. सागरजी म. संशोधित

ता जया णं सूरं गतिसमावण्णं अभीयीणक्खत्ते गतिसमावण्णे पुरच्छिमाते भागाते समासादेति ता चत्तारि अहोरत्ते छच्च मुहुत्ते
 सूरेणं सद्धिं जोयं जोएति ता जाव विगतजोगी यावि भवति, एवं सूरेण सद्धिं जोगो भाणियव्वो जाव उत्तरासाढाणक्खत्ते विगतजोगी
 यावि भवति (सूर्य० ता जता णं सूरं गतिसमावण्णं गहे गतिसमावण्णे पुरच्छिमाते भागाते समासादेति ता सूरेण सद्धिं यथाजोयं
 जुंजति ता यथाजोयं अणुपरियट्ठति ता जाव विप्पजहति ता विगतजोगी यावि भवति) ॥ ८४ ॥ ता णक्खत्तेणं मासेणं चंदे
 कति मंडलाइं चरति ?, ता तेरस मंडलाइं चरति तेरस य सत्तट्ठिभागे मंडलस्स, ता णक्खत्तेणं मासेणं सूरे पुच्छा, तेरस मंडलाइं
 चरति चोत्तालीसं च सत्तट्ठिभागे मंडलस्स, ता णक्खत्तेणं मासेणं णक्खत्ते० ?, ता तेरस मंडलाइं चरति अब्बसीतालीसं च
 सत्तट्ठिभागे मंडलस्स, ता चंदेणं मासेणं चंदे कति मंडलाइं चरति ?, चोदस चउभागाइं मंडलाइं चरति एगं च चउव्वीससतं
 भागं मंडलस्स, ता चंदेणं मासेणं सूरे कति पुच्छा, ता पण्णरस चउभागूणाइं मंडलाइं चरति एगं च चउवीससयभागं मंडलस्स,
 ता चंदेणं मासेणं णक्खत्ते कति पुच्छा, ता पण्णरस चउभागूणाइं मंडलाइं चरति छच्च चउवीससतभागे मंडलस्स, ता उडुणा
 मासेणं चंदे कति पुच्छा, ता चोदस मंडलाइं चरति तीसं च एगट्ठिभागे मंडलस्स, ता उडुणा मासेणं सूरे कति पुच्छा, ता पण्णरस
 मंडलाइं चरति, ता उडुणा मासेणं णक्खत्ते कति पुच्छा, ता पण्णरस मंडलाइं चरति पंच य बावीससतभागे मंडलस्स, ता आदिच्चेणं
 मासेणं चंदे कति मंडलाइं चरति ?, ता चोदस मंडलाइं चरति एक्कारस य पन्नरसभागे मंडलस्स, ता आदिच्चेणं मासेणं सूरे कति

॥ श्री चन्द्रप्रज्ञप्त्युपाङ्गम् ॥

८७

पू. सागरजी म. संशोधित

पुच्छा, ता पण्णरस चउभागाहिगाइं मंडलाइं चरति, ता आदिच्चेणं मासेणं णक्खत्ते कति पुच्छा, ता पण्णरस चउभागाहिगाइं मंडलाइं चरति पंचतीसं च वीससतभागमंडलाइं चरति, ता अभिवडिढएणं मासेणं चंदे कति मंडलाइं चरति ?, ता पण्णरस मंडलाइं तेसीतिं छलसीयसतभागे मंडलस्स, ता अभिवडिढतेणं मासेणं सूरु पुच्छा, ता सोलस मंडलाइं चरति तीहिं भागेहिं ऊणगाइं दोहिं अडयालेहिं सएहिं मंडलं छित्ता, अभिवडिढतेणं मासेणं नक्खत्ते कति मंडलाइं चरति ?, ता सोलस मंडलाइं चरति सीतालीसाए भागेहिं अहियाइं चोदसहिं अट्टासीएहिं सएहिं मंडलं छेत्ता ॥ ८५ ॥ ता एगमेगेणं अहोरत्तेणं चेदं कति मंडलाइं चरति ?, ता एगं अद्धमंडलं चरति एकतीसाए भागेहिं ऊणं णवहिं पण्णरसेहिं सएहिं अद्धमंडलं छेत्ता, ता एगमेगेणं अहोरत्तेणं सूरिए कति मंडलाइं चरति ?, ता एगं अद्धमंडलं चरति, ता एगमेगेणं अहोरत्तेणं णक्खत्ते कति मंडलाइं चरति ?, एगं अद्धमंडलं चरति दोहिं भागेहिं अधियं सत्तहिं बत्तीसेहिं सएहिं अद्धमंडलं छेत्ता, ता एगमेगं मंडलं चंदे कतिहिं अहोरत्तेहिं चरति ?, ता दोहिं अहोरत्तेहिं चरति दोहिं भागेहिं ऊणेहिं तिहिं सत्तसट्ठेहिं सतेहिं राइंदिएहिं छेत्ता, ता जुगेणं चंदे कति मंडलाइं चरति ?, ता अट्ट चुलसीते मंडलसते चरति, ता जुगेणं सूरु कति मंडलाइं चरति?, णवपण्णरसमंडलसते चरति, ता जुगेणं णक्खत्ते कति मंडलाइं चरति ?, ता अट्टारस पणतीसे दुभागमंडलसते चरति, इच्चेसा मुहुत्तगती रिक्खातिमासराइंदियजुगमंडलपविभत्ती सिग्घगती वत्थु आहि० ॥ ८६ ॥ पन्नरसमं पाहुडं १५ ॥

॥ श्री चन्द्रप्रज्ञप्त्युपाङ्गम् ॥

८८

पू. सागरजी म. संशोधित

ता कहं ते दोसिणालक्खणे आहि०?, चंदलेसादी य दोसिणादी य दोसिणाई य चंदलेसादी य के अट्टे किंलक्खणे ?, ता एकट्टे एगलक्खणे, ता सूरलेस्सादी य आयवेइ य आतवेति य सूरलेस्सादी य के अट्टे किंलक्खणे ?, ता एगट्टे एगलक्खणे, ता अंधकारेति य छायाइ य छायाति य अंधकारेति य के अट्टे किंलक्खणे?, ता एगट्टे एगलक्खणे ॥८७॥ सोलसमं पाहुडं १६॥

ता कहं ते चयणोववात आहि०?, तत्थ खलु इमाओ पणवीसं पडिवत्तीओ पं०, तत्थ एगे एव०-ता अणुसमयमेव चंदिमसूरिया अण्णे चयंति अण्णे उववज्जंति, एवं जच्चेवोयाए संठितीए पणुवीसं पडिवत्तीओ तातो एत्थंपि भाणितव्वाओ जाव ता अणुओसप्पिणीउस्सप्पिणीमेव चंदिमसूरिया अण्णे चयंति अण्णे उववज्जंति एगे एव०, वयं पुण एवं वदामो-ता चंदिमसूरिया णं देवा महिइढीआ महाजुतीया महाबला महाजसा महासोक्खा महाणुभावा वरवत्थधरा वरमल्लधरा वरगन्धधरा वराभरणधरा अब्बोच्छित्तियट्ठताए (काले) अण्णे चयंति अण्णे उववज्जंति आहि० ॥ ८८॥ सत्तरसमं पाहुडं १७॥

ता कहं ते उच्चत्ते आहि०?, तत्थ खलु इमाओ पणवीसं पडिवत्तीओ पं०, तत्थेगे एव०-ता एगं जोयणसहस्सं सूरै उट्ठं उच्चत्तेणं दिवइढं चंदे एगे एव०, एगे पुण०-ता दो जोयणसहस्साइं सूरै उट्ठं उच्चत्तेणं अइढातिज्जाइं चंदे एगे एव०, एवं एतेणं अभिलावेणं ता तिन्नि जोयणसहस्साइं सूरै अब्बट्ठठाइं चंदे चत्तारि जोयणसहस्साइं सूरै अब्बपंचमाइं चंदे पंच जोयणसहस्साइं सूरै अब्बच्छट्ठाइं चंदे एवं छ सूरै अब्बसत्तमाइं चंदे सत्त सूरै अब्बट्ठमाइं चंदे अट्ठ सूरै अब्बनवमाइं चंदे नव सूरै अब्बदसमाइं चंदे

॥ श्री चन्द्रप्रज्ञप्त्युपाङ्गम् ॥

८९

पू. सागरजी म. संशोधित

दस सूर अद्भएक्कारस चंदे एक्कारस सूर अद्भबारस चंदे बारस सूर अद्भतेरस चंदे तेरस सूर अद्भचोदस चंदे चोदस सूर अद्भपण्णरस चंदे पण्णरस सूर अद्भसोलस चंदे सोलस सूर अद्भसत्तरस चंदे सत्तरस सूर अद्भअट्टारस चंदे अट्टारस सूर अद्भएकूणवीसं चंदे एकोणवीसं सूर अद्भवीसं चंदे वीसं सूर अद्भएक्कवीसं चंदे एक्कवीसं सूर अद्भबावीसं चंदे बावीसं सूर अद्भतेवीसं चंदे तेवीसं सूर अद्भचउवीसं चंदे चउवीसं सूर अद्भपणवीसं चंदे एगे एव०, एगे पुण०-पणवीसं जोयणसहस्साइं सूर उड्ढंउच्चत्तेणं अद्भछव्वीसं चंदे एगे एव०, वयं पुण एवं वदामो-ता इमीसे रयणप्पभाए पुढवीए बहुसमरमणिजाओ भूमिभागाओ सत्त णउड्ढजोयणसए अबाहाए हेट्ठिल्ले ताराविमाणे चारं चरति अट्टजोयणसते अबाहाए सूरविमाणे चारं चरति अट्टअसीए जोयणसए अबाहाए चंदविमाणे चारं चरति णव जोयणसताइं अबाहाए उवरिल्ले ताराविमाणे चारं चरति हेट्ठिठल्लातो ताराविमाणातो दस जोयणाइं अबाहाए सूरविमाणे चारं चरति नउतिं जोयणे अबाहाए चंदविमाणे चारं चरति एवं जहेव जीवाभिगमे तहेव नेयव्वं सव्वब्भंतरिल्लं चारं संठाणं पमाणं वहंति सिग्घगती इड्ढी तारंतरं अग्गमहिंसीओ ठिती अप्पाबहुं जाव ताराओ संखेज्जगुणाओ (सूर्य० ८९.१९ गा०३१) १९१॥
अट्टारसमं पाहुडं १८॥

ता कति णं चंदिमसूरिया सव्वलोयंसि ओभासंति उज्जोवेति तवंति पभासंति आहिताति वदेज्जा?, तत्थ खलु इमाओ बारस पडिवत्तीतो पं०, तत्थेगे एव०-ता एगे चंदे एगे सूर सव्वलोगंसि ओभासंति जाव पभासंति आहितेति०, एगे पुण०-ता तिण्णि

॥ श्री चन्द्रप्रज्ञप्त्युपाङ्गम् ॥

९०

पू. सागरजी म. संशोधित

चंदा तिणिण चेव सूरा सव्वलोए० एगे०, एगे पुण०-ता आउट्ठिं चंदा एवं एएणं अभिलावेणं जातो चेव ततिए पाहुडे दुवालस पडिवत्तीओ तातो चेव इहंपि णेयव्वातो नवरं सत्त य दस य जाव ता बावत्तरं चंदसहस्सं बावत्तरं सूरितसहस्सं सव्वलोयं ओभासति जाव पभासति आहि० एगे एव०, वयं पुण एवं वयामो ता अयण्णं जंबुद्दीवे जाव परिक्खेवेणं, जंबूदीवे णं दीवे दो चंदा पभासेंसु पभासेंते जहा जीवाभिगमे जाव तारातो, ता जंबुद्दीवं णं लवणे णामं समुदे वट्टे वलयाकारसंठिते सव्वतो समंता परिक्खवित्ताणं चिट्ठति, ता लवणे णं समुदे किं समचक्कवालसंठिते विसमचक्कवालसंठिते?, ता समचक्कवालसंठिए नो विसमचक्कवालसंठिए, ता लवणे समुदे केवतियं चक्कवालविक्खंभेणं केवतितं परिक्खेवेणं आहि०?, ता दो जोयणसयसहस्साइं चक्कवालविक्खंभेणं पण्णरसजोयणसयसहस्साइं सत्तं चउआलं किंचिविसेसूणे परिक्खेवेणं, ता लवणे णं समुदे चत्तारि चंदा पभासिंसु वा जाव तारातो, ता लवणं समुदं धायतिसंडे णं दीवे वट्टे वलयाकारसंठिते जाव चिट्ठति, ता धायइसंडे णं दीवे समचक्कवालसंठिते एवं विक्खंभो परिक्खेवो जोतिसं जहा जीवाभिगमे जाव तारातो, ता धायतिसंडं णं दीवं कालोए णामं समुदे किं वट्टे वलयाकारसंठिते जाव चिट्ठति, ता कालोए णं समुदे किं समचक्कवालसंठिते विसम० एवं विक्खंभो परिक्खेवो जोतिसं च भाणियव्वं जाव तारातो, ता कालोअण्णं समुदं पुक्खरवरे णं दीवे वट्टे वल जाव चिट्ठति, ता पुक्खरवरे णं दीवे किं समचक्कवाल० विक्खंभो परिक्खेवो जोतिसं जाव तारातो, पुक्खरवरस्स णं दीवस्स चक्कवालविक्खंभस्स बहुमज्झदेसभाए एत्थ णं माणुसुत्तरे णामं पव्वते वट्टे

॥ श्री चन्द्रप्रज्ञप्त्युपाङ्गम् ॥

९१

पू. सागरजी म. संशोधित

वलयाकारसंठिते पं०, जे णं पुक्खरवरं दीवं दुहा विभयमाणे २ चिट्ठति तं०-अब्भंतरपुक्खरब्धं च बाहिरपुक्खरब्धं च, ता अब्भंतरपुक्खरब्धे णं किं समचक्कवालसं० एवं विक्खंभो परिक्खेवो जोतिसं गहातो य जाव एगससीपरिवारो तारागणकोडिकोडीणं, ता पुक्खरवरं णं दीवं पुक्खरोदे समुदे वट्टे वल जाव चिट्ठति, एवं विक्खंभो परिक्खेवो जोतिसं च भाणितव्वं जहा जीवाभिगमे जाव सयंभूरमणे। (सूर्य० १००-१ गा० ३२-८८)। १०१॥ एगूणवीसइमं पाहुडं १९॥

ता कहं ते अणुभागे आहियन्ति वइज्जा?, तत्थ खलु इमातो दो पडिवत्तीतो पं०, तत्थेगे एव०-ता चंदिमसूरिया णं णो जीवा अजीवा णो घणा झुसिरा णो बायरबोदिधरा कलेवरा णत्थि णं तेसिं उट्ठाणेति वा कम्मेति वा बलेइ वा वीरिएइ वा पुरिसकारपरक्कमेइ वा णो ते विज्जुं लवंति णो असणिं लवंति णो थणितं लवंति, अहे णं बायरे वाउयाएं संमुच्छति अहे णं बायरवाउयाए संमुच्छित्ता विज्जुं पि लवंति असणिं पि लवंति थणितं पि लवंति०, एगे पुण एव०-ता चंदिमसूरिया णं जीवा जो अजीवा घणा णो झुसिरा बादरबोदिधरा णो कलेवरा अत्थि णं तेसिं णं उट्ठाणेइ वा जाव पुरिसकारपरक्कमेति वा ते विज्जुं पि लवंति असणिं पि लवंति थणियं पि लवंति०, वयं पुण एवं वदामो-ता चंदिमसूरिता णं देवा महिडिडया जाव महासुक्खा वरवत्थधरा वरगंधधरा वरमल्लधरा वराभरणधरा अव्वोच्छित्तिणयट्ठताए अण्णे चयंति अण्णे उव्वज्जंति आहि० । १०२। ता कहं ते राहुकम्मे आहि०?, तत्थ खलु इमातो दो पडिवत्तीतो पं०, तत्थ एगे एव०-ता अत्थि णं से राहुदेवे जे णं चंदं सूरं च गेण्हति, एगे पुण०-ता णत्थि णं से राहुदेवे जे णं चंदं च

॥ श्री चन्द्रप्रज्ञप्त्युपाङ्गम् ॥

९२

पू. सागरजी म. संशोधित

पू. सागरजी म. संशोधित

मंजिद्वावण्णाभे अत्थि पीते० हलिद्ववण्णाभे अत्थि सुक्किल्लए० बासरासिवण्णाभे पं०, जया णं राहू आगच्छमाणे वा गच्छमाणे वा विउव्वमाणे वा परियारेमाणे वा चंदलेसं पुरच्छिमेणं आवरित्ताणं पच्चच्छिमेणं वीईवयइ तता णं पुरच्छिमेणं चंदे उवदंसेति पच्चत्थिमेणं राहू, जया णं राहू आगच्छमाणे वा जाव परियारेमाणे वा चंदस्स वा सूरस्स वा लेसं पच्चच्छिमेणं आवरित्ता पुरच्छिमेणं वीईवयइ तथा णं पच्चत्थिमेणं चंदे उवदंसेति पुरत्थिमेणं राहू, एएणं अभिलावेणं दाहिणेणं आवरेत्ताणं उत्तरेणं वीईवयइ उत्तरेणं आवरेत्ता दाहिणेणं वीईवयइ उत्तरपुरत्थिमेणं आवरेत्ता दाहिणपच्चत्थिमेणं वीईवयइ दाहिणपच्चत्थिमेणं आवरेत्ता उत्तरपुरत्थिमेणं वीईवयइ दाहिणपुरत्थिमेणं आवरेत्ता उत्तरपच्चत्थिमेणं वीईवयइ उत्तरपच्चत्थिमेणं आवरेत्ता दाहिणपुरत्थिमेणं वीईवयइ तथा णं उत्तरपच्चत्थिमेणं चंदे उवदंसेति दाहिणपुरत्थिमेणं राहू, ता जता णं राहू आगच्छमाणे वा गच्छ० चंदस्स लेस्सं आवरेति तता णं मणुस्सलोगे मणुस्सा वतंति एवं खलु राहुणा चंदे गहिए २, ता जता णं राहू आगच्छमाणे वा० चंदलेस्सं आवरित्ता पासेण वीईवयइ तता णं मणुस्सलोए मणुस्सा वदंति एवं खलु राहुणा चंदे वंते २, ता जता णं राहू आगच्छमाणे वा० चंदस्स लेस्सं आवरेत्ताणं मज्झेणं वीईवयइ तता णं मणुस्सलोगे मणुस्सा वतंति एवं खलु राहुणा चंदे वइयरिए २, ता जता णं राहू आगच्छमाणे वा० चंदस्स लेस्सं अहे सपक्खि सपडिदिसिं आवरेत्ताणं चिद्धति तता णं मणुस्सलोए मणुस्सा वतंति एवं खलु राहुणा चंदे घत्थे २, ता कतिविहे णं राहू पं०?, ता दुविहे राहू पं० तं०-धुवराहू य पव्वराहू य, तत्थ णं जे से धुवराहू से णं बहुलपक्खस्स पडिवाए

॥ श्री चन्द्रप्रज्ञप्त्युपाङ्गम् ॥

९४

पू. सागरजी म. संशोधित

पण्णरसतिभागेणं पण्णरसतिभागं चंदलेसं आवरेमाणे चिट्ठति तं०-पढमाए पढमं भागं बितियाए बितियं भागं जाव पण्णरसीए पण्णरसमं भागं, चरिमसमते चंदे रत्ते भवति अवसेससमए चंदे रत्ते विरत्ते य भवति, तमेव सुक्कपक्खम्मि उवदंसेमाणे २ चिट्ठति तं०-पढमाए पढमं भागं जाव पण्णरसमं भागं, चरिमे समए चंदे विरत्ते भवति अवसेससमए चंदे रत्ते य विरत्ते य भवति, तत्थ णं जे से पव्वराहू से जह० छण्हं मासाणं उक्को० बातालीसाते मासाणं चंदस्स अडतालीसाए संवच्छराणं सूरस्स ११०३१ ता से केणट्ठेणं एवं वुच्चति चंदे ससी २?, ता चंदे णं जोइसिंदे जोतिसराया सोमे कंते सुभगे पियदंसणे सुरूवे ता से एतेणट्ठेणं एवं वुच्चत्तिचंदे ससी २, ता से केणट्ठेणं एवं वुच्चति सूरे आइच्चे २?, ता सूरादिया णं समताति वा आवलिवाति वा जाव उस्सप्पिणीति वा ओसप्पिणीति वा से एएणं अट्ठेणं एवं वुच्चति सूरे आदिच्चे २११०४१ ता चंदस्स णं जोतिसिंदस्स जोतिसरण्णो कति अगमहिसीओ पं०?, चत्तारि अगमहिसीओ पं० तं०-चंदप्पहा दोसिणाभा अच्चिमाली पभंकरा, तत्थ णं एगमेगाए देवीए चत्तारि २ एवं चेव पुव्वभणितं अट्टारसमे पाहुडे तहा णायव्वं जाव मेहुणवत्तिं, एवं सूरस्सवि, ता सूरियचंदिमा णं जोतिसिंदा जोतिसरायाणो केरिसए कामभोगे पच्चणुभवमाणा विहरंति?, ता से जहाणामए केइ पुरिसे पढमजुव्वणुट्ठाणबलसमत्थाए भारियाए सद्धिं अचिरवत्तवीवाहे अत्थगवेसणताए सोलसवासविप्पवसिते ता से णं तता लद्धट्ठे कयकज्जे अणहसमग्गे पुणरवि सयं गिहं हव्वमागते ण्हाए जाव सर्रीरे मणुण्णं थालीपागसुद्धं अट्टारसवंजणाउलं भोयणं भुत्ते समाणे तंसि तारिसगंसि वासघरंसि अब्भितरतो सच्चित्तकम्मे

॥ श्री चन्द्रप्रज्ञप्त्युपाङ्गम् ॥

९५

पू. सागरजी म. संशोधित

बाहिरतो दूमियघट्टमट्टे विचित्तउल्लोयचिल्लिगतले मणिरयणपणासियंधयारे बहुसमरमणिज्जभूमिभागे पंचवण्णसरससुरभिमुक्क (पुष्प)
 पुंजोयवयारकलिते कालागरुपवरकुंदुरुक्कधूवमधमघंतगंधुद्धयाभिरामे सुगंधवरगंधिए गंधवट्ठिभूते तंसि तारिसगंसि सयणिज्जंसि
 सालिंगणवट्ठिए उभतो बिब्बोयणे दुहतो उण्णए मज्झेणयगंभीरे गंगापुलिणवालुउद्दालसालिसते उवचियसोमदुगुल्लपट्टपडिच्छायणे
 सुविरइयरयत्ताणे रत्तंसुयसंवुडे आणियगरूयबूरणवणीततूलफासे गंधवरकुसुमचुण्णसयणोवयारकलिते ता एयारिसियाए
 सिंगारागारचारुवेसाते संगय जाव जोव्वणविलासकलिताए अणुरत्ताए अविरत्ताए मणोणुकूलाए भारियाए सद्धि इट्ठे सदफरिसरसरूवगंधे
 पंचविहे माणुस्सए कामभोगे पच्चणुभवमाणे विहरेज्जा, ता से णं पुरिसे विउसमणकालसमयंसि केरिसतं सातासोक्खं
 पच्चणुभवमाणे विहरति ?, तं उरालं णं समणाउसो !, तस्स णं पुरिसस्स' कामभोगेहिंतो वाणमंतराणं देवाणं एत्तो
 अणंतगुणविसिद्धतरगा चेव कामभोगा, वाणमंतराणं देवाणं कामभोगेहिंतो असुरिंदवज्जियाणं भवणवासीणं देवाणं एत्तो
 अणंतगुणविसिद्धतरगा चेव कामभोगा, असुरेदवज्जिताणं० एत्तो अणंत० गहगणणक्खत्त जाव कामभोगेहिंतो चंदिमसूरियाणं
 जोत्तिसियाणं जोत्तिसराईणं इत्तो अणंतगुणविसिद्धतरगा चेव कामभोगा, ता चंदिमसूरिया णं जोत्तिसिंदा जोइसरताणो एरिसते
 कामभोगे पच्चणुभवमाणे विहरंति ॥ १०५ ॥ तत्थ खलु इमे अट्ठासीती महागहा पं० तं०-इंगालए वियालए लोहितक्खे सणिच्छरे
 आहुणिए पाहुणिए कणते कणो कणकणए कणवियाणए १० कणगसंताणए सोमे सहिते आसासणे कज्जोवए कत्थु(व्व)ए

॥ श्री चन्द्रप्रज्ञप्त्युपाङ्गम् ॥

९६

पू. सागरजी म. संशोधित

अयगरए दुंदुभाए संखे संखणाभे २० संखवण्णाभे कंसे कंसणाभे कंसवण्णाभे रुप्पी रुप्पोभासे नीलो नीलोभासे भासे भासरासी
 ३० दगे दगवण्णे तिले तिलपुष्पवण्णे काए कागं(वं)धे इंदग्गी धूमकेतू हरि पिंगलए ४० बुद्धे सुक्के बहस्सती राहू अगत्थी
 माणवते कामफासे धुरे पमुहे वियडे ५० विसंधी कप्पेल्लए पड़ल्ले जडिलए अरुणे अग्गिल्लए काले महाकाले सोत्थिए सोवत्थिए
 वद्धमाणए ६० पलंबे णिच्चालोए णिच्चुज्जोए सयंपहे ओभासे सेयंकरे आभंकरे पभंकरे अरए ७० विरए असोगे वीयसोगे विवत्ते
 विवत्थे विसाले साले सुव्वते अणियट्ठी एकजडी ८० दुजडी करे करिए राय अगले भावे केऊ पुष्पकेतू (सूर्य० गाथा ८९-
 ९७) ॥ १०६ ॥ २० पाहुडं ॥

इय एस पागडत्था अभव्वजणहिययदुल्लभा इणमो। उक्कित्तिया भगवती जौइसरायस्स पन्नत्ती ॥ ९८ ॥ एस गहियावि संती
 थद्धे गारवियमाणपडिणीए। अबहुस्सुए न देया तव्विवरीए भवे देया ॥ ९९ ॥ धिइउट्ठाणुच्छाहकंमबलविरियपुरिसकारेहिं। जो
 सिक्खिओवि संतो अभायणे पक्खिविज्जाहि ॥ १०० ॥ सो पवयणकुलगणसंघबाहिरो णाणविणयपरिहीणो। अरहंतथेरगणहरमेरं
 किर होइ बोलीणो ॥ १ ॥ तम्हा धिइउट्ठाणुच्छाहकंमबलविरियसिक्खियं णाणां। धारेयव्वं णियमा ण य अविणीएसु दायव्वं ॥
 २ ॥ वीरवरस्स भगवतो जरमरणकिलेसदोसरहियस्स। वंतामि विणयपणतो सोक्खुप्पाए सया पाए ॥ १०३ ॥ गाथा : १०३ सू.
 १०७ चं. । १०७। इति श्रीचंद्रपञ्चपुपांगम सूत्रं संपूर्ण ॥ प्रभु महावीरस्वामीनी पट्टपरंपरानुसार कोटीगण-वैरी शाखा-चान्द्रकुल

॥ श्री चन्द्रपञ्चपुपाङ्गम ॥

९७

पू. सागरजी म. संशोधित

प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक, सैलाना नरेश प्रतिबोधक, देवसूर तपागच्छ, समाचारी संरक्षक, आगमोद्धारक पूज्यपाद आचार्यदेवेश श्री आनंदसागर सूरीश्वरजी महाराजा शिष्य प्रौढ प्रतापी-सिद्धचक्र आराधक समाज संस्थापक पूज्यपाद आचार्य श्री चन्द्रसागर सूरीश्वरजी म. सा. शिष्य चारित्र चूडामणी, हास्य विजेतामालवोद्धारक महोपाध्याय श्री-धर्मसागरजी म.सा. शिष्य आगम विशारद, नमस्कार महामंत्र समाराधक पूज्यपाद पंन्यास प्रवर श्री अभयसागरजी म. सा. शिष्य शासन प्रभावक, नीडर वक्ता पू. आ. श्री अशोकसागर सूरिजी म.सा. शिष्य परमात्म भक्ति रसभूत पू. आ. श्री जिनचन्द्रसागर सू.म.सा. लघुगुरुभ्राता प्रवचन प्रभावक पू.आ. श्री हेमचन्द्रसागर म.सा. शिष्य पू. गणी श्री पूर्णचन्द्रसागरजी म. सा. आ आगमिक सूत्र अंगे सं. २०५८ /५९/६० वर्ष दरम्यान संपादन कार्य माटे महेनत करी प्रकाशन दिने पू. सागरजी म. संस्थापित प्रकाशन कार्यवाहक जैनानंद पुस्तकालय, सुरत द्वारा प्रकाशित करेल छे...

॥ श्री चन्द्रप्रज्ञप्त्युपाङ्गम् ॥

९८

पू. सागरजी म. संशोधित



